


# खाली गोद

(डोगरी कहानियां)

10Pc



लेखक

भगवत्प्रसाद साठे

पहली बार १०००

सन् १९७०

मुल ५ रुपये ५० पैसे



प्रकाशक :

भगवत्प्रसाद साठे

जम्मू तवी

Accession Number 26901  
..... क.प्र. .....  
Cost..... Class No.....

जम्मू व कश्मीर ललित कला अकादमी शा थोड़े अंश  
च अर्थ-सहायता थोड़ी । उस गिते धन्नबाद ।

छापने आले :

एस. एन. मगोत्रा प्रेस

गली खलीनेयां, जम्मू तवी ।

## मां ! तेरें अर्पण

‘खाली गोद’ में तेरें अर्पण करन लगां, मां ! ‘मां’ आखन दा मिगी चा गै रेआ हा । मां हुन्दें बी में तुगा चाची आखदा रेआ, की जे मेरे तातो हुन्दी सन्तान तुगी ‘चाची’ आखदी ही, में उन्दे सबनी कशा निक्का हा, ते में बी चाची आखना सिक्खी लेआ । जिस बेल्लें मिगी मेरो दूई माऊ (डोगरी साहित्य दी सादनां) ने अपनी गोद च लेआ, तूँ अपनी गोद फण्डियं सुगंवास होई गेई ही । मते बरे डुगर घरती ने बी अपनी गोदें चा बक्खरा करियें मिगी बनवास देई ओड़ें दा हा, पर अज्ज चौं वरें शा में की अपनी घरती पर पुज्जियें ‘खाली गोद’ तेरें अर्पण करी गै ओड़ी ऐ । मेरी ए भेटा लेई लें ! मिगी सन्दोख होई जाग, में सुखी होई जांग ।

तेरा कलापा पुत्तर  
भगवत्प्रसाद साठे

# सूची

१.	पंजतारे दा फुलज	१
२.	हीरे दा लींग	११
३.	मसाहनी	१९
४.	धूनी दा धूँ	२२
५.	कासम घम्यार	४०
६.	खाली गोद	४७
७.	फफानूँ	५१
८.	कमला ते सूरज	५५
९.	जात्तरा	६२
१०.	इक नीली ते इक सैली	७७
११.	रावण-जटाऊ जुद्द	८७
१२.	सामने-सामने	९१
१३.	नकाह दा सोग	९७
१४.	पण्डत जमनाधर	१०५
१५.	दाल-भत्त	११३
१६.	मड़तने दा बसनीक	११९
१७.	बत्तर	१२६

## भूमिका

पैहलें पुज्ज पैहला-फुल्ल' ते हून 'खाली गोद' दीनें दे नां च मता फर्क ऐ । 'पैहला फुल्ल' खिड़दा ऐ तां बागे च दूए फुल्लें दे खिड़ने दी आस बजदी ऐ पर खाली गोद भरोने दे लवखन बड़े घट्ट हुन्दे न । जे 'पैहला फुल्ल' दिये कहानिये साई डोगरी दे पाठके, 'खाली गोद' दियां कहानियां बी पसिन्द कीतियां तां मेरी खाली गोद जरूर भरोई जाग ते मेरे जनेआ भागवान दूआ होर कोई नई होग ।

चार बरे होए में सतारां बरे बम्बई च रेइयें फी जम्मू परतोई आया हा । इत्थें रोहन्दे जिन्नियां कहानियां में लिखियां न उन्दे चा चुनियें गे ए खाली गोद भरी ऐ । किश लेखकें दा आखना हा जे मिगी डोगरी भुल्ली गेदी हीनी ऐ, पर में दिवखनां जे मेरे जिन्नी डोगरो हून बी होर कुसे गी गे आन्दी होग । इस गल्लें दा परमाण तुसैं गी ए पुस्तक पढ़ियें मिली जाग ।

इस पुस्तक के च जिन्नियां कहानियां न, इन्हें सबनी दे तारें च मेरी उमरी दे थोड़े-थोड़े खिन बज्जे दे न । निक्के-निक्के 'बी' राहे, तां शैल भौंगरे बूटे जम्मी पे । बिजन थोड़ा किश दिक्खे दे मता किश लिखी ओडना, भाएँ ओ कुसं दा लिखे दा होऐ ते भाएँ कुसं कशा सुने दा होऐ, नेई बे-बसाही नीयां उप्पर खड़ेरै दा मंहल गरसाल ते हुन्दा गं पर बे-मेल बी लबदा ऐ । कहानी लिखने आस्तै पैन्नी पौहच ते लोड़दी, पर अपनी उमरी च मता किश अक्खों दिक्खे दा होऐ, तां कहानियां जींदियां लबदियां न, ते असली सेई हुन्दियां न । शैल कहानियें दे इयें लक्खन हुन्दे न, ते इन्दी गै मती शोब्बा हुन्दी ऐ ।

'खाली गोद' च सबनी दे मन-पसिन्दे दियां कहानियां लाई दियां न । डुग्गर ते इन्दे च परतक्ख लबदा गं, पर किश कहानियां बाहरे दियां बी हैन-अयोध्या, बम्बई मद्रास ते थोड़ी नेई पंजाब दी बी झलक आई गेदी ऐ । 'पण्डित जमनाधर' 'नकाह दा सोग' 'जात्तरा' ते 'सामने-सामने' बाहरे दियां भांकियां न, ते इस गल्ला दितियां, जे मेरा इन्हें थारें कन्ने थोड़ा मता सरबन्द रेआ ऐ । होर सारियां डुग्गर दियां नछड़ियां कहानियां न । 'पंजतारै दा फुल्ल' 'मसाहनी' ते 'जात्तरा' च अपनै-अपनै थार दबोई दिये भावनें दा हुस्सड़ बुहासरै दा ऐ । 'धूनी दा धू' दर्शन शास्तर दा दर्शन करान्दी ऐ । 'खाली गोद' प्रकृति दा मुंह धुआन्दी ऐ । 'इक नीली इक सैल्ली', 'नकाह दा सोग', 'पण्डित जमनाधर' 'रावण जटाऊ

जुहूँ 'सामने सामने' हास्से दियां कहानियां न, ते 'दाल भत' टकोदा व्यंग मारे दा ऐ । 'कासम घम्यार' मूर्ती बनान्दा ऐ । उसदी कला च अपने अन्दर छप्पी दी इक पीड़ रली दो हुन्दी ऐ, ते उस पीड़ दा बेठ उसदे हथें च ऐसी कारीगरी भरी ओड़दा ऐ जे उनें हथें दियां बनो दियां मूर्ती हथो-हथ बिकी जन्दियां न ।

'कमला ते सूरज' ऐसी कहानी ऐ जेड़ी मेरे अपने मन दा खतोला ऐ । बम्बई रोहन्दे में चार-पंज कहानियां डोगरी च लिखियां हियां । 'कमला ते सूरज' उन्दे चा इक ऐ । होर हियां 'जल्लू', 'परोख', 'रावण-जटाऊ-जुहूँ' ते 'सामने-सामने' । फी बी बम्बई होरने कम्म च रुज्जे दे मेरे अन्दर कहानी जागी नई ही । जम्मू आइयें में फी कहानीकार बनी गेआ ते लिखने गितें मिगी प्रेरणा उप्पर प्रेरणा मिलदी गई । इक बारी श्री राजगोपालाचारी होरें तमिल जागते अगें अपील कीती ही जे ओ काले रंगे दियें कुडियें कन्ने बी व्याह करन की जे घर सम्हालने च ओ कुडियां बी चतर हुन्दियां ने । उन्दी अपील सुनियें में 'जातरा' कहानी लिखी ही । इयां गे प्रो० रामनाथ शास्त्री हुन्दी कहानी 'गजंदे बदल मिल्कदी बिजली' पढ़ियें मिगी उन्दे छेकड़ हिस्से उप्पर सन्दोख नई होआ हा ते बुड्डे कन्ने व्योही दी जुआण्टड़ी जनानी कशा थोड़े जनेह बोल बुलाइयें गे में उसदे दिले दा बुआल कड़ी ओड़ना चाहदा हा । मेरे मन च अरे बरे इयें बचार चलदा रेआ तां मिगी इक फिकरा मिलेआ जेड़ा 'पंजतारें दा फुल्ल' च में भानु दे मुंह



(घ)

दा खुआया ऐ । इयां गी कहानी लिखने दी प्रेरणा कुस बेल्ले कुत्थों दा मिली जाग, इस गल्ले दा पता बचारे कहानीकारे गी बी नईं लगदा । पर समे उपर प्रेरणा बी मिली जन्दी ते कहानी बी लखोई जन्दी । कुसम पर भांए किन्ना जोर देयो पर लखोन्दा किश नईं गी । लेख लखोई जन्दे पर कहानी नईं लखोन्दी ।

कहानी नसर ऐ ते भाशा दी नसर च कवता साई संगीत लेई श्रीना बड़ा कठन हुन्दा ऐ । ए उऐ लेखक करी सकदे न जिन्दी भाशा रसीली ते सुरीली होऐ । जे भाशा बनकदी नईं सेई होऐ तां कहानी भांए किन्नो बा शैल होऐ उसदा गुहाड़ नईं निकलदा ते ना उसी कोई पढ़ना चाहदा ऐ ।

‘खाली गोद’ पढ़िये जे तुसें गी इस दियां कहानियां ते बनकदी भाशा पसिन्द आई जाग, तां सुनिये मिगी बड़ा सन्दोख होग ।

— भगवत्प्रसाद साठे

## पंजतारै दा फुल्ल



तास खेडदें गींगां होरें भानू गी आखेआ :

‘ भानू थुक्क नई’ ला पत्तरें गी, छोट होई जन्दी ऐ ।”  
गींगां हुन्दे ठाकने पर भानू दे ओठ बिन्द क हस्सी पे ते प्यारू  
दा डूठा ओठें तगर पुज्जन थमां पहलं अड़की गेआ ।

“सच्च ऐ । पत्तरे बण्डोइयें इन्दे कश बी जन्दे तां छोट ते  
होनी गी । मिगी भलेखा लगन लगा हा ।” प्यारू ने गींगां  
हुन्दी सार्ती कन्ने सार्त रलाई ।

“भाई सने टल्लें न्होने शा खरा ऐ जे अस भुलचं गी नई ।”  
गींगां होरें पत्तरें पर ताड़ी लाए दे गी आखेआ : “सुट्ट भानू  
पत्तरा, इन्ना चिर के सोचदी रोहन्नी ऐ ?” गींगां होरें भानू  
गी चेत्ता कराया ।

भानू ते प्यारू दोए भैन-भ्रा हे ते तास खेडने गी रोज  
इत्थें आई बीहन्दे हे—ए घर इन्दे बजियें दा घर हा । बहू  
वजी इक बजे रुट्टी खाइयें बिन्द लेटी लन्दे हे ते तयार होइयें

दो बजे बाहरे गो उठी जन्दे हे । उन्दे जाने पर ए दोए जने  
ग्राई पुजदे हे, ते फी सत्रां दे पंज बजे तगर तास चलदी  
रौहदी ही । सेयाले दे लोके दिनें च कुसे गो घट्ट भै ब्हेल  
लगदी ही । रातीं लम्मियां हुन्दियां तां ए लोक डोठी उप्पर  
अग तपदे-तपदे मन ते सिल्ह कोइने-बट्टने दो कार करदे  
रौहदे हे ।

भानू डगर चारदी ही, ते प्यारु करसानी करदा हा ।  
करसानी दे कम्म च उस दियां दो भरजाइयां कन्ने लगदियां  
हियां । मा घर रुट्टी पकन्दी ही । इन्दा बड्डा आ बिडू, हूमि,  
चम्यारें, सरयारें ते बरोआलें दे घरें ब्याह पढ़ाने दा कम्म  
करदा हा, अपने जजमानें दे घरें दा बरसोद बी उसी थोन्दो  
ही । इक मन्दरें च अजे मूर्तियें दो स्थापना नईं होई दी ही,  
चिडू, उत्थों दा चौकीदार बी हा । मंजला आ मोती बारादरो  
दे बागे च लाल्ला माली कन्ने बागबानी दा कम्म सिखदा हा ।

भानू तेरहें चौदहें बरें दो होई तां खरी सरोखड़ कुड़ी  
निकली । बजियें दे बाहर बसोए दा मेला लगदा हा । प्यारु  
मेले च डोहला लान्दा हुन्दा हा । भानू उस दिन प्यारु कशा  
पैसे लेई लेइयें कन्ने दे कण्डल, हत्थं दियां बगां, बिन्दलू,  
कज्जल ते सिर गुंदाने दा सित्था अपनियें भरजाइयें गितं  
खरीददी हुन्दी ही । आपूं तड़के दे छोल्ले, आलू, मलाई दो  
यफं, बूर पकोड़ियां ते मन्चियां लेई-लेइयें खदी ही । सत्रां बेलजे  
मेला उज्जड़ी जा तां भानू, प्यारु, गीगां होर ते बजियें

दा निकका जागत राम डोहले दी इक-इक पीढ़ी मल्लो लन्दे हे. ते वजिये दे काम्मे उनें गी अही रातीं तगर भूटे दिन्दे रोहन्दे हे । भूटदे - झूटदे बारी - बारी चारें पीढ़ियां उपर-खल्ल चलदियां, तां भानू बी अपने आपे च गींगां ते राम हुन्दे बरोबर समजदी ही ।

ऐदकी वसोग्रा होए दे भानू तास खेडने गी औन्दें इक खल्ली च आखरे लेई औन्दी ही ते खल्लो द. खाली थार पूरा करने गितं उपर पंजतारे दे फुल्ल पाई लैन्दी ही । राम दे अगें खल्ली रक्खिये आखदी ही, 'गींगां होरें गी वो देयो ।' निकके-निकके पीले-पीले आखरें दी सुगात भानू गींगां हुन्दें गितं गी आनदी हा, पर निकके नेह राम दा मान रक्खने गिते उस दे अगें आइये रखदी ही ।

दूआ बरा आयां तां भानू फकवाड़े आनन लगी ते त्रिये वरें उसने त्रिम्बल आनन लाए । साल-वसाली भानू दी सुगात उसदी बददी वरेसा दा सनेआ रेई दिन्दी ही ।

पिछलें वरें मोतो ने बागवानी दा चगा कम्म सिक्खी लेदा हा, तां उमी उधमपुर माली दी नौकरी थोई गेई ही । उत्थे आर्यसमाज पासेआ शुद्धा दा प्रचार करने गितं प्रचारक आए ह । मांती बी जनेऊ पाई आया, ते कन्ने सिक्खी आया जे हून पाएं पोन्ना दे थार नमस्ते करनी चाईदी ऐ । उसने सोचेआ जे आपू ओ माली ऐ पर चिड़ू व्याह पढ़ाने दा कम्म करदा ऐ. इस गल्ला उसी जनेऊ पोन्नाने दी मती लोड़ ऐ । ए

मौका फी पता नई हत्थ औना क नई । मोती बड़ा चाँए-चाँए चिड़ू गो अपने साथें लेई जाने गिते घर आया हा ।

दूए दिन आ बजार गेदा हा । उसने बजारें चा बजी लगदे दिक्खे । छे-सत्त आदमी होर उन्दे कन्ने हे । दोन पासेआ हट्टिये परा लोक उट्टी-उठ्टिये चरणवन्दना मत्थाटेकना करदे हे । ओ बी उनें गी 'सोलबचन' 'कल्याण होए', चरजीव हो उत्तर दिन्दे हे । बजी बड़े विद्वान ते पुराने मनातन बर्मी हे । उन्दा बड़ा मान ते प्रताप हा, सारे लोक उन्दी बड़ाई करदे हे । कदें उनें गी कुसं रोह चढ़े दे नई दिक्खेआ हा । सबनी दो मद्यत करने दा सुन्हा होने करिये उन्दा बड़ा नां हा । मीर-गरीब, बड़ु-निकके उन्दे दरबारें च बरोबर हे । निन्दा ते उन्दी कदें कोई पिठ्ठी पिच्छें बी नई करदा हा ।

मोती बजिय गिते अज नमी रामसत्त लेई आए दा हा । उसने सोचेआ बाजये गी नमस्ते करग तां उनें बड़े खुश होना ऐ । जनेऊ पाए दा सुनिद्ये ते उसदी पिठ्ठी उप्पर थापी दंगन तें आखगन मड़ा चिड़ू गो बी लेई जा ते लगदे हत्थ इसी बी जनेऊ पोआई आन । नमस्ते बड़ी उच्ची रामसत्त ऐ, उत्थें बड़ु पन्तें सखाली ही, ओ पन्त कुतें खल्लै पासे दा आए दे न ते पूजने जोग न । बजी भला उन्दे पोआए दे जनेऊएं गो की नई मन्नगन, जरूर मन्नगन ।

मोती अगें होआ, ते बिन्द क नीमे होइये उसने नमस्ते

आखेया । बस बजिये नै रहूर रूप धारी लेया । अपन मोटा  
खिच्चिये उनें मोती पासै छण्डेआ ते सो-सो गाल कडु ।  
मोती मोटे दी इक थापी पिठु पर खाइयो उत्थों वा उठी  
गेया । पर बजिये दा नरसिंह रूप स्हारने जोग नई हा ।  
छडी नमस्ते ने इया बलूना ठोआली ओड़ेया तां जनेऊ दी खबर  
सु नयी खबर किना झक्खड़ भुल्ले, जिसगी यम्मने गितें खुशी  
चा शिवें गो पक्खरू दा रूप धारियो आना पव ।

शुद्धो दा व्यापक झक्खड़ भुल्लो पेदा हा, नीच खोआने  
आले लोक मनुखें दी जोनी च आते गितें तड़फो पेदे हे ।  
इक थारै पर उनें गो दवाई रखने गितें बजिये दा रोह  
किस गिनतरी च हा, पर बजो इन्ने दूरे दी गल्ल मछने गो  
त्यार नई हे ।

चिड़ू हुन्दै घर मोती दा इस बेजती दी परचोल पेई, पर  
ओ लोक किण करी नई सकदे हे । चिड़ू दी नोकरी जन्दी  
गौहनी ही, करसानी दी जमीन निकली जानी हा ते इक  
चिठु लिखने कन्ने खबरें मोती दा बाग बी छुड़की जाना हा ।  
उस दर-बदरी कशा इयो खरा ऐ जे चुप्प कारियो जरी लो ।  
पर भानू लोकी होते करिये सबनो बी जाडली ही, इस गल्ला  
उस कशा जरन नई होया । उस दिन तास खेडने गो ओ  
नई मई । अगर चरी-चुरियो बूटें दी छावां वेइयो गुआली  
करन लगी पे है, पर भानू बी छाती जलदी ही ।  
त्रिध्वजे दे इक बूटें पर ठडे पत्तरें च छप्पिये ओ वेई गेई ।  
पर गींगां होर जलवी धुम्पा च फिरी-फिरियो भानू गो तुपदै

रेह । उस दिन बूटे पर बंठे दे बी उसने इक त्रिम्बल नईं तरौड़ेआ, ते प्यारु दे आखन पर बी गींगां होरें त्र पत्ती खेडने दी हामी नईं भरी ।

सोऐ होर फुल्ल फुल्लन जां नईं, पर पंजताग मूए फुल्ले कन्ने भरोचें दा लाड़ा जन खड़ोत दा लबदा ऐ । भानू गी इक पास मोती दी बेजती पर घटोन चढ़े दा हा, दूऐ पास दिनों-दिन गींगां हुन्दिये अक्खीं च पानी दी बददी लिहक उस दे कलेजे उपर मिठियां लोरियां दिन्दी ही । उससे त्रिम्बली दे बूटे पर बेइयो ओ मनै थमां पंजतारे दे फुल्ले दी मालां परोन्दी रोहन्दी ही, ते गींगां होरें गी तांह-तुआंह घुलाइयें च ते खुम्बें दिये आड़ीं पर फिरदे दिखदी रोहन्दी हो । जिस बेली ओ घरे गी उठी जन्दे हे तां ओ अज्ज इस झूड़ी पर ते कल उस झूड़ी पर मालां टंगियो डगरें दे मगर उठी जन्दी ही । गींगां होर कमलाई दियां मालां झूड़ियों पर टगोई दियां दिखदे हे ते सेई करदे हे जे ए भानू दी गी कार ऐ, पर भानू उनें गी सबदी नईं ही ।

इक दिन भानू ने मालां परोइयो सम्बाई, तां संजोगे कन्ने गींगां होर उसी बूटे दे थल्ले आई पुज्जे ते बिन्द बसोन लगे । भानू कशा रोहन नईं होआ ते उस ने बूटे परा छाल मारी । गींगां ने त्रबक्रियो दिक्खेआ ते खड़ुत्त आई पेदी भानू दी पिठ्ठी पर दीऐ हत्थ नेत्ते ते जोरें कन्ने उसी सम्हाली लेआ । भानू ने हत्थे च लेई दी मालां उन्दे गलें च पुआई ओड़ी ते जिस सूई कन्ने उस ने मालां परोती हो, उस दी बिन्द क चुम्ब उनें गी

कराई । गींगां होरें गो चुब्ब लग्गी तां उनें भानू गो छोड़ी  
दिता । भानू सिर नीमां रक्खे दे बोली :

“तुस मेरें कन्ने छोई गे ओ. सने टल्लें न्होना पीग ।”

“पर ए सूई दी चुब्ब तू मिगी की कराई ?”

“इस गल्ला जे सोटा नई मारेआ ।”

“अच्छा ! ए उस सोटे दा बदला ऐ । भानू साढ़े बड़े-ब-  
ड़ेरें अपने जनेई नव्हाइयें उठी जाना ऐ । पर असें-तुसें अपनी  
अवलीं दिक्खना ऐ, जे ना ए सोटे रोहने न ते ना छोने दे डरें  
सूई चुब्बनी ऐ ।”

भानू दा भक्क जन्दा रेआ । दोए जने किआ चिर गे  
त्रिम्बली दे बूटे दी छावां बंठे दे हसदे-खेडदे रेह ।

दूऐ दिन भानू पहलें साई बजियें दं घर तास खेडनेई आई  
गेई । अज्ज उस ने अपनी चोटी कन्ने पंजतारे दे फुल्ल दुंगे दे  
हे । प्यारू ने पुच्छेआ, “ए फुल्ल कुत्थों दा दुंगी आई  
ए भानू ?”

गींगां होरें गल्ल परतने लेई आखेआ : “तुगी पत्ता नई ?  
फल ए बूटे परा खल्ल तरटोई पेई ही, जे में इसी नई सम्हालदा  
तां सारे दंद भज्जी जाने हे ।”

राम बोलेआ, “तां तुस छोई गे हे, पर घर आइयें न्हाते  
ते नई ।”

चारें जने इक दूऐ कन्ने इन्ने खुल्ले दे हे जे राम ते प्यारू  
कन्ने मालां आली गल्ल बी खुल्ली गेई । गींगां होरें अपने जोड़े



गी लाने गितें इक शीशी च कौड़ा तेल रक्खे दा हा, प्यारु ने शीशी लेइयें भानू दे सिरें च परती ते बोलेआ : “मालां तू अपू पुआई ओड़ी ऐ ते लें तेरे सिरें च तेल ओ पाई ओड़ना ।”

राम ज्याणां हा, बोलेआ : “सांत होई गेई ऐ ते हून छड़े फेरे गं बाकी रेई गे न ।”

प्यारु बोलेआ : “कुसै दिन फेरे बी लग्गी जाने न ।”

फेरे लग्गने दा मौका बी आई गेआ । भर बरसांतीं ठीगरें दे बरतें आले दिन बजियें दै घर सारियां सामियां फलोहार खाने गी आई दियां हियां । बजरभडां दा भत्त ते खीर, धीये दा रायता, सीऊली दी लपफी ते उस्से दे टिकड़े, दड़ऊ दे चिल्ले ते बबरू, सुक्के आलू, मिठ्ठा कदू ते लूनकी कण्डोली ते नारदाने दा कड़ाह भरियो अम्बल बने दा हा । सबनीं लोकें दियां बवखरियां-बवखरियां बीयां लग्गियां ते फलोहार बण्डोआ । पेहली बीह खाइये उठ्ठी तां सनीनी आई जे लाल्ले दी लाड़ी मरी गेई ऐ । मेह्ग सारे नड़ोऐ जाने गी उठी गे । लाल्ले दा घर सुन्ना होई गेआ, हून ओ कियां बस्सग-रस्सग । लल्ले दै घर सब किश ऐ । बन्दा-टल्सा इज्जत मान, उमर बी मसां अर्जे पजाए दी होनी ऐ ।

बर्म-किरया होई गेई तां लाल्ला बजियें कश आया । उनें उसी दलासा दित्ता, “लाल्ला चिन्ता नई कर, तुगी उस कशा बी सुआई थोग ।”

बारादरी दे बागी च इक मरुद दा बूटा हा । बाहरले

कोटें कन्ने उस दियां टांहलियां वजदियां हियां । जागन कोटें पर चढ़िये पक्के दे मरूद थुआटने दी तक्का च रौहदे हे पर सामने लाल्ले गी दि।क्खयी ओ मरूदे गी हत्थ नई लाई सकदे हे । राम ने बी इक बागी इयां गी जागते दै साथें कोटें पर चढ़िये मरूद लेने दा जतन कीता हा, पर लाल्ले ने उसी बी मरूद नई लैन दित्ते हे । आखन लगा :

“बिन्द पक्कन देप्रो तां तुसाढ़े घर बी पुजांग, अजें तसीलदार साव गी गी देन होए न होरने अफसरें दै घरें बी देने न, अजें इनें गी हत्थ नई लायो ।”

ए मरूद बड़े मिठे हे । इक बंगाली तसीलदार हुन्दे हे ओ इलहाबाद दा कुतें बी लेई आए हे, ते इत्थें उनें पनीरी लाई ही । उस बिच्चा कुतें इक घूटा बची रेहदा हा । लाल्ला डंडा लेइये उसदी राक्खी करदा रौहदा हा । लाड़ी दे मोए दे ओ राम गी रोज शिड़क चा सहिये मरूद दिन्दा हुन्दा हा । राम समजदा हा इस दी लाड़ी गी कच्ची ही जेड़ी जागते बखा लाल्ले गी बकाहदी होनी ऐ, नई तां लाल्ला ते बड़ा चंगा लवदा ऐ ।

राम घर आइये बी उसी सराहम लगा हा । ते लाल्ला राम गी आखदा रौहदा हा, “बजिये ते आखेआ हा राम जी, उस कशा बी सुआई थोग, पर खबरे कदू थोनी ऐ ? बजिये दा बाक कदे झूठा नई हुन्दा ।”

सुआई थोने च किन्ना चिर लगदा ? थोड़ी नेई गल्ल

चलाई ते लाल्ले दे उज्जड़े दे घरे गी बसदा रसदा बनाने गितें भानू ब्योहिये उठी गेई ।

ब्याह होए दे दसैं-बारहें दिनें प्यारू भानू गी सहिये लेंई आया । ब्योही दी आई दी भानू गी दिक्खने गिते राम ते गींगां होर बाहर आई गे । उसगा थारें-थार सारे बन्दे पुआए दे हे । सूए कनारिये आले टल्ले लग्गे दे हे, पर सिरे दियां लिम्बां खिल्लरी दियां हियां ।

राम ने पुच्छेआ, “भानू, तूं सिर तेल की नई लाए दा ?”

भानू ने नीमी मुण्डी पाए द गी आखेआ :

“तेल के लाना, तल्लं च थिन्द गी नई रेहदा” ।

“मोइये पंजतारे दे फुल्ल ते दुंगो लेंने हे, ओ ते तुगी बड़े प्यारे हे ।”

दो दुलांगां भरिये भानू पैड़ियां उतरी गेई ते मुण्डी परतिये बोली, “राम जी उज्जड़दी बरसांतीं पंजतारा कुत्थें खिड़दा ऐ ?”

राम गड़ाका मारिये बोलेआ । “हां हां, भानू उज्जड़दी बरसांतीं पंजतारा कुत्थें खिड़दा ऐ ?”

गींगां हुन्दा मुंह हिस्सी गेआ ते उन्दे ओठें चा बल्लें जनेह किल्हे दे जन बोल निकले :

“हां भानू ! उज्जड़दी बरसांतीं पंजतारा कुत्थें खिड़दा ऐ ?”

---

# होरै दा लोंग



मैली पैण्ट ते मैली गी कमीज लग्गे दे हीरा गली च नीमी मुण्डी पाए दे चलदा जन्दा हा । पिच्छें इक मजूर हा जिसने विस्तरा ते निक्का नेआ सूटकेस चुक्के दा हा । रुक्खे खिल्लरे दे बाल ते बालें च छनोइयो पेई दी खुक्खल; सेई हुन्दा हा जे उसदा मन ठकाने नई ऐ । गली दी नुक्करे पर मुइदे गी सरला उसदे सामने आई खडोती ।

“ए के ? ए के बसरा बनाए दा तुसें ? समान लेइयो कुतो चले ओ ?”

हीरा मुण्डी चुक्कियो सामने दिक्खन लगा, सरला तिल्ले ते कनारी कन्ने जक्क रेशमी सूट लग्गे दे खडोती दी ही । सिरे दी सीन्दी च सन्दूर ते नक्क बालू पाए दा हा । दो महीने पहलें सरला दा ब्याह होमा हा ।

“हां, परदेस च रेई-रेइयो अक्की गेमां । सोचेआ देस

उठी जां ।”

परदेस आखदे गी सरला गी गाने दे ओ बोल चेतत आए जेडे ब्याह कशा इक दिन पहलें हीरे गी मिलन गेदे रीकाडं बजाने पर सुने हे । हीरं ने ओड़ करिये आखेआ हा, “तेरें गित्त नमें रीकाडं नुआए हे, में सोचेआ, मिलने गी ओग ता बजाइये सुनाग ।” बोल मीके दे हे “परदेसी प्रीत कहां जाने ?” सरला ने छन्दे कीते हे जे उस रीकाडं दा नम्बर दस्सी ओड़ो, पर हीरं ने आखेआ हा, “ए बोल इयां गी चेतत रक्सेआं, दूए वारीं रीकाडं बजाने च मजा नई रोहना ।”

सरला फी बोली, “पर तुसे ए बसरा के बनाए दा ऐ ?”

“इये मनुखे दा असली रूप ऐ, पंहुला ते बनाए दा रूप हा ।”

रूप ! रूप दा के आखना ? हीरा बड़ा सुन्हाकड़ा आदमी हा । रेशमी अचकन, धोती ते पंरें साबरे दी, चप्पल, सिरें आ सुगंदी आले तेल्ले दे मुहाड़ खुड़कदे हुन्दे हे । कच्छ बंठा दा आदमी उस दियां मिठियां गल्लां सुनिये फसोई पोन्दा हा, मोहत होई-होई जन्दा हा ।

बीती दी गल्लें दा किआ बी बस्तार होऐ, जिस बेल्लें उसदा चेता ओन्दा तां खिन च सारी तस्वीर सामने आई जन्दी ऐ । सरला गा चेतत आया जे हीरे ने उस दिन मिलने गी गेदे इक लोंग दित्ता हा, ते आखेआ हा, “तू हून ब्याह च बालू पाना ऐ । बालू भारा हुन्दा, कद-कदे नक्कै दे बेहे

गो चोरन लगदा तां नक्क पीड हुन्दी । नत्थ पाइयै नथोई  
ते जाना गै पर पीड मती गै सेई होऐ तां बालूएं दं थार ए  
लौंग पाई लैयां । ए ना नक्क चोरदा ते ना की पीड हुन्दी ।  
लौंग तुगी सुख देग । चेत्ता रक्खेयां ए हीरें दा लौंग ऐ ।”

पर सरला दं सोहरें इस लौंगे दी हासो - हानी पेई ही ।  
इक ननान पुच्छन लगी ही, “कुड़े ए लौंग असली ऐ जां  
नकली ?” सरला ने आखेया हा, “ए हीरें दा लौंग ऐ, हीरा  
असली ऐ ।” ननान बड़ी परख करिये दिक्खन लगी ते उस  
ने अपनी दूई भेनू गी आला मारिये सददेया हा, “दिक्खेयां  
भेनू ए हीरें दा लौंग ऐ मिगी ते फुकराज सेई हुन्दा ऐ ।”

“मोइये फुकराज नई पुखराज, दस्सां कुत्थें ऐ ?” बड़ी  
ननान बी परख करने दी जनकार ही, उसने बड़ी निज्ज  
लाइयें दिक्खेया हा । बोली, “सुआह पुखराज ऐ, इम्मीटेशन  
ऐ इम्मीटेशन । अज-कल चले दे न बड़े लिक्कने नकली थेवे ।  
उए ऐ ए ।” सरला कच्छ खड़ीती दी मनै च घटोन्दी जन्नी  
ही, हीरें दा लौंग नकली होग भला ?

सरला पुच्छन लगी, “भला दस्सो हां, तुसें जेड़ा लौंग दित्तां  
हा ओ असली हा जां नकली ?”

“सरला में भला तुगी नकली लौंग देना हा के ? असली  
लौंग लेंदें मेरा अपना असली रूप निकली आया ऐ । धरोइयें  
दिक्ख हां, हीरा असली ऐ जां नकली ?”

सरला दी देही दे सरकण्डे उव्वरी आए । लौंगे दा हीरा असली ऐ, ते हीरा आपू ? हीरें दा मुंह चिट्टा पड़दा बनी गेप्रा ते उस पड़दे पर बीती दियां सारियां गल्लां सामने ओन्दियां गेइयां । सरला पैहलो - पैहल हीरें कन्ने भावी दं घर मिली ही । फो रोज उत्थें मिलदी रेई ही । पैहलें दिन गे भावी ने हीरे गो सुनाया हा, “इस कुड़ी दी इक जागतं कन्ने ब्याह करने दी मर्जी ऐ । ओ जागत बी इस कन्ने ब्याह करने गो त्यार ऐ । पर इन्दे दीनं दे माऊ - बब्बे दा सोदा नई हुन्दा । इस दा बब्ब कड़माई दे पंज सौ रपे देई सकदा ऐ ते जागते दा बब्ब पंजें हजारें पर मनदा ऐ ! गल्ल अहं च फसी दी ऐ, बनने दी कोई सबोल नई लबदी ।”

उस बेल्लें हीरे दं मनं च आया जे उसने आपू अपने ब्याह दा किश नई मगेप्रा हा तां उसो दाज च टल्ल दियां किश लीरां - कचीरां थोइयां हियां । नई मंगे तां कोई दिन्दा बी ते नई ऐ । ओ लीरां - कचीरां अपने घर किसं कम्म नई आइयां । श्याम दा ब्याह होप्रा हा, उस दे बब्ब न किश नई मगेप्रा । लाड़ी होरें ओदें गे घरं च कलह पाई दित्ती । बस श्याम गो बक्ख कराइयें साह लेप्रा । चुल्हा चौका बक्ख होप्रा तां फो बब्बे गो कुन पुच्छे ? उसने खर्चे दा ब्योरा गे नेप्रा बनाया जे बब्बे गो खच देने गितं महीनं दा इक रपेप्रा बी नई बचदा हा । जागत दियें पढ़ाइयें लखाइयें पर कीते दे खर्चे कुसं लेखं नई पोन्दे । कड़माई

उप्पर किश मंगी लेदा होऐ, तां नूंह भांए जागते गी लेइयी वक्ख होई जा, मा - बब्ब खचें गी तंग ते नईं ना रौहदे ।

जे कुड़ियां दाज - दान घट्ट लेई जान तां बी सस्सरीं ते ननान्नां मीहणें मारी - मारियें प्राण खाई सोइदियां न । इस गल्ला ए गल्ल सारें कशा खरी ऐ जे जागते दे मा-वच्च पहलें गे मुंह पाड़ियें मंगी लैन ।

भर दपहरीं सोऐ दै दिनें धुप्प भखी दी हुन्दा ही, हीरा भावी दै घर रोज जन्दा हा । उन्दे घरे पर बड़े दी ते निम्मां दे बूटें दी छीं पोन्दी ही इस गल्ला अन्दर ठण्डा रौहदा हा । उत्थें बेइयी सब जने नमें नमें रीकाडें सुन्दे हे । दपहर बी कटोई जन्दी ही ते मन बी लग्गेआ रौहदा हा । सरला हीरें पास ताड़ी लइयें दिखदी रौहदी ही । उसी ए पता नईं हा जे उस दियां भावनां कनेआ रग पकड़दियां जन्दियां न । मन कुती, मर्जी कुती, ते इत्थें के ? पर ओ खचोन्दी जरूर ही, ललचोन्दी जरूर ही, भलखोन्दी जरूर ही, अलसान्दी जरूर ही । इक नमां रंग हा, इक नमां भावनां ही । ओ भावनां मंली ही जां पबित्तर ही, उसदा निक्का नेआ बित ए किश समजी नईं सकेआ हा । हीरा सोचदा हा सरला दा ब्याह उसदे मन-पसिन्द जागतै कन्ने कियां होऐ जे ओ सुखी होई जा । इक दिन उसदे मुंहा दा निकली गेआ हा, "भात्री, सरला कनेई सरल ते शल कुड़ी ऐ । मेरा मन आखदा, में इसी अगन घर लेई जां ते जिस बेल्लै तगर ब्याह नईं होऐ,



अपने कंग गे रक्खी रक्खां ।”

सरला पीन्दे हत्य गे बोली पेई हो, “आखने गो आखी ओड़ेआ, पर करै कुन ?”

उपरलै मनै दा गल्ल गेई-आई हो । सरला आपूँ हस्सी उठ्ठी हो भावी बी हस्पी उठ्ठां हो, “भला परता दिता सरला नै ।” हीरा बी हस्पी उठ्ठेआ हा, जियां गल्ल मनै नईं लाई होऐ । पर गल्ल चुब्बो गेई हो, खुब्बी गेई हो ।

सारे महल्लै च इक गल्ल सनोचन लगो हो—हीरा होर बडे चगे आदमी न, दूएँ दी पाड़ बुजदे न, दुखं च शामल हुन्दे न—पर ए गल्ल कुत्थों दा चली ? उनें कुस दी पीड़ बुज्जी ? कुसनें दुखं च शामल होए ? इस गल्लै दा कोई बखान नईं हा । फी इक गल्ल होर चली, “भाएँ परदेसी न पर सबनी कन्ने रले-मिले दे रौहदे न ते सेई हुन्दा जे सबे बरे दे इर्थे गे रौहदे आए न ।”

इस गल्लै दी चुब्ब इन्ती इहगी लग्गी जे सरला दा झाक्का खुल्लो गेआ । हीरा पैसे आना आदमी हा । उसदे घरे आली प्योकं गेई दी हो । सरला हीरे नै घर ओन-जान लगो हो । पंहलै दिन उसने पुस्तकां दिक्खियां हियां दूऐ दिन सारा घर तोसेआ हा, त्रिये दिन नोकरे कशा पुच्छियी आर्टे-चीलं दे भाण्डे फरोल्ले हे । चोर्थे दिन अपने हत्ये रट्टी पकाइयी उसने हीरे गो खलाई हो ते फी.....

फी बस । सरला दे मा-बब्ब ते जागते दे मा-बब्ब इक दूएँ दियां शर्ता मन्नी गे ते सरला दा निलक चढ़ा गेआ ।

महल्ले च सारे लोक गल्लां करन लगे हे जे सरला दा बब्ब जिन्नी रकम दिन्दा हा, उसने उन्नी गं दित्ती ते जागतं दा बब्ब जिन्नी रकम मंगदा हा, उसी उन्नी गं मिलो गेई । हीरे ने सरला गी सुखी दिक्खने गितो अपनी कमाई दा पुल बनाया हा ।

जान्नी आई तां लुग्राह हीरे दै घर रक्खेया हा । जान्नी आलें बाजा ते रीकाडं हीरे कशा मंगियो नेते हे । परतिये अन्दे तां सरला दी मन-पसिन्दा दा रीकाडं भज्जिये फितियां-फितियां होई गेदा हा । उनें उस दा मुल्ल देन लाया तां हीरे ने आखी भेजेया, "सरला दी जान्नी कशा में रीकाडें दा मुल्ल लेना चाईदा ऐ ?"

लाड़े दा बब्ब बोलेया, "होरा होर ते सरला गी अपनी धो गे मनदे रेह न ।"

सरला ने दिक्खेया, हीरे दै मुंह परा चिट्टा पड़दा चकोई गेया ऐ । उसदे मुंहे पर मलू दी पिलछी बज्जो दी ऐ ते ओठ फरफर करदे कम्बदे सेई हुन्दे न ।

बोली, "तुमें मेरा सुख दिक्खने गितें आपूं गी की दुख लाई लेया ? तां भला मिगी सुख कियां मिली सकदा ऐ ?"

“ਸਰਲਾ, ਦੂਏਂ ਗੀ ਸੁਖ ਦੇਨੇ ਗਿਤੀ ਅਪਨਾ ਸੁਖ ਛੋੜਨਾ  
ਪੌਂਦਾ । ਇਨ੍ਹਾਂ ਕਰੇਆਂ ਜੇ ‘ਹੀਰੇ ਦਾ ਲੌਂਗ’ ਸਾਮ੍ਹਿਯੈ ਰਖੇਆਂ ।  
ਲੌਂਗੇਂ ਪਰ ਸੁਹਾਗੇ ਦੀ ਲੋ ਪੌਂਦੀ ਰਵੇਂ ਤਾਂ ਲਸਕਾਰਾ ਬਡੇਂ ਦੂਰ ਜਨ੍ਦਾ ।  
ਮਿੱਗੀ ਵਿਸ਼ਵਾਸ ਏ ਜੇ ਤੇਰੇ ਲੌਂਗੇ ਦਾ ਲਸਕਾਰਾ ਮੇਰੀ ਆਤਮਾ ਗੀ  
ਸਦਾ ਲੋ ਦਸਦਾ ਰੀਹਗ ।”

---

## मसाहनी



जिस दिन रहीम बीबी ब्योही दी आई ही, उस दिन तार्ई चाची ते भाबी उसी मसाहनी देन गेइयां हियां । नमीं लाड़ी दा मुंह दिक्खिये चाची ने हत्ये दी इक-इक चांदी दी बंग मसाहनी पाई ही । तार्ई ने पेरें दे काहरे - काहरे तोड़े दिते हे, ते भाबी छल्लियां पुआई आई ही । घर आइयें उनें रहीम बीबी दे शलेपे दे नेह बखान कीते हे, जे अस निक्के - निक्के जागत बी लसी दिक्खने गिते ललचोई पे हे । चाची ने आखेआ :

“माए कनेई शैल लाड़ी आई ऐ, जियां संगमरमरे दा घड़ी दी मूर्त होऐ ।”

तार्ई बोली : “कुड़े अक्खीं कनेइयां कालियां ते लट-लट करदियां लबदियां न । उंआं बी लाड़ी शैल उच्ची लम्भी सेई हुन्दी ऐ ।”

भाबी बिन्द मजाजन ही, बोली, “रंग गै छड़ा चिट्टा ऐ,

मुँहे पर तिल खिलनरे दे न । फी बँठे दे के पता लगदा ते, खवरें लड़ी होऐ, जां होर कोई कसूर होऐ ।”

चाची आखन लगी, “कन आखदा लड़ी ऐ ? अन्दरा दा आइयें बँठी ही, तां शील चलदी आई ही ।”

कन्ने गे ताई बोली पेई ! “ते मुँहै पर मूहे-सूहे तिलें दा बी किन्ना गुहाड लवदा ऐ.....”

भाइया पता नई कुत्थों दा चान चक्क गे आई खड़ोने, उनें ताई दी गल्ल पूरी करदें आखेया :

“यूनानी व्यूटी । कुसै राजे दे महलें दा शंगार । कुस दी गल्ल लाई दी ऐ ?”

चाची ने मुनाया : “धुब्बें दी पचेकी आई गेई ऐ ना । इत्मदोने दी लाड़ी दी गल्ल लाई दी ऐ । अस मसाहनी देन गेदियां हियां । लाड़ी बड़ी शील गोरो ली ऐ ।”

भाबी दियां अक्खीं बड़ियां शील हियां, पर रंग बिन्द सौला हा, ते कने मदरी ही । मड़ूका मारियें अन्दरे गी जन्दी बोली :

“लाड़ी ते धुब्बें दी गे ना, कोई मियें ब्राह्मणें दी थोड़ी ऐ ।”

ताई चुकदें गे बोली पेई : “ए ते धुब्बें दी लीड़ी ऐ, शलोपा डूमें दा नई के लोक सरांहदे ?”

भाबी फी परतोई, ते आखन लगी : “इस्से दी भैन अपने पुत्तरै गितें लेई आओ ।” भाबी ने भाइये गी बोली मारी ही,

ते अजे शुकुर करो, जे 'यूनानी व्यूटी' दी अर्थ उस दी समजै च नई आए दा हा ।

इल्मदीने दी मा बी साढ़ी ताई गी ही, पर अपनी ताई कशा फर्क रक्खने गितौ अस उसी धुब्बे दी ताई आखदे हे । कदे - कदे दीने दे बंठे दे मस्करी कन्ने अस ताई करिये कुम्रालदे, तां दौए बोलौ पौदियां हियां । ते अस हस्सी-हस्सिये नचदे हे ।

केई वरे पहलें जम्मू दा परतोई ओंदें मेरे पिता जी कन्ने महताबदीन धुब्वा सरूईसर मिलेआ हा । उत्थें उसी थारे दी तंगी ही, तां उनें उसी रामनगर ओने गितौ आखेआ हा । रामनगर ओने पर उसी घर - कोठे बनाई दित्ते हे, ते उरें-परें दी जमीन गल्ला-मरूसी पर लिखी दित्ती ही । महताबदीने गो किले च सपाही भर्षी करी लेआ, ते जागत टल्ले धोने दा कम्म करन लगे हे । उमर खाइये महताबदीन पिन्शनी घर आया, तां उस दे बड्डे पुत्तर-गलाबदीने गो उस दे थार रक्खी लेआ, निक्का इल्मदीन धुआई दा कम्म करदा रेआ । गलाबदीने दा पुत्तर शम्सू मेरी उमरी दा हा । इल्मदीन साढ़े घरे दी धुआई लेइये ओन्दा हा, तां निक्का नेआ शम्सू मेरे टल्ले चुक्किये ओंदें कन्ने ओन्दा हा । शम्सू दा दादा घर पिन्शनी आए दा बी निचला नई बंठा । उसने बागी च धान मक्कां, गोबी, मटर, मूलियां, खरबूजे, लाए । में ते शम्सू केई बारीं सारना पुट्टिये महताबदीन शा चोरी मटरें दियां

फलियां तरोड़ी-तरोड़िये खंदे हे ।

ए धुब्बे, धुब्बे बी हे ते साढ़े बसोआले बी हे ।

त्रे चार दिन नमीं लाड़ी दे मल्हार रेह । पर फी उस ने घरे दे कम्म-काज च हत्य लाना हा । उस दिन धुब्बें दी ताई अपनी नूआं गो पिच्छ लाइये पन्यासे पर पानी भरने गो आई ही । नूआं ने गले तगर भुण्ड कड़िये सिरें पर बिन्ना, बिन्न पर कोरा - नकोर घड़ा रखे दा हा, ते सैल्ले रंगे दी टस्सरी सुत्थन लाई दी ही । परें गुट्टे चम्पारे दियां बनी दियां तिल्ले दियां कड़ी दियां पनियां, चलदी - चलदी नूह सस्सू कशा चार आंगलीं उच्ची लबदी ही ।

पन्याम साढ़े घरे कच्छ गे हा । उरें - परें दे लोक इत्थों दा गे पानी भरदे हे । पानी भरने कशा पहलें ओ साढ़े घर आइयां, ते सस्सू ने नूआं कशा चाची ताई ते भाबी दे पर बंदाए । तीन जिनिये लाड़ी गो बुड़ - सुहागन हो, सीसां दित्तियां । फी उनें पानी भरेआ, ते घरे गो उठी गेइयां । पर साढ़े घर इक होर पूंद पाई गेइयां ।

“माए लाड़ी दी चाल कनेई शैल ऐ, जियां मोर पाहन पान्दा होऐ ।”

चाची ताई बड़ेर जनानियां हियां, इस गल्ला दूए गो सरांहदियां बी हियां, ते निददियां बी हियां । पर भाबी जुआन ही, ओ दूइयें जनानियं गो सरांहदे भला नई बुजदी ही ।

आखन लगी :

“मोर ते काला हुन्दा ऐ, ए गोरी ऐ । इस दा बखान करदे तुस हंसै शा पाहल पुआगियां ।”

तत्ते घा ताई बोली उठी : “जे मोरे गो अस चिट्टा आखी लैचै तां के गुआची जाग ?”

भाबी गो जां ते परता देना नईं आया,, जां उसने गल्ल बदानी मनासब नईं समजी । फी ओ बोली नईं चुप रेई ।

दूऐ दिन फी सस्स नूंह पन्यासे पर जन्दियां साढ़े घर आई बंठियां । अज्ज जनानियां नूंआं कन्ने गल्लां करन लगियां, उसदा थोह-पता पुच्छन लगिया ;

“कुड़े, सरुईं सर कुत्थें जनेह रोहदे ओ तुस ? जम्मू जन्दे अस केई वारीं सरुईं सर रातीं रेहदे आं ।”

सस्सू ने नूंआं गो समजाया : “ए चाची न, ते ए ताई न । साढ़े जागत इयां गै आखदे न इनै गी, तूं बी इयां गै कुआलेआं । ते ए न भाबी, तेरी जठानी ऐ ते मेरी नूंह ऐ । इस दा घरे आला गलान्दीने कन्ने पढ़दा हा । में इस दा नां लेइये कुआलनी आं, पर तूं इसी भाबी गै आखेआं ।”

लाड़ी दस्सन लगी : “अस सरुईंसरे दिये हट्टिये कशा बिन्द क उपरली पासो रोहन्ने आं, तांह पासेआ जन्दे खब्बी हत्थ ।”



होर दो त्रै गल्लां जनानिये लाड़ी कशा खोआइयां । जिस बेल्ली उठी गेइयां, तां साढ़ें घर इक चर्चा होर चली :

“कनेइयां शील मिठियां गल्लां करदो, जियां अम्बी पर गैठी दी कोयल कूकदी ऐ ।”

भाबी गी मौका थोआ : “मेरें लेई वो तुम इयां गे आखदियां हियां ।”

‘तू कदों घट्टु ऐ, गल्ल-बात तेरी वो बड़ी मिठु ऐ ।”

सजू भाबी फसोई पेई, पहले दिनें दा रोह - रोसा सारा जन्दा रेआ ।

थोड़े दिनें सस्सू ने लाड़ी कन्ने आना छोड़ी दित्ता । उस बेल्ली ओ कोई दूआ कम्म करदी होग । रहीम बीबी पन्यासे दे दो फेरे बड्डे पंहर लांदी ही, ते इक फेरा संआं बेल्ली । बड्डे पंहर साढ़ा स्कूल जाने दा बेल्ला हुन्दा हा, असें गी ओ रस्ती च मिलदी ही । इक दिन दूए जागत अगें उठी गेदे हे, में पिच्छें रेई गेदा हा । सामने पार मेरी उस कन्ने भक्त होई ही । उस दा उऐ लम्भा झुण्ड हा, जिस कन्ने गल बी खटोए दा रोहदा हा । में भकदें-झकदें आखेआ : “रहीम भाबी असेई ते मुंह दस्सी ओड़ना हा, अस ते मते लौहके आं ।”

रहीम बीबी चलदे चलदे गे बोली : “भाऊ जी, मुंह दिक्खने गितें मसाहनी देनी पौन्दी ऐ ।”

दोनों दे चलने करिये छिण्डा मता होई गेदा हा, में कोई

परता नईं देखे सकेया ।

दूए दिन फी में जानिये पिच्छे रेई गेया । मेरी उमदी फी भक्त होई । में आखेया : “रहीम भाबी, तू के मसाहनी लेनी ऐ, में चाची गी आखिये उऐ तुगी लेई देंग ।”

रहीम बीबी बोली : “चाची हुन्दै कशा नईं, अपनी कमाई चा मसाहनी देगे ओ, तां मुंह दस्संग । इन्ना चिर ए भुण्ड नईं खुल्लना ।”

रहीम बीबी अपने वचनों दी पक्की हो । बरें बहा उस दा भुण्ड नईं खुल्लेया । त्रें बरें में मिडल पास कीता, ते जम्मू उठी आया । जम्मू दा कश्मीरा गेया, तां डिड बरा रामनगर नईं जनोया । पद्वें बरें दी मेरी बरेस ही । नौमी जमाती च में फेल होई गेदा हा । श्रुटियें च घर गेदें रहीम बीबी मिली, तां पुच्छन लगी :

“भाऊ जी तुस हून किन्नी जमाती च पढ़दे ओ ?”

“नौमीं च ।”

“परू बी तुस नौमीं च हे ना ?”

में गचकोई गेया ।

“हां, हां.....” करदा में तोला-तोला लंगी गेया रहीम-बीबी दे सामने खड़ोने दी मिगी हिम्मत नईं पेई ।

पर भागें दी गल्ल ही, में नौमी चा दूए बारी बी फेल

होई गेआ, ते पूरा बरा घर नईं गेआ । त्रे वरे नौमी च गुजारिये  
में दसमी जमाती चढ़ेआ. तां छुट्टिये च घर गेआ । रहीम-  
बीबी फी उंआं गै मिली :

“हून तुस कानेज पढ़दे होंगे ओ ?”

“नईं भाबी में हून दसमी च पढ़ा करना । ऐदकी में पास  
होई जाना, तां नौकरी लग्गी जानी ऐ । रहीमू भाबी तेरी  
मसाहनी दा सरिस्ता में अपनी पहली तनखाही चा करना ऐ ।”

“नईं भाऊ जी पहली तनखाह चाचा हुन्दे चरने च रखनी,  
चाची होरें सुखनां सरीनियां देनियां । माता दी पूजा गितें  
समग्री खरीदन । में अपनी मसाहनी गितें बरा भर होर  
बल्गी लग ।”

“रहीमू भाबी अमें गी के पता हा, जे अपनी गै भाबी दा  
मुंह दिखना साढ़े गित इन्ना दुलभ होई जाना ऐ ।”

“भाऊ जी जिन्ने धरोइयें दिखगे ओ, उन्नी गै चाह  
बदग । पक्की बरेसा च आइयें मुंह दिखने दा चा चुकदा  
नईं ऐ । मन आखदा, दिखदे गं रोहचें । अजें तुसाढ़ी कच्ची  
बरेस ऐ, इस बरेसा च केई मोड़ ओन्दे न, ते किन्ने चा चुक्की  
जन्दे न । इत्थें इक्के चा ऐ ना, मुंह दिखने दा ? इस चा  
गी तीले की चुकान्दे ओ । चा पक्कन देओ, इन्ना पक्कन देओ,  
जे फी कदें भज्जें नईं ।”

हून तगर रहीमू भाबी दा मुंह दिखना में इक तरला

मस्करी जां खेहड समजी दी हो । पर हून ते मुंह दिक्खने दे चा ने होर गे रंग लेई लेआ । अपनी कमाई चा गे उसी मसाहनी देंग, ए गल्ल मत्त-वचन करिये में पक्की कगी लेई ।

होनहार बड़ी बलवान होन्दी ऐ । दसमी पास करिये में कालेज पढ़न लगा । त्रे बरे कालेज च बी लगगे । कमाई दा कोई रस्ता नईं हा । त्रे वरें मेरा कालेज इस गल्ला छुड़काई ओड़ेआ, जे उस बेल्ले जमीनें दी मग्गाल करने आला घरें च होर कोई नईं हा । पिता जी दा काल होई गेदा हा, दूएँ दी कमाई पर मेरा खर्च चलदा हा । थोड़े चिर पिच्छों मेरा ब्याह बी होई गेआ । पर रहीमू भाबी दा झुण्ड नईं उगगड़ेआ । उस दी मसाहनी मेरे सिरें पर सुगार रेई ओन्दे-जन्दे ओ इये आखदी ही ।

“भाऊ जी मसाहनी लंते बिना झुण्ड नईं उगगड़ना ।”

रहीमू भाबी गो हून बी सब सरांहदे हे । बड़ी शैल ऐ, मेमें साई गोरी लो, भरोचं दा नाजक शरीर बनकदा तनकदा ऐ । नमीं ब्याही दी आई दी मेरी जनानी बी रहीम बीबी कन्ने खार खन्दी ही । अजें उस दियां पनियां तिल्लेदार हियां । रहीम बीबी दियां तिल्लेदार पनियां त्रुट्टे दे केई वरे होई गेदे हे । उन्दे परेन्त उस ने बरा भर सूही लाखी दा जोड़ा लाया हा । फी सादे चम्मे दियां पनियां लगगे दे बी उसी केई वरे होई गे हे । पर उस दा घाट, उस दा रंग ते रंगे दा शलैपा तिल्लेदार पनियां लाने आलिये लाड़िये गी

वी अक्खरदा हा ।

इक दिन मेरी जनानी मिगी आखन लगी ।

“ए रहीमू एडा लम्मा झुण्ड कडियै वी तुमाढ़े कन्ने गल्लां की करदी ऐ ?”

“रहीमू भाबी दा झुण्ड मसाहनो लेइयै खुल्लग । ते गल्लां ओ वी इयां गै करदी ऐ, जियां सजू भाबी करदी ऐ ।”

“भाबी ते तुसाढ़ी आवी ऐ, रहोमू ते मुसलमाननी ऐ उस कन्ने तुमाढ़ा के नाना ऐ ?”

“ओ भलिये लोकी, बक्खरै-बक्खरै थार परमैसरै दा नां लैने आले आएं दे नाते कदे चूटदे न के ? भाइयै साई इल्मदीन वी साढ़ा बड़ा आ ऐ ।”

“ए गल्ल तुस आखो, लोक ते नई आखदे ।”

“भलिये अस लोकें दे आखें पर नई चलदे, अस आखने आं, साढ़े आखें पर लोक चलन ।”

“सारी दुनिया उंभां गे चलदीं ऐ, जियां लोक चलदे होन ।”

“कदे ए बी सोचेआ ऐ, जे लोक कोदे आखें पर चलदे न ?”

इस गल्ला दा उसी परता देना नई आया ।

रमजान दा म्हीना आया । मुसलमान रोजे रक्खन लगे ।

रहोम बीबी गी में पुच्छेआ !

“रहीमू भाबी तू रोजे नईं रखदी होन्दी ?”

मते रोजे मेरै कशा नईं रखन होन्दे, इक रोजा रखनी आं । में भुखाली आं, रुक्खा डोडा वी खाई लेन्नी आं, पर मेरै कशा भुखे नईं रोहन होन्दा ।”

“तू कुस दिन रोजा रखगी ?”

“जिस दिन पानी लेन नईं आंग, उस दिन समजी लैयो, में रोजा रखे दा ऐ ।”

“उस दिन रोजा खोलने गी में तेरै गित मठेयाई लेई आंग ।”

“नां, नां, रोजा खोलने गित तुसाढ़ी मठेयाई मनासब नईं ऐ, ओ ते ऊऐ लेई आंगन, जिन्दी मनासब हुन्दी ऐ ।”

“फी साढ़ी के चीज मनासब ऐ भाबी ?”

‘तुसाढ़ी मनासब ऐ उऐ मसाहनी, जिसी लेइयें में ईदी दा चन्न दिखंग ।”

“खरी गल ऐ, तू ईदी दा चन्न दिखदी रोहयां । साढ़े भाएं केह्यें वरें कशा पुन्या दे चन्ने गी झण्डे दा ग्रहण लगे दा ऐ ।”

कोई छे महीने होए तां रहीम बीबी गी ताप आन लगे । पानी लेने गी दाम्मू आन्दा हा । उसदे आन्दे-जन्दे सुखसांद

पुच्छी लैन्दा रेग्रा, पर हालत रहत होन्दी गै सुनचदी रेई ।  
ताप मियादी बनी गेग्रा, फी नमोनिया । सरताला पर सरनाल  
चढ़दी रेई, रोग बढ़दा गेग्रा । हकीम जबाब देई गे । डाक्टर  
सद्देग्रा, पर रहीमबीबी दे बचने दी मेद उसने बी  
नईं दित्ती ।

इक दिन बड़्डे पेहर शम्सू खिट्टां मारदा साढ़े घर आया,  
ते मिगी आखन लगा :

“रातीं दी चाची बड़ी रहत होई गेदी ऐ । आखदी रेई,  
कोई जाए ते भाऊ होरें गी सद्दी लेई आवैं । इन में आखेग्रा,  
में जन्ना तां बोली :

“भाऊ होरें गी आखेग्रां में चली पेदी ग्रां, अपना मुंह  
दस्सी जायो ।”

में समजी गेग्रा, ते जियां खड़ोता दा हा, उं ग्रां गै शम्सू  
कन्ने चली पेग्रा । जाइयै दिक्खेआ, जे रहीम बीबी खट्टा पर  
सिद्दी लेटी दी ऐ, ते अज्ज उसदा झुण्ड उगड़े दा ऐ । गोरी  
चिट्ठी जिन्हू पर गोरा लो मुहारा, कालियां अक्खीं ते  
खाखें पर खिल्लरे दे सूहे - सूहे तिल कुसे यूनानी मूर्ती दा  
चेता करांदे हे । बल्लें जनेह धरोई-धरोइयै ओ बोली :

“भाऊ जी अज्ज में मसाहनी लैने गितं झुण्ड गुहाड़ी

ओड़ेआ ऐ । हून तुस मेरा मुंह दिखी ली, तुसाढ़ा मुंह दिखने गिते मेरी अक्खीं च प्राण बचे दे न । इन्ना करयो, जे कब्रस्ताने तगर कन्ने चलिये मसाहनी गिते मिट्टी दी इक मुठ्ठ मेरे मुंहें पर जरूर वरूड़ी ओड़ेओ । नईं तां तुसाढ़ी मसाहनी दी मिगी कवरें च बी होखी बनी रोहनी ऐ.....।”

---



## धूनी दा धू'



अज लखमी आई जा ना कदें..... . कदें ते श्रीग, पर  
अज आई जा ना तां गल्ल बनदी ऐ । न्हेरै अन्दरै च इक  
खटोलू पर लेटे दा में सोचदा हा । मेरे सज्जे पासै इक  
पलंग पर मेरी मा सुत्ती दी ही, ते खब्वे पासै दूर पलंग पर  
मेरे बापू सुत्ते दे हे । चार - चक्कल न्हेरा हा. इन्नां न्हेरा,  
जियां में अजें जम्मे दा गे नईं हा । छत्तें पासै ताड़ी लाइयें  
में सोचदा हा—अज लखमी आई जां तां गल्ल बनदी  
ऐ । इन्नं च मेरी माऊ दा लाडें दा बोन मसूर्त जन मेरे कन्नं  
च पेम्मा, “चुप करियें सेई जा ।” ए बोल ओ रोज सुनदा  
हा । जियां कोई बाहर बोलदा ऐ, ते में अन्दर सुनदा ।  
सच पुच्छो तां मेरे गितें ए अन्दर उऐ नेम्मा न्हेरा, ते उऐ नेम्मा  
सुनमसान लबदा हा, जियां में अजें जम्मे दा गे नईं होम्मा ।  
जागतपुने गी छड़पनी लग्गी दी ही, लो दिक्खने दी, लोई च

जाइयें खेडने दी, कुसं दे ओने दी हीखी दी छड़पनी, ते ओ  
बी लखमी दे ओने दी ।

पर इस अन्दरै च सनोचा करदियां हियां सूंकां । इक पास  
बडेर बरेसे दियां, ते दूऐ पासेया बल्ले-बल्ले भकदियां भकदियां  
बडेर बरेसा पासं बददियां सूंकां । में कन्न लाया, मेरी मा  
घूक नींदरा सुत्ती दी ही । तां में बल्ले जनेह खटोलू परा  
उतरेया, ते खींगरे भित्त करिये बाहर निकली आया भित्त  
फी उंआं गी बनकाई ओड़े, जियां बाहर कोई निकलेया गी  
नई हा । न्हेरा अन्दर पिच्छें रेई गेआ, में लोई च आई  
पुज्जा । लो बी जेठ म्हीने दी धुप्पा दी चटैन ते बलदी-बलदी  
अन्दरला बेहड़ा लिश्कदा लबदा हा । लोई च पुज्जिये मनुखे  
दा बच्चा कुत्थे खडोंदा ऐ, उसने ते चलना पोन्दा, अगें अगें ।  
लो ठंडो होऐ जां तत्तो, भबदी होऐ भांए तपदी होऐ, उसने  
अगें गी अगें बदना पोन्दा ऐ ।

में अपने पैर बदाए, इक पसार टप्पेया, फी दूपा । चीनें  
पसारें च कोई नई हा । घरे दे सब जनें अपने-अपने अन्दर सुत्त  
दे हे । ओ डयोडी च आया । उत्थों दा पार रस्ते पर नजर  
पाई, कोई ओन्दा नई लबदा हा । में पैड़ियां उतरियां, बड्डे  
बेहड़ें दबड़ी च पुज्जा । फी में रस्ता दिक्खेया, पर रस्ते पर  
कोई नई हा, लखमी ते नई गी हा ।

लखमी दे ओने दी मिगी हीखी की ही ? साढ़ घर सब  
किश हा । फल, मठेप्राई, घुनाला किस चीजें दा भाटा

नई हा । सारें धरें च ओं गे इक निक्का जागत हा, पर फी बी मिगी उसदी होखी रोहन्दी ही । लखमी साढ़े घर कोई अठ्ठे क्रीहें परा ओन्दा हा । उत्थें साढ़ी जमीन ही, ओ जमीन बांहदा हा । बड्डे-बड्डे सींह ज़मान उसदे पुत्तर हे, करसानी दा सारा कम्म उऐ करदे हे । लखमी अठ्ठे-दस्सैं दिनें साढ़े घर फराटी जरूर पांदा हा, किश ना किश लेई ओन्दा हा । जमीना दी पुजती दा मालकी हिस्सा ओ आपूँ ढोई-ढोइयें साढ़े घर पुचांदा हा । होर बी दूइयें दूइयें जमीनें दे बसोआले साढ़े घर ओन्दे हे, ओ मिगी निक्का बजी आखदे हे, पर लखमी मिगी नाएं कुआलदा हा, ओ ब्राह्मण हा । लखमी आली जमीना गो बारां म्हीने पानो लगदा हा, उत्थें रम्हान्त होन्दी ही । लखमी उत्थों दा कदें केले लेई ओन्दा हा तां अस उनें केलें गी पकाने गिते डाने च अग्न वालिये भोह ते पराली भरदे हे ते कले पाकै पान्दे हे । चौ पंजें दिनें उन्दे पक्कने दी होखी च ओ इक प सेआ भोह ल्हांदा हा, पराली पुटदा हा, ते कदें केले पीले फिरी गेदे होन, तां उन्दे चा दौ-त्रे लेइयें पसारें च नचदा-नचदा ओन्दा हा, ते सबनी गो दसदा हा 'केले पकी गे, केले पकी गे' । फी सब जने केलें गी पुटदे हे, बड्डे हे, अपना-अपना हिस्सा लेइयें खंदे हे, किश रखदे हे । ओ अपना हिस्सा सम्बाइयें दूएं दे हिस्से पर बी होखी रखदा हा । सब जानदे हे, में मंगने न, ते उनें देने न, इस गल्ला मेरें गिते पहलें गे मिथियें सब जने खर्च करदे हे, मिगी देइयें सन्दोख बुजदे हे ।

लखमी कदें अम्ब लेई ओन्दा हा । अस उनें अम्बें गो पाल्ली पान्दे हे । पाल्ली पाने जोहगे नईं होन तां मुरब्बा पांदे हे, सावत चार पांदे हे, कुतरा करियो चार वनांदे हे । घरे च रौस होन्दी ही, चार पाने दी नस्सी-नस्सी च घरे दी रौस बददी ही । उनें दिनें कोई दिनें दपहरों सौदा नईं हा, दिनें दी लोई च न्हेरा नईं पोन्दा हा । गरगल, निम्बू, अदरक, जिमीकंद, ते कड़मै दा चार बी अस पांदे हे, ओ बी लखमी गो आनदा हा । आड़ू, कचारू, बेइयां, नाखां, आलू-बखारे लूचे बी लखमी आनदा हा, इन्दे चार मरब्बे नईं पोन्दे हे, पर साईं घर इनें चीजें दो बी रौस बड़ी होन्दी ही । सबनी कशा मता मजा तहूँ ओन्दा हा, जहूँ लखमी किम्ब आनदा हा । उसी पता हा, अस किम्ब क्रियां खन्ने आं, इस गल्ला ओ कन्ने गे पूतना लेई ओंदा हा । बस, किम्ब छिल्लने दी, उनें गो नचोड़ी-नचोड़ियो रस कडुने दी, फी पूतना, सैलियां मवां ते लून रलाइयें सिनी-पलाटे चटनी प्हीने दी, ते घूनी लाई-लाइयो कत्त पाने जिन्तो रौस होर किसै च नईं होन्दो ही । इसी चारै साईं बलगने दी लोड़ नईं ऐ, तांह कत्त पाओ तुआंह खाई लो । हल्दर, कचालू, गण्डे थोम, घान, मक्कां, मांह, मुंगो, रौगी, ए चीजां बी लखमी आनदा हा, पर मिगी इन्दी मती खुशी नईं बजोन्दी ही । तां उस बेल्ले लखमी दे आए दे बी मेरा कोई चा नईं चुकदा हा । सच पुच्छो, तां मिगी लखमी दी हीखी नईं, लखमी दिवें आम्दी

दियें उनें चीजें दी होखी रीहदी ही, जेड़ियां साढ़े घरे दी रीस  
वदांदियां हियां ।

दबडी टम्पियें श्री बाई आली बक्खी गेआ । ते पैड़ियां  
ढलन लगा । बाई पर थोड़ा नेआ पाता पीता । सोए ठंडा  
ते सेआल तत्ता इस बाई दा पानी मिठ्ठा ते अमृत सेई होन्दा  
हा । बाई दे सज्जें पास अम्बें दा ओ बूटा हा जिस दे कच्चे  
अम्ब अम्बले टीट होन्दे हे, पर पकदे हे, तां चूपन पर बड़े गे  
मिट्ठे लगदे हे जियां अस रीही दे घुट्ट भरदे होचे ।

इस बेल्ले इस हक्खे पर अजें निक्कियां-निक्कियां माक-  
ड़ियां गे लग्गी दियां हियां । मिगी माकड़ियां पसिन्द नईं  
हियां । इनें मूढ़े सैल्ले रमे दियें माकड़ियें इक दिन पक्कना  
हा, तां मुं हैं पर गुलाबी रंग फुट्टना हा । टपके दा अम्ब  
बाऊ दे फनाके कन्ने कुती झूड़िये दे मुं हैं अग्गों पेदा इयां लबदा  
हा, जियां कन्याकुमारी दे गिल्लुए दी खाखा कन्ने कुसे  
कश्मीरी गिल्लूए दी खाख चमकाई दी होऐ ।

श्री फी उप्परेई आया । दबडी च पुज्जा, तां पारे पासो  
नजर पाई आहा ! मेरेआ नचोई गेआ । सच्चे गे लखमी  
आवा करदा हा । कुब्बा जन होए दा, पिठ्ठी पिच्छें बड्डा भार  
चुक्के दा, अज कोई फल नईं ऐ, पता नईं के लेई आया ऐ ।  
श्री खड़ोई रेआ । कुती घान नईं लेई आया होऐ । के पता  
हल्दर होऐ, पर नईं कचालू होने न, नईं किम्ब होने न, पर  
किम्ब इन्ने नईं होई सकदे । होंगन तां खुशी चा चारै गितो

अम्ब होन । इयो नेइयाँ मने दियां लाणां ओ लान लगा ।  
इन्नी च लखमी कच्छ आई पुज्जा ।

“अज तू के लेई आया ऐ लखमी ? .....बोलदा नई ?”

लखमी खूँ-खूँ करदा अगों अगों, ते ओ लाणां लान्दा पिच्छें-पिच्छें चलन लगा । उसने घरे दियां पीड़ियां चढ़ियां, लड़ा खूँ खूँ । डियोडी च पुज्जा, तामीं खूँ खूँ । बोलेआ गे नई । पसार पुज्जा, फी वी खूँ खूँ । परसें कन्ने धनोए दा, मीले चिककड़ टलने लगने दे, कोई सठ्ठें वरें दा लखमी, उसदी मिगी इन्नी हीखी ही, उसदे ओने दी इन्नी खुशी ही ।

पसारै च लखमी सने बुश्कें भुत्रां बेई गेआ । बुश्कें च गण्डे हे, पंज-चार भुत्रां किरी पे । लखमी दे ओने दा मेरा चा ठडा पेई गेआ । पर, तत्-खिन मेरा अंतरग जागेआ लखमी दे मत्थे दे बड्डे-बड्डे भस्त्र, उसदी टिककी-निककी बदी दी जहामती च फसे द परसें दे तोपे, ते खूँ-खूँ करदे उसदी उम्बलदी छाती मेरी नजरी च आई गेई ।

“तू पानी पीना ऐ लखमी ?”

“पानी रस्ती च थोड़ा ऐ के ?” लखमी किस्हे दा जन बोलेआ ।

“तांतुगी भुक्ख जरूर लगनी दी होनी ऐ ? अन्दर दिक्खना बखारें च ।” ते में रसोई गी द्रोड़ेआ, पर पोटें हें भार होइये, जिस करी घरे वा होर कोई उठो नई पब, ते

लखमी गी रुट्टी देने दा जस्स मेरे कशा खूमी ले । लखमी बी मेरे पिच्छें-पिच्छें आया । बखारे च खमोरे पेदे हे, पर न्योड़ा ?

“लखमी रुट्टी ते पेदी ऐ, पर न्योड़ा नई ऐ खाहगा कंदे कन्ने ?”

पर उससे बेल्ले मिगी न्योड़ा सुज्जी गेआ, ते ओ पसार पेदे चार-पंज गण्डे चूककी लेई आया । चार पंज खमीरे घाली च पाइयै उसदे अगें रखे, लोटा भरियै पानी दा रखेआ, ते बल्ले नई मसूर्त करियै उसी आखेआ :

“बलग लखमी, ओ तेरे गिते भटपट न्योड़ा बनाई दिआ । में पड़ैतरै कन्ने गण्डे छिल्ले ते बीरे । फी चुल्ही चा डारे कड़ियै उप्पर रखे, ते तेल सुट्टियै धूनी लाई । उप्पर दा दमपुस्त करियै उनें गी भलेआं चंगी तरां लहाया, ते कटोरा लखमी दे अगें रखेआ । लखमी खान लगा, ते ओ दिक्खन लगा । लखमी बोलेआ :

“अज बड़ा स्वाद लगा ऐ । साढ़े बी होन्दे न इयी गण्डे, पर भाई पता नई, कुत्थें तुसें नेई धूनी लानी सिक्खी ही ?”

ओ फसोई पेआ । में अज न्योड़ा बनाया हा । भुखे दे लखमी गी मेरे बनाए दे न्योड़े च स्वाद लगा हा । रुट्टी खंदे-खंदे लखमी दियां खाडियां चलदियां हियां, ते उसी दिखदे-दिखदे मेरी जीब्ब चलदी ही :

“लखमी, में इस दे च तेल पाया ऐ । जिआ तेल पाओ,

उम्मा गे स्वाद मता ओंदा, पर लखमी तेल कच्चा नईं रोहन दना, कच्चे तेल चा शुग्रान ओन्दी ऐ। तेल डारें पर फूकी ओडना, ते फी दमपुस्त करियो धूनी दा घूं बस्तू दे अन्दर रचाई ओडना चाईदा ।”

अज मिगी सेई होन्दा ऐ, जे अपनी ओ अनजानी गल्ल में भलेआं पछानी लेई ऐ। अपने संसारें दा घूं में अपने अन्दर रचाई लेदा ऐ। में सारी थन्देयाई अग्गी दे डारें उप्पर फूकी लेई दी ऐ। ओ थन्देयाई, जिस पास सारी सृष्टि ताम्बदी ऐ, में उसी बलदे डारें उप्पर जालेआ हा। अज मिगी लखमी दियां चलदियां खडियां उंभां गे लबदियां न। ओ खाडियां सठ्ठे बरें दे लखमी दियां खाडियां हियां, जिसने अपना तेल अपने संसारें गिते जाली ओड़े दा हा, जिस दी अपनी थन्देयाई अपने बाल-बच्चें दे सुर्वे उप्पर चढ़ियो फकोई गेदी ही। अज उस लखमी दी खूं खूं, ते धूनी दा स्वाद मेरे सामने सारी सृष्टि दा इक गे रूप बनियो खड़ोता रोहदा ऐ। लखमी दे जीने दी सचाई गी में समजो गेआं, ओ सचाई, जेड़ी मिगी लखमी दे परसं च लब्बी ही। उस्से सचाई ने मेरे कशा मेरा तेल सम्बाया, उस्से सचाई ने मिगी मेरा रूप दसेआ।

---



## कासम घम्यार



भर दपेहर हो । पेरें ततोड़े लगन लगे हे । नमां जोड़ा लेईं ओने दे चाएँ घरे दा में बूट बो नईं लाई आया हा । सामने कासम घम्यारै दा घर हा । मनै च आई, चलो दिक्खनेग्रां बसोऐ पर बेचने गिते शंल-शैल खडालियां बनदियां होनियां न । दिक्खी बी लैगे, ते बसोई बी लैगे ।

कासम चक्का चलान्दा खडालियेँ दे रूप बनान्दा, बिच्चे-बिच्चे सुर लाइटी किश-किश गांदा जन्दा हा । जागते कुड़ियेँ दा दिक्खने गिते इत्थे मेला लगा रोहदा हा, पर इस बेल्ले घुप्प बड़ी ही इस गल्ला इकला कासम गे हा दूमा कोई जीव उत्थे नईं हा । में उसी खडालियां बनान्दे दिखदा रेप्रा, खड़ोता रेप्रा । चिरें सारे उसने मेरे पास दिक्खेमा ते पुच्छन लगा, "बोहना ऐ ?"

में आखेआ, "हां, बोहना ऐ ।"

अन्दर जाइयो ओ इक बिन्ना लेई आया, मिगी दित्ता में  
वेई गेआ ।

पुच्छन लगा, "अज्ज तुस पुआने की ओ ?"

"कासम जी, गुट्टा आखेदा हा अज्ज नैमां जोड़ा मिगी  
जरूर देई ओड़ग, पर में गेआ ता अजें तयार गै नई ऐ ।"

"उसने बत्ताए दा गै नई होना अजें, उसदा मां गुट्टा ऐ  
गुट्टा । साढ़ा गै हानी ऐ । चार फेरे कराग तां कुतौ जाइयो  
तुसाढ़े नुकड़ देग ।"

"बत्ताए दा ते ऐ उसने में आपूं कलवूत चढ़े दे दिक्खी  
आयां ।"

थोड़ा चिर कासम चुप रेआ । उसदे हत्थे दी खडाली  
किश बिगड़न लगी दी ही, पर उसने तलियां लाइयो, आँगलीं  
दे पोढ़ बनकाइयो, नैह कन्न कुतौ लीकरां कडदे बड़ी  
शैल इक खडाली बनाइयो तयार करी लेई । इयां गै दूई  
ते फी त्री ।

में बल्ले जनेह पुच्छेआ, "कासम-जी, तुसाढ़ियां खडालियां  
होरने कशा मैहगियां की हुन्दियां न ?"

ओ आखन लगा, "मैहगियां बी हुन्दियां ते बिकदियां बी  
पैहलें । पूए घम्यार अपनियां टोकरियां लइयो तरकालें तगर  
बंठे रौहदे न, ते फी बी सारा माल नई बिकदा । साढ़े

जागत दर्पेहरीं तगर सारा माल बेची ओड़दे, फण्डी-फुण्डियो टोकरियां घर रखदे ते फी मेलें च फराटी मारने गो उठी जन्दे ।”

‘ए ठीक ऐ परू अस तुपदे गे रेह तुसाढ़ियां खडालियां असें गी थोइयां गे नईं हियां ।”

कासम बोलेआ, ‘घुप्प बड़ी ऐ ते तुसें पुराने कियां चलना ऐ जे ठलदी दर्पेरीं तगर बीहना होऐ तां अज्ज तुस गी में इक गल्ल सुनाभां ।”

“गल्ल नईं कथ्य सुनाओ कासम जी, कोई लम्मी नेईं कथ्य ।”

“कथ्य दिनें नईं सुननी ते नईं सुनानी । आखदे काल पोन्दा । पर में तुसें गी इक गल्ल सुनाभां, बड़े गी पुराने बेल्लें दी गल्ल ऐ जदू मनुक्ख पर कुती क्लेश आया होग । अपना क्लेश ओ कुसे गी सुनान्दा बी नईं हा ते जाई च जाइयो कुसे बूटे अगें जां जन्नीं अगें अपना दुक्ख रोन्दा हा ते रोइयो उसदा दिल होला हुन्दा हा । इस गल्लें दा पता नईं ऐ जे ओ जन्न जां बूटा उसदा दुक्ख बंडदा हा जां नईं पर उसगी ऐ जरूर सेई हुन्दा हा जे ओ जन्न जां बूटा जरूर कोई देवता हा जिसने उस दा अददा-दुब्बा क्लेस कट्टेया । मनुक्ख उसगी सन्दूर मलन लगा, सूत्तर पलेटन लगा ते बल्लें-बल्लें उस थार पर बड़े-बड़े मन्दर बनान लगा, जन्नीं द थार

मनुखें दे अपने रूप-शलैपे दियां मूर्ती देवते बनाइयै खडेरन लगा.....”

“पर कामम जी ए कनेई गल्ल तुस सुनान लगी पे, मेरी समजै च ते किश आया गै नई।”

“घाबरो नई गल्ल अजें अगों ऐ। में बी तुसें गो बूटा जां जन्न समजिये गै अज्ज गल्ल सुनानी ऐ। तुस बड़े निक्के ओ, तुसें गो समज नई ऐ ते मेरा दिल बड़ा हुस्सड़े दा ऐ, बुहासरी ओड़ंग, तां दिल होला होई जाग।”

“खरी सुनाओ में जन्न जां बूटा बनिये सुनो लेंग। पर फी तुसें मिगी इक खडाली देनी पोग।”

“इक नई दो देंग। गल्ल ए ऐ जे अस निक्के-निक्के हे। जागत, कुड़ियां रलिये किठ्ठे खेडदे हे। बसोऐ पर खडालियां अस उनें दिनें बी बेचदे हे ते हून बी बेचनेआं। में इक खडाली मुस्त ऐशा गो देई ओड़दा हा.....”

“कुन ऐशा?” में विचचै दा गल्ल टोकियै पुच्छेआ”।

कासम बोलेआ, “उऐ ते दस्सन लगां। अस किठ्ठे खेडदे हे। कुड़ी शैल बी ही ते सम्मनी बी। अस बहू हुन्दे गे तां फी ओ किश घर दा बाहर घट्ट निकलदी ही, उस दे घरें आले उसी ठाकदे हे घम्यारें दै घर नई जाना। साढ़ियां बी जासीं न। साढ़े कन्ने उन्दी जात नई ही रलदी। ओ उच्चे हे अस नीमें हे। इक दिन ऐशा मिगी गली च मिली, आखन लगा, “ऐशा मरी गेई ऐ, तेरियां दित्ती दियां सारियां खडालियां

भन्नी ओड़िया न।" ते छुत्ता कीती दी निकली गई। में सोचेआ पता नई ए रुस्मी की गई ऐ। पर ओ रुस्मी कदे नई हो। कोई बनाइयें गल्ल उसने कदे कीती नई हो। दूऐ दिन मुनेग्रा, ऐशा दा नकाह होन लगा ऐ।

नकाह होई गेग्रा ते ऐशा ने अपना नां बदली लेग्रा..."

में फी गल्ल टोकी ते पुच्छेआ, "फी उस दा के नां रखोग्रा।"

"ओ नई दस्सनां। मेरे साई बुड़ी ऐ ते अजें हरीकाम ऐ। पर जदू दी में गल्ल सुनाई ऐ उस बेल्ले अस जुआन हे। ऐशा ने अपने सूही-सूही दाढ़ी आले खसमे गो आखेग्रा, "में हून ऐशा नई रोहना मेरा नां बदली ओड़ो।" उसने दूग्रा नां रखी ओड़ेग्रा। उसने अपना नां बदलेग्रा, मेरियां दिती दियां खडालियां भन्नी ओड़ियां। अपने पासेग्रा बतेहरी बदलोई, दो त्रै सन्तानां बी होई गेइयां पर ऐशा उसदे अन्दर बेठी रेई। उसी इन्ना घोट चढ़दा हा जे ओ घोट मेरे अत्थरुएं दे रस्ती इस चक्कं पर चीन्दा हा। मेरे चक्कं पर ऐशा फिरदी हो। मेरे हत्थ मेरियां ओंगली ते नैह बरीकी कन्ने ऐशा दियां तस्वोरां बनान लगे। कदे ओठ मुट्टे होई जान, कदे अक्खीं निक्कियां रोहन। कदे बांह शैल नई बनन तां में सारा किश भन्निये फी बनान्दा हा। में देवी देवतें दियां जिन्नियां मूर्ती बनाइयां, सब ऐशा दी नुहारी दियां बती दियां न, जिस भा मर्जी अस बेचचें लोक खरीदी लेई जन्दे न। मेरे बी जागत

बिन्द बेडरे होन लगे तां वसोए च खडालियां बेचन जान लगे । मेरियां बनी दियां मूर्ती ते तोते चिड़ियां होरने घम्मारं कशा बड़ियां सरस बनदियां हियां.....।”

“हां तां इसस गल्ला.....” में पुच्छन लगा हा, जे कासम फी बोली पेआ, “में चक्कै पर ब्रह्मा बनिये बोहन्दा हा, मिट्टी मेरी प्रकरती ही ते जीव ही ऐशा । मेरी अक्खीं द अगग उऐ ऐशा रोहदी ऐ जेड़ी ऐशा दी अन्दर बेई गेई ही, जिसने उसी घोट चाढ़ी रखे दा हा । ओ घोट इक दिन फुट्टेया । ऐशां ने अपने खसमे गी गालीं कडियां, “तेरी इस सूही दाढ़ी गी लगगे मसाहरा ।” ते फी इयें नेइयां गालीं उस दे मुहें दा बरखा जन छिड़दी रेई । बिन्द क गल्ल करो भाए नई करो चिड़-चिड़ करदी छिड़छड़ाइयें पेई जन्दी ही । सम्मता ते, हममुखा मनुक्ख बी गालीं देन लगी पोन्दा जिस बेल्लै उसदी आत्मा च ग्लानी आई जन्दी ऐ, ते उस दे मने दे मनसूवे जली बलिये भलेशां सुआह होई जन्दे न ।

मिगी पता ऐ जे ऐशा बड़ी दुखी रेई । उस दियां गालीं अपने खसमें गी नई अपने आपे गी निकलदियां हियां । ओ अन्दरो-अन्दर आपू कुददी ही ते अपना घोट खसमें पर कडदी ही । खसम बचरा बिट्टे गी मेंहदी लाइयें छपलदा हा पर जनानी दी जीव कृत्यें छपीलदा । उमदी जीव चप्पे थमां ग्रिठ्ठ ते ग्रिठ्ठी थमां हत्थ-हत्थ वददी जन्दी ही ।

दोए जने बक्खरी-बक्खरी बरिस्ती च फसे दे रेह । दोन

दे वच्चे जुआन कम्म काज करदे न पर दीनें गो बसोऐ पर  
 दिस्ती दियां ते लैती दियां भज्जो दियां खडालियां खिल्लरी  
 दियां लवदियां न । बसोऐ दा मेला बरै दै बरै लगदा पर दिले  
 दे मेलें इक बारीं थुट्टी जान तां फो कदे नईं लगदे, कदं नईं  
 मिलदे ।”

कासम बचैरा इस्कदा रेघा । फो किश दिल हौला  
 होआ तां आखन लगा, “हून दपेहर ढली गई ऐ तुस घर  
 जाओ । रंग लाइयें दो खडालियां में आपूँ तुसाढ़ें घर भेजी  
 देंग ।”

में उत्थों दा उठ्ठियें उठी आया, पर अज्ज कासमे जनेह  
 किन्ने कलाकार होंगन जिन्दियें कलें च ऐशा जनेह जीव  
 जीन्दे लबदे होंगन ।

— — — — —

## खाली गोद



पहले म्हीने दी सतारमी तरीक ही, बेल इक सुक्के दे ठुण्डे कन्ने लपटोई दी अपनी चोटा उच्चो करियो उसी छांओं करे करदी ही । उसदे नछूड़े सेल्ले पत्तर बाऊ दे फनाकें कन्ने झुलदे हे । पता नई ओ ठुण्ड कुस जाती दे बूटे दा ठुण्ड हा । ओ भांऐ घने पत्तरें आली बेल्ली दी छांवां दा मान बुजदा होऐ । पर बेल्ली दी अपनी मर्जाद, मान ते मिठ्ठे रसे आले फलें कन्ने खाली गोद भरने दा आस मरी गेदी ही । बेल्ली दा ए हाल दिक्खियी मिगी रोना आई गेआ, अक्खीं मटोई गेइयां, ते पिठ्ठ परतिये दुखी होने दे सिवा मेरे आस्त होर कोई चारा नई रेआ ।



केई बरे पीहलें ओ कु गली ते ज्यांनी बेल सामने दा ओन्दी  
 लवदी ही । ओ जानदा हा प्रकृति बदलदा नई ऐ । बेल  
 दा सुब्हा ऐ, जे ओ कच्छे दे पछानू बूटें पर चढी जन्दियां न,  
 ते उन्दे चवकखे लपटोइये धुप्पा कशा वचदियां छांवां रोहन्दियां  
 न, अपनी जिन्द उन्द कन्ने रलाइये जीन्दियां, खुब्बी जन्दियां,  
 ते उत्थें गी सुक्की-सक्कीयें ग्रन्त बेल्ला पान्दियां न । पर ओ  
 बेल बडे पाणियें आले रोंपले थारें पर जम्मो ही । उसदे  
 चोन्ने पाससें फुल्ल ते फल्ले कन्ने लदोए बें घनी छांवां आले  
 बूटे हे । फी बी उसी अपने पास हाम्बदे दिक्किये मिगी बी  
 चा चढेया हा, जे बड्डी होइये जुग्रानो च भरोवो दी ए बेल  
 मेरी बक्खी ओग, ते मेरें उपर लपटोइये रोहग । मुण्डें शा  
 लेइये चोटिये तगर नरम-नरम सेल्ले पत्तर मिगी बी सल्ला  
 ते सजरा करगन । निक्के-निक्के फुल्ल खिड़गन । उनें फुल्लें  
 दी सुगंद बाऊ च रलग बा झुल्लिये दूए बूटे गी लगग, ते  
 ओ बूटे मिगी बी अपने साईं समजगन, मेरें पास चा कन्ने  
 दिक्कगन । ओ उपरें दा झांकदा रेया, बलगदा रेया ।

में बीह हत्य लम्भा चीङ्गे दा बूटा ओ । मुण्डें दा पन्ने  
 हत्यें तगर मेरा चलतर सनें टोहल्लें छिम्बी ओड़े दा हा ।  
 धुप्प ते बरखां च वसोनें किरी गोमालें कच्छ गी चुगानें च  
 कोठे छत्ती लेदे हे । बाकी रेहदी पर्जे हत्यें दी चोटो दो छांवां  
 च वेइये गोमाल मेरियां सतियां भन्नी-भन्तिये उन्दे चा बी  
 कडिडिये खन्दे हे । मेरे बी कश्मीरा दे बदामें दी गिरी आंगर

ते केरल दे काजुएं आंगर चिट्टे हे । उन्दे जनेई शक्ती बी मेरे बीएं च होन्दी ऐ । पर ओ 'बी' काली पन्हक्ख सत्तिये दे हुनखरें च वन्द रोहन्दे न, ते उन्दा गुण गोआलें सिवा होर कोई नई जानदा ।

तुआंह परें खुम्बें दी आडों पर हीरमिजरी दे फुल्ल हसदे हे । उन्दे चिट्टे फुल्ल ते फुल्लें दे विच सुन्ने दियां पीलियां कटोरियां जड़ी दियां हियां । अपने शलपे दे गुहाड़ पर बड़ी टें दसदे हे, मेरियां चाहगियां लान्दे हे । पर मिगी आस ही, जे बेल्ली दे उप्पर हीरमिजरी कशा बी गेल फुल्ल खिड़गन । ओ फुल्ल रंग ते राग दोनं शा शुद्ध ते पवित्तर होंगन । उन्दी मिठ्ठी सुगंध चीन्नें पास उडुरी-उडुरियें सुत्त दें गी बजालग, ते त्रिज्जे दे गी टोरग । नमियां जिन्दां भरोचगन, हसगन, ते त्रिऊकलिया भूटगन ।

मेरा बलगना सफल होआ । पतली लम्मी कुंगली डुंडली दे उप्पर निक्के - निक्के पत्तर फुट्टे । दिखदें - दिखदें उन्दा पीलतन सैल्ली होन्दी गई । फी निक्के-निक्के फुल्ल खिड़, ते उन्दी सुगंध मेरे तोड़ी पुज्जन लगी । बेल्ली दा अंग - अंग भरोचन लगा, छैन ते मुन्हाकड़ी लब्बन लगी ।

बेल बदी ते फलें कर्ने अपनी खाली गोद भरने दा उस दा चा बी बदन लगा । में समजेआ, हुन ओ तांह गे बददी ओन्दी ऐ । पर ओ मेरे मुण्डे शा मूण्डा खसकाइयै रींगदी-रींगदी दूए पास बददी गई । में समजेआ, बेल्ली गी सूए - सूए रत्नागिरी दे हापुस अम्बें कर्ने अपनी गोद भरने दा चा ऐ ।

खवरै बसई दे लाल केले, लखनऊ दे दसंहरी, ते नागपुरे दे संतरे मालाबार दे खोपे, कश्मीरी सेऊ जां आलूबुखारे उसदी गोद भरगंन । बडोई दिये खुण्डिये कन्ने भरोचै दा मेरा खीहरा मुण्ड खवरै चढ़दे सार गै बेल्ती गी जरुमी करी ओड़ें, ते उस दी जिन्द लऊ-लोहान होई जाए । मिगी अपने आपे च होनता बजोन लगी । उस दे चा कन्ने मेरी चाह रली गई, की जे उस दी खाली गोद भरने गिते मेरे कश काली मस्स सतिये दे सिवा होर दूआ कोई शैल फल नई हा ।

पर ठुण्ड दिखिये मिगी चर्ज बी लगा, ते कलेस बो होआ । उस दे च ना रस ऐ, ते ना शलैपा, बेल आपू उसदी राक्खी करदी हो । उसदी मोई दी जिन्दू कन्ने अपनी जिन्द बन्निये अपना मान गुआई बैठी दी हो । खाली गोद भरने दा उस दा चा चुक्की गेदा हा, मरी गेदा हा । ओ हून बो आखनां, ओ तांह आई जाए, उस दी जिन्दू दी मज्जि में बचाई लेंग, उसी पाली लेंग ।

---

# फफानूँ



जिस बेल्ले श्रीं जम्मेग्रा हा, उस बेल्ले बड़े जोरे दा बदल गरजदा हा, मिल्की - मिल्किये बिजली कडकदी ही । मेरी मा 'घरत' सुखे दी नोन्दरा सुत्ती दी ही । ना उसी बेदना होई, ते ना बदल गरजने शा श्री डरी । रातीं दे काले न्हेरें च बिजली दी मिल्के शा बिन्द लो नईं दस्सन होई । गुप्प न्हेरें च मेरा चिट्टा - चटैन रंग चांदी आंगर चिल्कदा हा । चुप कीत्ते दे में दिक्खेग्रा, मेरे गुआण्ड बी मेरे आंगर गोरे-चिट्टे रंग चिल्कदे लवदे हे ।

भुसमुसा होआ । मिगी अपने अगें सैल्ले-सैल्ले गलीचे बिछे दे लव्वे । उनें गलीचें पर मोत्तीं जड़ोए दे हे । ए मोती परमेसरें दा धन हा । लालची मनुक्खे शा इनें गी छून बी नईं हुन्दा हा, बगाना धन समजिये छड़ा जली सकदा हा । उत्थे

कच्छ गै किण फुल्ल विडे दे हे । अद - खुलिये अवखी कन्ने मेरै पास विट - विट दिक्खा करदे हे । नमें जम्में दे सादे उप्पर चबात करदे हे । मेरे रंगे ने उन्दे रंग-वरंगे गुआण्डे दा शैल गुहाड कड्डी दिता दा हा । अस इक दूए दे गुआण्डी होने करिये सखी हे प्रमन्न हे ।

सुरज देवता चढ़ेया, ते परमेश्वरे दे उने मोतिये गी सोत्ती-सात्ती ऐ लेई गेया । परमेश्वरे दे नीम्में च जम्मना ते मरना दोए इक्कै जनेह होन्दे न । दोनै बेल्ले ओ नीम हमदे-खेडदे ते टल्ले-बंदे लाई पाइयै सजदे न । सादे जम्मने पर उने नीम्में गलीचे बछाइयै उन्दे पर मोत्ती जडे हे । सादे मरने पर वी उसी नीम्में कन्ने उऐ मोत्ती गलीचें पर खनारने हे, इसी लेई उनेगी सोत्ती-सातियै रक्की लेया हा । फी बदे पाइयै उसने अपना गुहाड कडना हा । बदल गरजाइयै ते विजली मल्काइयै, उसने काने न्हेरें च सिरजन करने दा कम्म करना हा । उने ढोल-डफने बजान्दे सगोसारी कन्ने साड़ा नडोया कडना हा । परमेश्वरे दे नीम सबनी गितै इक्कै जनेह न, फुल्ल, कण्डे मनुक्ख जीव सारे समान होन्दे न । कोई बल्ले-बल्ले खिड़दे, कोई इक्कै बारी खिड़ी उठदे । कुसे गी कोई दिखदा, तां उसदे खिड़ने पर उस ने फसोई पीना हा । कोई हसदा-हसदा खिड़दा, पर हूस लगनै करी उत्थे गी मरडोई-मरडाइयै किरी पीन्दा ऐ, खिलरी जन्दा ऐ ।

मोतिये दे लोप होन्दे गी भैले ते फट्टे दे लुगडें च लपटोए दा इक बड्डा गुलाब उत्थे आया । उसदा मुहारा मुलाबी हा, ओठ रसीले

हे, ते अक्खीं च पानी लिक्कदा हा । लम्मी पतली कलम हसूँ-हसूँ करदी मेरे पासँ लमकी, हाम्बी । उसदे मीले टल्ले चा मुश्क अवा करदी ही, ते गोरे गुलाबी मुहारे चा सुगंदी दे मुहाड़ छुड़कदे हे । ओ मेरे कच्छ आई, ते हसूँ-हसूँ करदी दंदराल दस्सिये तुरत मिगी चुक्केआ ते अपनी गोदा च पाई लेआ । मेरे जनेह होर बी पंज सत्त उसने अपनी गोदा च पाई लेंते, ते चली पेई इक घने नगरै पासँ, जेड़ा इत्थो दा कोई कोह भर दूर बस्सँ दा हा ।

बुडी माऊ दी गोदे चा छुड़किये जियां ज्याणा जागत अपनी मैनूँ दे मूढ़े जाइयो चुप करी जन्दा ऐ, इयां गी अम्मी इस मैनूँ दी गोदा च बड़े मजे च पेदा हा । मा ठंहरी टिकी दी गम्बीर ही, ए भैन चपल ते चंचल ही । उत्थें अस बक्ख - बक्ख खिलरे दे पंदे हे, इस नै असें गी इक धारै पर किठ्ठा कोत्ता हा । मा जागतें पूगतें गी लाठ करदी ऐ, इस गल्ला बखरी - बखरी बौंसरी बजाने आले पुत्तरें गी किठ्ठे नई करी सकदी । भैन स्नेह दा सूत्तर तानिये भराएँ गी बन्नी लेंदी ए । में अपनी इस भैनूँ पर मोहत होआ करदा हा ।

अस गोदा च पे-पे हलदे - झुलदे जा करदे हे । साढ़ी भैन बहो शिड़का दे कण्डे - कण्डे चलदी ही । उस्से बेल्ले नगरै आली बक्खी दा इक बग्गी आई । बग्गी च दो घोड़े जोत्तरे दे हे । घोड़ें दे गले च सुन्ने दियां जंजीरियां पेदियां

हियां । ओ घोड़े बज्जे दे ते जकड़ोए दे बी मुण्डियां उच्चियां करिये चला करदे हे । बग्गी बड़ी सज्जी दी ही । अन्दर दो बांके जुआन बंठे दे हे । कच्छ आइये बग्गी खड़ोई गेई । साढ़ी भेन बी खड़ोई गेई. अस बी खड़ुत्त होई गे ।

दोए जुआन बाहर निकले । भेनूँ दी गोदं च उनें हत्थ पाई ले, ते फी उनें उस फुल्ले दी कलमां गी बी छूई लेआ । भेनूँ दा रंग सूआ होइये पीला पेई गेआ । दोए बांके गुलावे गी थूहन लगे । अस अपनी भेनूँ दी दसा दिखिये जलो उठे । पर अस थोड़ी उमरी आले आं, अस फफानूँ आं, जेड़े मसां पंजताली घड़ियां जीन्ने आं । पर मनुक्ख अमर ऐ । मानूँ दे रूपी च इनें जुआनें खिल्लरे दे भराएं गी किठ्ठे करने आली भेनूँ पर हत्थ चुक्केआ. इनेंईं लाज नईं आई ? इस हालती च अस किठ्ठे होइये बी अपनी भेनूँ दी गोदं चा उतरियो खिल्लरी गे, ते भीनें-जानें आलें दियां ठोकरां खन्दे रस्ती च रुलदे जन्ने आं ।

---

## कमला ते सूरज



सन् १९३६ दी गल्ल ऐ। अस्सु म्हीने दे पहले नरात्ते  
गी वीरू देवी दा मेला भरोन लगदा हा। समे कशा पहलें  
गै सरिस्ता करने गितें इन्तजामी ऐलकार, ठेकेदार,, बारीदार  
ठोक्कर, ब्राह्मण, जोत्तीं आले, उत्थें पुज्जी छन्दे हे। चौं  
क्रोंएँ दी खड़ी ठक्की आली त्रिकुटा घार इनें दिनें चाननी ते  
गुलाबे दे फुल्लें आंगर चिट्टे - सूए टल्लें-बंद कन्नें लदोई  
दियें नाजक जनानियें दे म्हीन संगें चा, निकली दी 'जय जय  
कार, 'जय माता रानियें,' कन्नें आपूँ बी बोली उठदी हो।  
सोटें दे स्हारें पेरें दा पुआनिया, नमियां लाड़ियां, खिसर-  
खिसर करदियां सत्तें मीलें दी ठक्की चढ़ी जन्दियां न।  
जिनें मर्दे मोटरें शा खल्ल कर्दे पैर नईं रक्खेआ हा, ओ मर्दे



पैरे पूलां लाइये 'जय जयकार' बुलान्दे ठक्की चढ़दे जन्दे न ।  
 लूने ते लड़े आदमी भगती दी डंगोरी लेइये बड़ियां-बड़ियां  
 उच्चियां धारां चढ़ी जन्दे न, इस गल्ले दा चमत्कार  
 दिक्खनां होऐ, तां कोई बैणू देवी आइये दिक्खी लै । कनेह-  
 कनेह नबले लोक आन्दे न, ठक्की चढ़दे न, ते माता दे दरबार  
 पुजदे न । मेरी अपनी मा माता' दे दरबार सुक्खनां करी-  
 करिये दस्से बच्चे चा छड़ा इक मिगी गं बचाई सकी ही ।  
 मेरा नसीब हा, जे मिगी मेर माऊ दे सत्ते, माता दी गोदा  
 च रोहने दा मोका मिलेआ हा—ओं इन्तजामी ऐलकार उत्थे  
 लगा हा । ठडू शा बचने गिते असं सुक्कियां बसाठियां  
 किठिठियां कराइयां । अनाज दोआई लेआ । रजाईयां—  
 तलाईयां धुप्पा सुकाई लेइयां । जात्रिये दे रोहने आले कमरे  
 धोआइये साफ कराई लेंते । दोआईयां नोआई लेइयां, हकीम  
 आई गे । पुलिसा दी इक गाद पुज्जी गई । होर तांह-  
 तुं आह नस्सो - नस्सो करने गित सपाई भर्षी कीत्ते । दुहे  
 दे ठेकेदार, पूरी - पकोड़ा - बर्फी बेचने आले लोहाई पुज्जे ।  
 फुल खम्मनियां खोपे ते सन्दूरे दियां हट्टियां खुली गेइयां ।  
 दर्शन करने गिते न्हेंरी गुफा च रस्ता दस्सने गो जोत्तां  
 जगाइये लो करने आले ब्राह्मण पुज्जा करदे हे । में पहले दा  
 सरिस्ता थोड़ा नेआ बदली ओड़ दा हा, उऐ फेर - फार जोत्तीं  
 आलें गो सपाई समजा करदे हे । जित्थे में आफिस बनाई  
 लेदा हा, उस कमरे च पहलें इक जोत्तीं आला ब्राह्मण रोहन्दा  
 हा । उस गिते हून कर्ने आला कमरा रक्खे दा हा ।

फेर - फार भाएं किन्ने गै भली गिते कोत्ता जाए, पैहलो-पैहल उसदी बे-अरामी सामने ओंदी ऐ, ते चंगा फन पिच्छों दा लवदा ऐ । फेर - फार भाएं अपने घरे दा होऐ, जां बाहरं दा; जाती दा, जां देसी दा लोक उसी पैहलें चंगा नई युजदे । उस ब्राह्मणे दे पुज्जने पर सपाई उसी कमरा दस्सने गिते आवे करदा हा । ब्राह्मणे गी कोद चढ़े दा हा जे उसदे जजमानें गिते पुच्छो-पुच्छी दी जेहमत की खडेगी ओड़ी ऐ । मेरे कमरे अगें खड़ोइयो ओ बोलेआ :

“नमस्कार साव । इस बारी मेरा कमरा तुसें आफिस की बनाई ओढ़ेआ । इस कशा पैहलें ए गल्ल कदें नईं होई ही, कदें कुसी साढ़े गिते कोई रोक नईं लाई ही । तुस नमें ओ, इस गल्ला तुसें गी इत्थों दी रीत्ता दा पता नईं ऐ ।”

“कन्ने आला कमरा 'तुसाढ़े गिते रखे दा ऐ ।’ में आखेआ । “मता दूर नईं ऐ । तुसाढ़े जजमानें गी अस उत्थें पुचाई ओढ़गे । अस जात्रियें दे जिन्ने नेईं रोहगे, उन्नी गी तोली मदत अस उन्दी करी सकगे । जिन्नां सुख उनें गी मिलग, उन्नां गी तुसाढ़ा, ते साढ़ा जस्स ओ करगन ।”

ब्राह्मण भलेआं मेरी गल्ल समजी नईं सकेआ, पर बारें बरें दी उसदी पोत्तरी समजी गेई । ओ बोली :

“चलो बाबा, साव ठीक आखदे न ।”

“के ठीक आखदे न ?” ब्राह्मण करलाई पेआ । पर कुड़ी बडे दरिढ़ कन्ने बोलो :

“परू असैं गो किन्ना दुख होआ हा । जात्रियें दे हेठ बछाने गो इक ल्हेफ लोड़दा हा, ल्हेफ थोने च इन्ना चिर लगा हा, जे दूए जात्री तुसेई दर्शन कराने गितो किन्ना चिर बलगदे रे हे ।”

ब्राह्मणे गो सन्दोख होआ हा । कुड़ी ने अगों-अगों चलियें अपने दादे गो कन्ने दे कमरें च चलने गितो रस्त पाया ।

उस कुड़ी गो दिक्खिये में बड़ा सन्दोख बुज्जेआ हा, जे ओ चतर, दढ़, ते सेयानो ऐ । रंगे - रूपे दी शील, चंडा चगरां मुंह, बड्डियां-बड्डियां अवखीं, ते म्हीन-म्हीन बन्न बी उसदी चतराई गो दसदे हे । हत्थें कत्ते दे रेज्जे दी चिट्ठी दपट्टी, उस्सें दा सूआ घुट्ट कुरता, ते सूसियें दा सुथनूं उसी बनी - बनी पोन्दा हा ।

घों अपने कम्मो च रुज्जो गेआ । मेला भरोई पेदा हा । जात्री दबा-दब अवा करदे हे । रातीं रोहने आलें दा सरिस्ता करना पोन्दा हा । कोई रोला-रबोला नईं पवै, इस गल्ला दी खबरदारी रखनी पोन्दी ही । भीड़ा दे दिनें च सत्त-अठ सो जात्री उत्थें रोहन्दे हे । इक पुलसा दा सपाई, वीं दूए सपाई, हकीम ते तव्हीलदार होरें गो कन्ने लेइयें घों रातीं गस्त करने

गी निकलन लगा हा । सब किश ठाक हा पर मिगी ए गल्ल दिक्खिये वड़ा कलेस होआ, जे जिन कुड़िये गी जात्रो लोक पूजदे हे माता दा दर्शन करियो उनें गी पूरी-कड़ाह खलांदे हे, दक्खनां दिन्दे हे, ते उन्दे परें पोन्दे हे, ओ कुड़ियां रातीं बेल्ले वड़ा दुख पांदियां हियां । सीत्ते दी बहार ते ठडू क-ने आकड़दियां, कोई लोहाइये दे चुल्हे पिच्छे बड़िये सुत्ती दियां, ते कोई पराली किठ्ठी करियो उसदे विच दड़िये रात कटदियां हियां । उनें वचारियो दा कोई बेली बारस गी नई हा । में सोचेआ, ए ते तीर्थे दी बदनामी ऐ । मेरे आफिस दे सामने इक वड्डा कमरा हा, जित्थे जंदरा लगा रहदा हा । तव्हीलदार हुन्दे शा पता लगा, जे ओ कमरा अफसरें गिले बंद रखे दा ऐ । में ओ कमरा खुलाया । हेठे-उप्परे गिले ल्हेफ रखाइये, कुड़िये गी उत्थे सोने दा सरिस्ता करी दित्ता । तव्हीलदार वचैरा घावरी गेआ जे अफसर आँगन, तां कुत्थे सौंगन । पर में उसी समजाया, जे अफसर मेरे कमरे च रेई लैंगन ।

मेला बदन लगा, ते कुड़ियां बी बदन लगियां । कमला बी उस्सी कमरे च सोन लगा ही । होरने कुड़िये शा ओ मती सरोखड़ ते सेयानी ही । मेरे कश हून ओ शकायतां लेइये आन लगी ही । कुड़िये च दलबन्दी होई गेई । कोई दल थोड़िये कुड़िये दा हा, ते कोई मतिये दा । कदे आने-जाने करियो घटी-बदी जन्दियां हियां । कमला इनें दले च शामिल

नईं होन्दी ही । दौं निकियां-निकियां कुड़ियां दिन-रात उसदे कन्नें रौहदियां हियां । दिने जात्रिये शा पुजाने गिते उन्दा साथ दिन्दी ही, ते रातीं कोई कुड़ी नखारें तां उन्दे पासेआ भगडदी ही । रोई पोत तां चुप करांदी ही, ते कर्दे-कर्दे मेरे कन्नें च बी गल्ल पुचांदी ही । कमला ने अपना आप बक्खरा जन रवखे दा हा, फी बी दीनें दलें च उसदी पंजात चलदी ही । सेयानी गल्ल करदी ही, मेयानी मलाह दिन्दी ही, जिस दा लाब्ब कुड़िये गी पिच्छों मिलदा हा । ओ आमले दा स्वाद ही, जिसदा मिठठा स्वाद पिच्छों निकलदा ऐ । हाई कमान द मती कच्छ होने करियो बी उसी अपने आपी दा भरोसा हा । मेरे होरने कम्में दे कन्ने-कन्ने इस निक्के जनेह प्रजातन्त्रे दा कम्म बी चलदा हा । सुतन्तर होइये कुड़ियां सुखी हियां, पर उन्दे च संगर्ष चलदा हा । इक कमरें च उन्दी पूरी सत्ता ही, ते सत्ता गिते दलें दे आपू बिच्चें रस्से जरूर खचोन्दे रौहन्दे न । सत्ता आस्ती इइस बी लगदी ही, पर सबनीं च किठ्ठ बी बड़ा रौहन्दा हा । जदू कर्दे उदा कमरा खूसी लेने दी गल्ल कोई करदा हा, तां दलबन्दी छोड़िये सारियां कुड़ियां इक होइये उस बी गल्ल भन्नने गिते जोर लान्दियां हियां । कोई कुड़ी कसरी होई जाए, तां सब जनियां रलियो उसदी टैहल करदियां हियां । बाहरै दा कोई आदमी उन्दी चाहगी लान्दा हा, तां त्रिम्बड़िये साईं उसी पलची पोन्दियां हियां । उस बेल्ले कमला सबनीं शा अगें रेइये बोलदी ही ।

मतियां कुड़ियां शामां कन्ने हियां, ते थोड़ियां रामीं कन्ने । अपने दलें दियें कुड़ियें कन्ने उन्दा सलूक बड़ा चंगा हा । कुड़ियां बी उनेईं मनदियां हियां, पर उनेईं अपनी गल्ल छैल ढंगे कन्ने आखने दी जाच नईं ही, ते उटंकनां करने दा परता बी ओ पूरा-पूरा नईं देई सकदियां हियां, नेह मौकें पर छड़ियां रोई पौदियां हियां, अत्यरुं वगान लगदियां हियां । कमला अपना दोस मन्नी लेन्दी शी । दोस की होआ, क्रियां होआ, चगी चाली समजाई लेन्दी ही । इस गल्ला दल-नीति कशा बखरी रेइयौ बी अपनी गल्ल ते सलाह मनाने च ओ जिती जंदी ही ।

इक दिन कमला अपनियें निकियें-निकियें स्हेलड़ियें गी कन्ने लेहुयौ मेरे कश आई, ते आखन लगी :

“हून असें गी इत्ये बड़ी ठड लगन लगी ऐ । तुसें अग बालने दा कोई सरिस्ता नईं कीता दा, ते कुड़ियां संग्रां-सबेरें ठंड कन्ने आकड़ी जन्दियां न । तुसें दस्सो हून अस के करचे ?”

गल्ल मेरे मन लग्यो गेई । अपने दरबाजं च बड्डी नेई संगड़ी रखाइयौ अग बालने दा सरिस्ता में करी दित्ता । कुड़ियां ते कुड़ियां, जोत्तीं आने ब्राह्मण, बारीदार, पिठ्ठ,

जात्री सब ओन्दे-जन्दे उत्थे अग तप्पन लगे ।

ठंड बढदी गई । कुड़िये दे पैरें गी कोरा लगाने करिये बिचिचियां फुड़ियां, ते ओ दिनें-रातीं पीड़ा कन्ने तड़फन लगियां । कमला फी मेरे कश आई, ते इक दर्जन बेसलीन खरीदी आनने दा सरिस्ता उसने कराई लेआ । बेसलीन लाइये बिचिचियां भलोई गेइयां ।

मिगी ताप ओन लगे । बर्शनें चा लेटे - लेटे गी कम्मेकाजी गिते ओ स्टाफ गी समजान लगा । कमला ओदी-जन्दी मेरा सुख-सांद पुछ्छदी रोहन्दी ही । ममूली गल्लें दी खेचल देने शा स्टाफ दे आदमियें गी रोकदी ही । कदे दुह पल्याई जन्दी ही ते कदे दोआ खलाई जन्दी ही, मता बोलने शा बी मिगी रोकदी रोहन्दी ही । मेरे राजी होने पर कागजें कलमें ते रजिस्टरें दा चेता करांदी ही । उसी पता हा, ए सब चीजां कुत्थ पेदियां होन्दियां न ।

इक दिन मिगी कमला ने आखेआ :

"शहर रोहना मिगी बड़ा पसिन्द ऐ, मेरा मन बी शहर रोहने गी आखदी ऐ ।"

चान-चक्क गी बखशी ठाकरदास स्पेशल मेजिस्ट्रेट उत्थे दोरे पर आए, तां मेरे कश गी अड़के । ठंडू कन्ने उन्दी जंडा पीड़ उठ्ठी, ते गे पुट्टनी कठन होई गई, इस गल्ला चार पंज दिन उनें पिच्छे नई परतोन होआ । उनें दिनें कमला मेरे कमरे

च श्रीदी झकदी ही, बाहरे दा गै झांकी लैन्दी ही । इक दौ बारीं ओदें-जन्दें मिली, तां पुच्छन लगी :

“ए कदू तगर जांगन इत्थों दा ?”

“कोई रोहने गी थोड़े आए दे न, जंडां दी पीड़ चुक्की जाग, तां उनें उठी जाना ऐ ।”

बख्शी ठाकरदास होर उठी गे । कमला फी उम्रां गे श्रीन लगी पेई । होरने कुड़ियें दी बकीली करदे उसी मजा ओंदा हा । समां कटोन्दा गेआ । नछेन्दें मगेर म्हीनै बर्फ पवै, तां साढ़ा दपतर खल्ले गी जन्दा हा । जाश्री श्रीने बंद होई जन्दे हे । इस बेल्ले मेला घटी पेदा हा, ठंड बदी पेदी ही । इक दिन में कमला गी आखेआ : “में तुगी किश नईं दित्ता, दस्स तू के लेना ऐ ?”

“में बिना लीत्ते तुसाढ़े कशा मता किश लेई लीत्ता ऐ, में किश नईं लेना । इस जन्मी च नईं, तां अगले जन्म में तुसाढ़े कशा मता किश लेना ऐ ।”

मिगी ईयां सेई होआ, जे कमला ने मेरे कशा किश नईं मंगिये मेरे उपर कोई बड़ा स्थान लही ओड़ेशा ऐ । ए स्थान भार बनिये पता नईं किन्नां गे चिर कण्डा जन मेरे अन्दर रड़कदा रेआ ।

इक दिन रातीं बेल्ले इन्नी बर्फ पेई, जे पौहलो-पौहल इन्नी



बर्फ पीने दी मेद नई ही । धारा दे कींगरे चिट्टे-चटैन होई  
गे । साढ़ं बेहड़ं गज - गज बर्फ चढ़ी गई । सारा स्टाफ,  
दस बारां कुड़ियां, मजूर, दफतर, विस्तरे सब हे । कठन  
ते जरूर हा, पर सब कोई सुखेंसां दे खल्ल पुज्जी गे । सब  
जनें अपने - अपने घरें गी उठी गे, कुड़ियां बी गेइयां, कमला  
बी उठी गई । श्रीं दफतरे दे हसाबै-कताबै च लगी पेग्रा ।

उत्थों दा श्रीं काशी उठी गेग्रा हा । चौं पजें बरें  
पिच्छों मिगी ठाकरदास होरें सुनाया, जे कमला दा ब्याह  
उत्थें कच्छ गे इक ग्रां च होग्रा हा, ते ब्याह होए दे दो न  
म्हीनं पिच्छों श्रीं मरी गई ही ।

×

×

×

×

सूरज बारहें बरें दी ऐ । श्रीं बाहर जान लगनां, तां  
मेरियां सारियां चीजां दिखदी ऐ । रमाल, डायरी, पेन्त, पास  
सिगरेट - माचेस सब किसे दी पड़ताल करदी ऐ ।

कदें श्रीं कसरी होआं, तां दोग्रा खलान्दी ऐ दुह पलेंदी  
ऐ, ते कच्छ बेइयें मता बोलने शा ठाकदी ऐ । राजी  
खुशी रोहने पर मिगी केई गल्लां सखालदी ऐ । मिठियां-  
मिठियां गल्लां करियें अपनी गल्ल मनाई लंने दी इसी जाच  
ऐ नेत्तरी बनने दे सारे गुण सूरज बिच हैन । मगठी ते  
गुजराती कुड़ियें दी दलबदी कशा बक्खरी रेइयें बी दोन धड़ें  
दी प्यारी ऐ । कुड़ियों च कोई भगडा - रट्टा खड़ा होई

जाए, तां सूरज दा फ़ैसला सब मन्नी लेंदियां न । घरै च कदें  
कोई रीला - रबौला पाए, तां बड़ी डाटफाटे कन्ने न्यां दा  
भाशन करियो सारें गी चुप कराई ओड़दी ऐ । कदें-कदें मेरें  
पर वी बरी पौन्दो ऐ । जागलें दियां परोखां करदी तां उसी  
चुगलखोर आखदे न, पर झूठी परोख ओ कदें नि करदी ।  
सूरज दे नेह लखन दिक्खिये मिगो कमला चेतै ओदी  
ऐ, उसने वी मेरी टैहल कीती हो । ओ शहर रीहनां चाहदी  
ही, दूऐ जन्म मेरे कशा मता किश लैने दी ओ हीखी  
रखदी ही ।

सूरज मेरें कश बम्बई जनेह शहरें च रीहन्दी ऐ । केई  
बारीं मेरे मनै च खतोला हुन्दा, जे कमला गी सूरज बनिये  
मेरे घर जम्मी ऐ के ?

---

## जातरा



माघ महीना हा, वा ठंडो हो, गड्डो ठंडो हो, ते गड्डी दे कमरे ठंडे हे, में रजाई लेइयो उपरली सीट पर मजे कम्ने सेठ रेहदा हा ।

त्रिथी दर्जे च ईयां बे-फिकर होइयो शीना कोई ममूली गल्ल नहीं ऐ । गड्डी पर चढ़दे मे में बिस्तरा उप्पर बछाई लेआ हा, ते बैठा रेआ हा, खल्ले दी सोटा पर गै । होर जिन्नियां सोआरियां दिल्ली दा चढ़ियां, ओ अपना समान माम्बी सम्हालिये बेई जन्दियां रेइयां । उन्दे कन्ने गल्ल-बात बी चली । ओं बिच-बिच पुछदा जन्दा हा : 'तुसे कुत्थे जाना ऐ ?' उन्दे चा कोई आखदा हा 'नागपुर', कोई 'भोपाल', कोई 'बिजवाड़ा' ते कोई 'मद्रास' । मिगी आपू इस गल्ल दा

पता नईं हा, जे ए नगगर दिल्लो कशा किन्नी दूर न । भूगोल पढ़े दे आदमी गो जिन्ना अगड़-पिच्छड सेई होन्दा ऐ, उन्नां गो पता 'मगी बी हा । पर ओ सबनीं दे परते दिन्दा हा 'लम्मा साथ ऐ', ते तुरत गो इक सिगरेट कडियं उन्दे पास करी ओढ़दा हा । मने जनें कन्ने इयां गो पछान होई गेई, उन्नी गो पछान, जिन्नी रस्ते गिते चाईदी ऐ । ओ उपरली सीटा पर रजाई लेइयें सुत्ता रोहन्दा हा, ते ए जात्तरी जागिये पैहरा दिन्दे हे । गड्डी हलदी रेई, चलदी रेई, दिल्ली थमां दूर दूर हटदी गेई, ठड घटदी गेई, गर्मी बढदी गेई ।

बड्डे पैहर ओ उठ्ठेआ । मुंह-हत्थ धोइये चाह पीत्ती । खुञ्जा च में दिक्खेआ, रात्तीं दियां चढ़ी दियां सोआरियां डक जनानी-मर्द बैठे दे हे । उन्दा जोड़ा बनकदा ते नईं हा, फी बी ओ खसम-ओम्त लवदे हे । मर्द किश गोरा, पर लिस्सा हा, सिर पर गोल टोपी, बढ गले दा सूतरी कोट, ते तम्बो लाए दं गुम-मुम सिर नामां करिये बैठा दा हा । जनानी काली हा, ते तगड़ी । मुट्टियां-मुट्टियां अक्कीं तांह-तुआंह फेरिये फा अपने खसमें पास नजर पांदी थोड़ी नेई उप्परेई चकोन्दी ही, जियां सिद्दो होइये ओ अपनी तगड़ी जिन्दू दा साह-बसाह बना करदा होऐ । मुंह भरे दा ते गोल हा । नक्के पर परसें दियां पज छे फुंगां लिश्कदियां लवदियां हियां, जियां माघ दी ठहू गो जोआनी दी गर्मी ने जित्ती लेदा हाऐ, ते ओ जित्त नक्के पर बेइये लश्कारे मारदी होऐ । पर थोड़ी नेई करामात उस खुञ्जा दी बी रली दी होना ऐ,

जित्थें ठंडी वा नईं पुजदी ही । अस दोघारियें च बंठे दे मध्य-प्रदेश दे जंगलें दा गरूर दिक्खा करदे हे । जेडे जंगल शेर ते टीक दे बूटें कन्ने भरोचे दे सिर उच्चे चक्कियें गड्डी दे आसै-पासै नचदे जन्दे हे । मदें दे टल्ले किश फुलके दे लवदे हे, पर जनानी ने मंले चिक्कड़ टल्ले लाए दे हे । इस गल्ला सारे कमरे च इक गे जनानी होने पर बी उसदे पांसी दूए बारीं कुसे दी नजर नि गेई ही । छड़ियां अक्खीं भांए किन्नियां बड़ियां, घाटलियां, ते शंगारी दियां होन, गुआंडे दे अंगें दा शंगार कीत्ते बिना उन्दा गुहाड नि निकलदा ।

दूई रात आई । जम्हानियां ओन लगियां, ते अक्खीं च नींदर भरोचो आई । बाहर इकलियां गड्डी दियां पटरियां, ते अन्दर इकलियां गड्डी दियां सोआरिआं । भोपाल दे जंगलजाडे च टीक दी लकड़ी चीरने दे आरें दी घूंक, ते जंगली जनावरें दियां जान्नियां हून न्हेरें च छप्पी गेदियां हियां । रातीं नागपुर ओना हा । मिगी नागपुर दिक्खने दा चा नईं हा, पर बिजवाड़ा दिक्खने दी चाह मिगी बनो दी हा । बिजवाड़ा बड्डे पेहर ओना हा ।

“मिगी बिजवाड़ा ओने शा पहलें गे ठोमालो ओड़ेओ ।”  
आखिये में तान देइये सेई गेमा ।

बड्ड पेहर मेरी जाग खुल्ली, तां सामने ओ जनानी बड़ियां - बड़ियां अक्खीं खोलिये मिगी जागदेई दिक्खा करदी ही । पहला मुंह दिक्खिगे मिगी कोई दुख-संदोख नईं हीमा,

की जे घृणा मिगी होन्दी नई, ते खुशी में बुज्जी नई ।

विजवाड़ा आया । कृष्णा नदी जित्थें समुन्दरै च रलदी  
ऐ, उत्थ गै ए नगर बस्सै दा ऐ । सहे-सूहे नंगे  
टिब्बें पर कृष्णा नदी दे दीनों पार्सो बस्से दा नगर उतराई-  
चढ़ाई आलियें लाल रंगे दियें शिड़कें कन्ने सज्जे दा हा ।  
होग्ने नगरें शा अनोखा जन ए नगर बसदा - रसदा सेई  
होन्दा हा । किश लोक रातीं नागपुर उतरी गेदे हे ।  
उन्द धार नमें आई गेदे हे । जाने आले मेरे गितें 'राम राम  
जयराम जो दी, नमस्ते, नमस्कार छोड़ी गेदे हे । दों त्रें  
आदमी मद्रास जाने आले बंठे दे हे, होर नमें हे । गड्डी बी  
इस दुनियां दा दूआ रूप ऐ, अगों चलदे जाओ, कुसेई पिच्छें  
छोड़दे जाओ, कुसेई अगों नेन्दे जाओ । पिच्छें आलें गी  
'राम राम' ते नमें मिनने आलें गी 'जो राम जो दी' बुलान्दे  
जाओ । गड्डी चलदी रौहदी, सृष्टि रचोन्दी रौहदी ।  
पुराने मरदे जन्दे, नमें जमदे जन्दे । दीन बेल्लें ठोल डफले ते  
वाजे बजदे, सुरां भाएँ दीन दिया बखरियां - बखरियां  
होन्दियां न ।

दपेहरीं बेल्लें मिगी कसोला होआ, ते में परचोल पाई,  
चूहका बंठे दे उस जोड़े गी पुच्छी लेआ :

‘तुसें मद्रास जाना ऐ ?’

“हाँ ।”

“मद्रास कुत्थें जाना ऐ ?”

“साऊकार पेट ।”

उत्थें गं मिम्मी जाना हा ।

“साऊकार पेट कुसे होटली च, जां घर्मसाला च, कुत्थें उतरगे ओ ?”

“रातीं जानें करिये होटलें दा भा मेंहगा होई जन्दा ऐ, घर्मसाला च उतरना गं ठीक रोहन्दा ऐ ।” लिस्से आदमी ने मिगी सलाह दित्ती ।

उसदी सलाह मेरे मन लगी गई । गड्डी तरकालें बेल्ली मद्राम स्टेगनै पर जाई खड़ोती । में अपना सूट पहलें गै लाई लेदा हा, हैट सिरें पर रक्खी, बज्जी दा बिस्तरा ते सूटकेस इक कुली ने सम्हाली लेया, टोकरी में अपने हत्ये च रक्खी, ते बाहर निकली आया । इक शील जनेह टांगे गो साऊकार पेट चलने बखा आविद्ये ओं बेई गेया । घोड़ा तेज दुड़की चाल चलन लगा ।

घर्म सालिया मिगी कमरा देने थमा इस गल्ला मुकुरी गेया, जे ओं इकला हा । हून मिगी अपनी हीनता, ते उस गड्डी आले लिस्से आदमी दी श्रेष्ठतः सेई होन लगी, जिस कन्ने भाएं कनेई ही, पर फी बी जनानी ते ही ।

ओं परतोआ । टांगे आला घोड़े दियां रासा पगड़े दे अजें पैदल चला करदा हा ते समान टांगी पर लदोए दा हा । में सोचें पेदा हा, जे हून कुत्थें जां, होटली च, जां कुसी

दूई घर्ममाला च । इन्नी च अगों दा उऐ जोड़ा बैल - गड्डी पर बंठा दा आया । दिखदे गी मर्द मिगी पुच्छन लगा :

‘की जी, तुस परतोए की ?’

‘भाई, ओ घर्मसालिया मिगी रोहन नई दिन्दा । आखदा, तू इकला ऐ, होटलें च जाइयें रोह ।’

‘नई नई’, तुस साढ़े कन्ने आं, चलो थोड़ जनेह बदली ली । हैट मिगी देई ओड़ो, कोट खोलियो मोण्डे पर बाही ली ।

जियां उसने आखेया, में उआं गी कीता । अस घर्मसाला गे, कमरा थोई गेया । समान अन्दर रक्खियो किश खाई - पी लीता । ओं बाहर पसारें च सेई रेया, ओ लोक अन्दर सेई गे ।

बहु पंहर उनें गी मिगी ठोआलेआ । में आखेया “भाई धोइयें में कुतै होटल तुप्पना ते तुसे ?”

हून मेरें कन्ने पहली बारी जनानी बोली :

“अज्ज तुस होटल नईं तुप्पो । अस राजस्थान दे कायस्थ आं, बगलोर जा करने आं । साढ़ी मर्जी ऐ, जे अस इत्थें ट्रिप्लीकण्ट दिक्खा लीचो । तुस असें गी दस्सी लेई आओ । संत्रां वेल्लो असें बंगलोरे दा गड्डी च बेई जाना ऐ तुस रातीं इत्थें गी रेई लीयो ते कल होटल तुप्पी लीयो ।”

उसदी गल्ला कन्न अपनी गल्ल मेलदें मर्दे ने आखेया :



“हां जी, इन्दी इयै मर्जी ऐ । रात्तीं दियां गी आखा करदियां न, जे ए असें गो दस्सी लेई ओन, तां बड़ी चंगी गल्ल ऐ ।

मर्द हिन्दी उर्दू रली-मिली दी भाशा बोलदा हा. साफ ते सरोखड़, पर जियां उस जनानी दे बोल निकले हे, उस पर मिगी चबात लगा । उस काली ते चिक्कड़ जन लग्गे दे टल्लें आली जनानी दे मुंहां दा इन्ने सरोखड़ ते मिठ्ठे बोल सुनिये मेरा मुंह बकोए दा जन रेई गेआ । सेई होआ, जे लोहे दे काले कड़ाह बिच्चा सूहा - सूहा मिठ्ठा गुड़ निकला करदा ऐ । अज उसदे नक्कें पर परसें दियां फुगा नईं लबदियां हियां । भरे दा मुंह काला होने पर बी सरोखड़ ते चमक करदा हा, जियां मुंहें दी काली चमड़ी दे अन्दर दा लाल-लाल लऊ बाहर भांकने गी दिक्खा करदा होऐ ।

में मन्नी लेआ । न्हाई - घोइयै रुट्टी - रट्टी खाई लेई, ते ट्रिप्लीकण्ट आली पासो चली पे । असें इक टांगा करी लेआ, ते ट्रिप्लीकण्ट पुज्जी गे ।

उत्थें छांवां गिते भौंगरे बूटे ते बूटें दे हेठ बोहन गिते पड़े बने दे हे । अस यई पर छांवां बेई गे । माघ महीना हा, फी बी परसे आवा करदे हे । सामने कन्ने लगदा मुट्टी तिई दे लेत्तरे दा समुन्दर, त लेत्तरे दे परे पानी दा भीड़ा मारदा हिन्द महासागर ।

कण्ठ गे इक आदमी काली दाख बेचा करदा हा । असें

इक छिक्कू भरिये दाख खरीदी । खन्दे - खन्दे सामने सागरे  
दिये उम्बलदिये भीड़ें गी दिखदे रेह ।

रज्ज करियो असें दाख खादी । उन्नें च बल्ले - बल्ले  
जनानी अपने मर्दे गी टोहां करा करदी ही । में पुच्छेआ :

“के आखदियां न ?”

“समुन्दर कच्छे दा दिखना ऐ ।”

“हां चलने आं, ठंडे होई ले, दाख खाई लेई, हून समुन्दरे  
दियां भीड़ां दिखने गी चलने आं ।”

मर्द आखन लगा : “औं चली नईं सकदा, ते धुप्पा च  
ते मेरे कशा मूल गी नईं चलन होम्दा । कुतो कमजोरी करियो  
बेहोशी आई जाग, तां मिगी चुक्किये आन्नना पोग ।”

औं भक्केआ : “तां ते...”

“किश नईं, औं इत्थे गी बीहन्ना, तुस जाइयो दस्सी  
लेई आओ इने गी ।”

हून मिगी इस गल्ले दा अर्थ सेई होआ, जे मिगी इने  
लोक ट्रिप्लीकैण्ट दस्सने गी की आन्दा ऐ । कमजोर मर्द  
जनानी दे परे दी बेड़ी बनी गेदा हा ।

“की जी, चलना ऐ ?” में पुच्छेआ ।

“हां ।”

अस दोऐ जन चलन लगे । औं अगगे बददा गेआ, ओ पिच्छे  
मेतरे च घसड़ोन्दी रेई । में बल्लगी ले, तां ओ कच्छ पुजवी

ही । में पुच्छेया : “तू प पिच्छे रेई जन्दियां ओ, में कुमालना होऐ, तां के आखियो कुमालां, तुसादा नां के ऐ ?”

“में पिच्छे नई रेई जां, तां तुसें बलगना कुसी ऐ ? मेरां नां किशोरी ऐ ।”

“किशोरी ? ब्याह होए दें बी किशोरी ?” आखियो ओ हस्सी पेआ ।

“ब्याह होए दे इक् महीने पिच्छों ए बमार होई गे हे । तदू कशा अजे तगर किशोरी गे रेई आं ।”

“फी पिच्छे रेई गेइयां किशोरी जी ।”

ओ बलगन लगा, जे हून दो गेई इसी अगें रक्खिये चलंग । उस बेल्ली चिलकदी घुप्पा च गर्मी बड़ी हो । किशोरी दे मुहें परा हाड़ बगांदा परसा खल्ले गो रुढ़दा जा करदा हा जिस करियो उसदी चोल्लो गिल्ली होइयो पतलो पेई गेदो ही ।

“तुस परसा - परसा होई दियां ओ, बल्ले - बल्ले चलने आं ।”

ओ मेरे बरोबर पुज्जी, तां में उसी थोड़ा अगें होन दित्ता, पर सामनं दा ओन्दी समुन्दरे दी बाऊ कन्ने रलिये उसदे परसें दो घम्मी दी मुश्क मेरे नक्क दं घन्दर पिप्पली सान लगी ।

“तुमेंई परसा बड़ा ओन्दा, तुस न्होंदियां नई होगियां ?”

“कुम गितै न्होना, ते कुस गितै लाना । मिगी पता ऐ, जे मेरे परसें ते टल्ले दी घम्मी दी मुश्का कशा कैंक करिये सब लोक दूर जाई खड़ोन्दे न । कल्ले तगर ओ इथे सोचदी रेई, जे इस्सी च मेरा बचा ऐ । पर हून ओ बदली गेई, इस्सी गल्ला इत्थे महासागर दे कण्डे तुसाढ़े कन्ने इकलो आई ओ, जे तुमेंई नमन्तर देई जां, साढ़े घर आयो । दिक्खी लैयो जे इस काली जुआनी च किन्नी सुगंद् ऐ, ए बी लाई - पाई सकदी ऐ, अपना शरीरा कुसी गी दस्सने गितै बी, ते अपनी रीज्जा गितै बी । सागरे दी इनें भीड़ें आंगर दिले दिये चूहकें च किन्नियां लहरां उम्बलदियां न । तुस दिक्खा करदे ओ, सागरे दियां लहरां उम्बलदियां गे रौहदियां न, पर दिले दिया तरंगां इक बिन्दू पर खड़ो ये नचाल नाच नचदियां रौहन्दियां न । उस बेल्ले उन्दा नचना, खड़ोना, बौहना, लेटना, सब किश नचाल होन्दा ऐ । दस्सो तुस बुजगे ओ उनें लहरें दा नाच ? ओगे ओ साढ़े घर दिखगे ओ न्हरें च बलदियां दियालियां ? करागे ओ साढ़े कशा टैहल्लां ? जिनें टैहलें च जिन्दू दियां तारां बज्जी दियां होनियां न । दस्सो, ओगेओ ना । सामने महासागर ऐ, इत्थे में ते तुस ओ, बोलो, के आखदे ओ ?”

“ओग” ओ बल्ले जनेह बोलेआ ।

“तां परतोई चलो, में हून सागर दे कण्डे नई जाना, कुते .....।”

अस परतोई वे । हुने ओ नेत्तर दे ठिचें छालों मारदो जा करदी ही, मेरे कशा अगें, मती अगें ।

मर्दे ने पुच्छेआ : "कण्डे नईं गे ?"

किशोरी बोली : "ए लहरें दी छेड़ा कशा उरी गे, में आवेआ, परतोई चलो ।"

सत्रा बेल्ले में उनें गी बगलोरे आली गड्डी पर पुचाने गी गेआ । उनें गड्डी पर बंठे दे वो घर ओने दा ओड़ कीत्ता, में हामी भरी, इक बारीं, दो बारीं.....दस बारीं ।

गड्डी सीटी बजांदी चली पेई । मे गड्डी दे कन्ने-कन्ने दस गेईं चलेआ । फी खड़ोई रेआ । जरूर आंग, जरूर आंग, रटदा रेआ ।

जिस बेल्ले गड्डी दे पिछले डब्बे दी पिठ्ठ लब्बन लगी, में गड्डी परा परतोआ ते कन्ने परतोआ अपने बचनें परा, की जे में उन्दा पता नईं पुच्छेआ, ते उनें अपना पता नईं दसेआ ।

26901

## ‘इक नीली’ ते ‘इक सैल्ली’

दवान चंद हवालदार हा । साल १९४७ च स्कूँ गो  
बचानेई जन्दी सूरज गोरखा पल्टनी दे इस हवालदारे दा कुतो  
फी पता नई लगा हा । पर श्री जदूँ दी गल्ल करन लगां,  
तदूँ दवान चंदे गो अस दवानूँ दवानूँ आखदे हे । दवानूँ  
दा बिन्द क हस्सना मिगो हून बी केई बारीं चेतै श्रीदा ।  
बिन्द क हसदा - हसदा श्री जोरे कन्ने हस्सी पोन्दा हा,  
हसदा-हसदा गड़ाके मारन लगदा हा, ते गड़ाके मारदा-मारदा  
बिलन लगे पोन्दा हा । बिलदे-बिलदे अपनियां जड़ां बांह  
उसदे बस्सै च नई रोहन्दिया हियां । मता हास्ता बी उसी  
इक रोग हा । घरे च अस उसी मता हसाने दा मोका नई  
श्रीन दिन्दे हे । पर इन्नां गी श्री कम्मे च बड़ा हुषियार हा,  
चतर हा ।

में रामनगरै दा उधमपुर जाने गितें तयार होआ करदा हा । उधमपुरे दा बस पकड़िये में जम्मू ओना हा । मेरी सुआरी गितें घोड़ा तयार हा । विस्तरा चुक्कनै गिते मजूर थड़े पर बेठा दा हा । अन्दर रमोई च रस्ती गिते रुटियां पक्का करदियां हियां । उसै बेल्ली दवानू मेरे कच्छ आया, ते बल्ल जनेह आखन लगा : "भाइया जी, अम्मीं तुसाङ् कन्ने उधमपुरे तगर चलां ?"

दवानू अजें बाहरें वरें दा गी हा । में आखेआ :

"चलो सकें तां चल, ठक्कियां चढ़नियां उतरनियां न । खड्डां-खडोलियां ....."

मेरी गल्ल टोकिये दवानू बोलेआ :

"किश नई भाईया जी, ओ चलंग । घरे दा ओन्दे बी में ठक्कियां चढ़ो-उतरियो ओन्ना, ते खड्डां बी लंगनां ।"

"खरी गल्ल ऐ, अन्दर आखी ओड़, जे त्रं चार खमोरे बदद तली लैन ।"

"में पैहलें गी आखी ओड़े दा ऐ ।" दवानू हसदा-हसदा अन्दरेई गेआ ।

घर दा निकलदे असें गी किश चिर होई गेआ । सोचदे हे, रातीं जंगानू पुज्जी जाहगे । उत्थे बुआ हुन्दे घर, घरे आला लेखा रोहगे, ते कालीदास हुन्दे कन्ने फिरगे दुरगे ।

दवानू ने तूत्तें दी इक शाम्क भग्नी लेई, ते घोड़े गी छेड़दा-छेड़दा चलन लगा । घोड़ा द्रोंड़न लगदा हा, तां दवानू

वी द्रोहदा हा । घोड़ा त्राट पवै, तां दवानूँ खिट्टां मारन लगदा हा । पोइया पीने जोहगा रस्ता गे नईं हा । अस डालसर लंगियो बडोली आली बक्खी जा करदे हे । रस्ता पदरहा हा, सैल्ले खेत्तरें दा माढ़ा पदर हा, ते उप्पर अम्बर नील्ला हा । दोन दे बशकार अगों-अगों गोरा-गोरा दवानूँ साह फण्डने गिते बल्लें बल्लें चना करदा हा ।

घोड़े पर बंठा दा ओं किश उच्चा हा । दूर-दूर तगर मेरी नजर जा करदो ही । नील्ले अम्बरें दे थल्ली सोल्ले खेत्तरें दे बशकार, ओ.....दूर गुलानारी रंग भुलदा, ते उडूरदा लब्बा । कदें ओल्ले ते कदें बांदें, छपदा ते बंदोदा, भुलदा कम्बदा .....नईं नईं भुलदी-कम्बदी चादरी दा गुलानारी रंग कनेग्रा सज्जे दा हा, जियां सैल्ली झण्डो दे बशकार कुसै सूहे रंगे दी खतरे दी बिजली चमकाई ओड़ी होऐ ।

“दवानूँ, ओ दूर कोई जनानी गुलानारी चादर लेइयो हस्ती रस्ती पर जा करदी ऐ ।”

दवानूँ ने फी शूक चुक्की, ते घोड़े गो छेडेप्रा । घोड़ा वी दुरह देइयो चलन लगा, ते अही घड़ी च असें उस जनानी कन्ने भक्त करी लेई ।

मेरी उस कन्ने पछान नईं ही । इस गल्ला में घोड़े दी लगाम नईं खिच्यी । पर थोड़े चिरें में पिच्छें दिक्खेप्रा, तां दवानूँ ओदें कन्ने गल्लां करदा बल्ल-बल्ल आवा करदा हा । घोड़ा शिड़का दे फेरें च चलन लगा हा ते दवानूँ ठेली मुण्डी



मुट्टे दे उस जनानी दे कन्ने दक्की उतरन लगा हा । अने निश्चा कीत्ता द हा, जे खड्डा दे पार जाइये रुट्टी खाई लीगे । दबान, ओ जनानी, ते माझा मजूर, मेरे कशा पहलें गी खड्डु टप्पिये बूटे दो ठंडी छांवां इक कुप्पड़ पर जाई बंठे हे । थोड़े चिरें ग्रम्मी उत्थें पुज्जी गेया । धोड़ेई तोबरा चाढ़ेआ ते ओ दाना खान लगा । दबान ने रुट्टियां कडिडयां, दो खमीरे, चार, ते पनीर मिगी दित्तें मजूरे गो रुट्टी दित्तो, फो उस जनानी पासो बी दो खमीरे बदाए । उसने नां-नां करदे लेई ले, ते फो आपूं खान लगा ।

मुं हैं च ग्राह पांदें उसने आखेया : “रुट्टी मती पेदी ऐ, जिसने लीनी होग मंगी लीयो ।”

“दबानू, रस्ते दी रुट्टी च जिन्नां स्वाद ओन्दा ऐ, उन्ना धरे दी रुट्टी च नई ओंदा ।”

मेरी इस गल्ला पर उस जनानी टियें खाखें पर पौदियां गुत्तियां में दिक्खी लेइया । खिन भर पेइयां, ते फो परोई गेइयां ।

रुट्टी खादी । ठंडा पानी पीत्ता । सिगरेट पीन्धें ग्रही घड़ी भर होर थोड़ा बसां करी लैता । घोड़ा दाना सम्बाई बैठा । अस फी चले । अगें बतखें दा नगरोटा आया । पता नई इसी बतखें दा नगरोटा की आखदे न ? इत्थें बतख नां दा कोई पखरू नई ऐ । पर मिगी इत्थों दे लोक बड़े पसिन्द हे । रस्ती चलने आलें गी दीनें पासैया अवाजां सनोचन लगदियां हियां :

पैरें पीना जी, राम राम जी, मत्था टेकनां जी ।  
कलाड़ियां हैन, लोड़दियां तां लेई जाओ ।' ब्हारा - ब्हारा  
सिर 'अम्ब हैन', 'मरुद हैन', 'केले हैन' 'नाखां हैन' सल्लियां  
कुकड़ियां, कुंगलियां ककड़ियां ककोड़े. गोआल मण्डे, भिण्डियां  
करेले बी ओ बेचदे हे । मिगी इन्दे कशा किश ना किश  
खरीदनै च मजा ओन्दा हा । रस्ता, रस्ते दियां हट्टियां,  
रस्ते दे मसाफर, आपू बिचें दो इन्दी प्रीत, इयें ते  
इक रीत ऐ ।

अस नगरोटे थमां बाहर निकले । अजें षोड़ी दूर गे गे हे,  
तां दवानू मेरें कन्ने चलन लगा :

“भाइया जी, इस जनानी गी ताप चढ़न लगा ऐ, ते ए चली  
नई सकदी ।” में मुण्डी परतिय दिक्खेआ, तां ओ दस बारां  
गज पिच्छें घसड़ोन्दी ओन्दी ही ।

“तां इस ने बसोइयें चलना चाईदा ऐ । इत्थें रेई सकदी  
ही, अगें जाने गिते की उठी आई ?”

“नई भाईया जी, उसने जरूरी जाना ऐ । तुस उसी  
घोड़े पर बहाली ली, तां के डर ऐ ? तुस घोड़ा चिर पैदल  
चली लैयो ।”

“ओं पैदल चली सकनां, पर उसी घोड़े पर नई बहालन  
हुन्दा । मड़ा रस्ते दे लोक के आ बगन, जे ओ साड़ी  
के लगदी ऐ ?”

“रस्तें च कुन दिखदा, भाईया जी । ते फी श्री ओदं कन्ने - कन्ने चलंग, तुस अगों - पिच्छें चलदे रौहयो ।” दवानू नरमाई कन्ने बोलेआ ।

“तू जिन्नियां गल्लां करी जा करनां ऐ, उन्नां गी नगरोटें थमां साढ़ा छिण्डा वददा जन्दा ऐ । घोड़े पर बहालियो उसी लेई चलना चंगी गल्ल नई ऐ । उमी नगरोटें परतोई जाने गितें आवी ओड़ ।”

दवानू खिजियो बोलेआ : “भाइया जी, ओ अपने खसम कश उधमपुर जा करदी ऐ, उस दा उत्थें पुज्जना जरूरी ऐ । ते साढ़े गितें उस गी नाबइयी लेई चलना बी जरूरी ऐ ।”

“भली जनानी ऐ, घरें दा इकलो चलो पेई, जे रस्त च उसी कोई दूआ सम्हालग । बूआ हुन्दे घर पुजगे, ते घोड़ पर बैठी दो रानी गी ओ अपनी नूंह समजियो गलें लाई लगन, तां फी तू उनें गी ठाकी लैगा ?”

“इस रस्तें पर जनानियें गी डर किश नई ऐ, इकलिया ओंदियां - जन्दियां न, पर.....अस जंगानू नई जाडयें जोहनू गी रेई लैगे तां कस दस बजे असें उधमपुर पुजगी जाना ऐ ।” दुखियें दे दुखें च मूण्डा देने वा चा मिगी मता हा । पर इस जनानी दे दुखें च दुख पाना मिगी कुसी चाली जचेआ नई हा । घोड़ा ते श्री दोऐ जने ठेले होइयें चलदे जन्दे हे । तां जे दवानू इक बार्री फी बुहासरेआ :

‘भाईया जी, जुआन जनानी ऐ, कुतै रस्ते रेई जाग तां उस कन्ने के बोत्तै, कुन जानदा ऐ?’

दबानूँ दो ए गल्ल मेरे जिगरें लग्गी । घोड़े परा उतरियें में दबानूँ दे हत्ये च लगाम थमाई ते आपूँ अगें - अगें चलन लगा । इक निक्की नेई गण्ड उस जनानी ने अपनी कच्छी च दवाई दी ही, में पिच्छें परतोइयें दिक्खेआ. तां ओ गण्ड उंग्रां गे ओदी कच्छी च दवाई दी ही, ते ओ घोड़े पर बैठी दी ही । जिस बेल्लै अस जोहनू पुज्जे, ध्याडा अजें मत्ता हा । लोई - लोई पातलिया दे डंगे अस पुज्जो जाना हा पर दबानूँ उत्थें गे अइकी गेआ । पातलिया थारे दी तंगी ऐ । हट्टी, घा, घोड़ा, ए सब उत्थें सम्हालने कठन हे । जोहनू जरनेल भागसिंह हुन्दी धर्मसाला च ए मारे सवीते शैल हे ।

धर्मसाला दे अन्दर समान रक्खेआ । घोड़ा बन्नेआ, ते उसी घा पाया । हट्टियो परा मजूरे गी आटा दाल लेई दित्ता । दबानूँ ने खिचड़ी बनाने गितै मांह चाढ़े, चोल धोत्ते, ध्यो रक्खेआ, ते ओ जनानी खिचड़ी बनान लग्गी । ताप उसी उतरी गेदा ऐ, जां नई, इनें धेपियें च ओ नई पेआ बाहर खट्टु डाइयो हट्टी आले कन्ने गप्पा - शप्पा मारन लगा ।

खिचड़ी बनी गेई, तां दबानूँ मिगी सदिये अन्दर लेई गेआ । खिचड़ी स्वादली ही । में आखेआ : “दबानूँ मड़ा खिचड़ी ते बड़ी स्वादली ऐ ।” दबानूँ हसदा-हसदा

आखदा जन्दा हा : 'ह', भाईया जी.....इनें गें बनाई  
ऐ.....मिगी ते बनानी आँन्दी नई । में ते छड़ी ठाई-  
ठई करी दित्ती ऐ ।”

पर जनानिये दियां नीमियां अक्खीं आखदियां लवदियां  
हियां, जे घोड़े दी सोआरी च जिन्नां सुख मिलेआ हा,  
ओदा बदला खिचड़ी दे स्वादे च रलें दा समजो ली ।

खट्टां डाइयां । दवानू ने मेरा बिस्तरा बण्डो-बुण्डिये  
में खट्टे पर पूरा करी दित्ता, ते अस लेटी गे । अन्दरे दा  
इक खुंजा कोड़े तेल्ले दा निम्मां जनेआ दीया  
बालिये रक्खे दा हा । दवानू राड़ - बराड़े करन लगा,  
पर, करदा - करदा गें सेई गेआ । उस कशा परली खट्टा  
पर ओ जनानी लेटी दी हो । उसी जोरें - जोरें साह आँन  
लगे । में समजेआ जे खेवल करनें शा इसी फो ताप चढ़न  
लगा ऐ । उसने अपने दोएं हत्थ अपने लक्के दे हेठ  
रक्खिये लक्क चिक्केआ, ते आपू सिद्धी सतरेढ़ पेई रेई ।  
मेरे भाएं उसो लक्क पीड़ बो होआ करदी होनी ऐ । जोरें-  
जोरें उसदे साह निकलदे रे, ते हत्थें कन्ने लक्क चकोंदा  
रेआ, पर मेरे कशा सनोई गेआ । फो ठोआ, तां लो होई  
पेवी ही ।

दवानू ने बिस्तरा बददा, ते मजूरें गी दित्ता । घोड़े पर  
काठी पाइये अस चलने गी त्याह होई पे । अज जनानी दा

मुंह हिस्से दा जन लबदा हा । कल ताप चढ़े दा हा, तां बी खिडे दा सेई होन्दा हा । लड़ाई च हारे दे जोआनै आंगर अज ओ दवानू कन्ने बी बोली नई ही । छड़ा बल्ले जनेह दवानू गो उस ने आखेमा हा : अज में घोड़े पर चढ़ने जोहगी नई आ ।”

अस दस बजे उधमपुर अड्डे पर पुज्जे, पर साढ़े पुज्जन कशा पहलें गं ओ जनानी कुत्ते गलियें च लोप होई गेई ही ।

अड्डे पर जाइयें दवानू सारा समान बस्सा उप्पर चढ़ाने गितै सम्हालन लगा, तां मेरा साफा नि लब्बा । इक - इक चीज फरोली मारी, पर साफा नई मिलेआ, तां दवानू बोलेआ :

“भाईया जी, ओ जनानी तुसाड़ा साफा लेई गेई ।”

“कियां ?” मेरे मुंह दा ए बोल निकलेआ, ते जात बकोए दा जन रेआ ।

“भाईया जी, में उसी आखेमा हा : “तुगी गुलानासी चादर बड़ी शैल लबदी ऐ ।’ तां उसने आखेआ हा : “में उधमपुर जाइयें दो चादरां होर बनानियां न ‘इक नील्ली ते इक सैल्ली ।’ भाईया जी छब्बी दो मलमल दा साफा, बड़ा बर, दो चादरां बड़ियां शैल बननियां न, “इक नील्ली ते इक सैल्ली ।” ओ हस्सन लगा, ते फी गड़ाके मारन

लगा । में सोचेया, दबानूँ गड़ाके मारदा - मारदा दब्बड़े च बिलन लगी पोग, तां फी उस दे हत्य पेंर कुन साम्बग । इस गल्ला चुप कराने गिते इक द्रडु कराई । "चुप कर मेरे साफे दियां चादरां नईं बनी सकदियां, ओ कुत किरि पेया होन्दा ऐ ।

दबानूँ आखदा रेया, अपनी गल्ल सिरे चाढ़दा रेया, पर मिगी अज बी परतीत नईं पोन्दी, जे मेरे साफे दियां दो चादरां बनियां होंगन :

‘इक नील्ली ते इक सैल्ली ।’

---

## रावण-जटाऊ जुद्ध



में निकका नेआ कोई सत्तें अठुँ बरें बा हा । उनें दिनें रामनगर-रंगमंचें दा रंग छेल खिहें दा हा । रामलीला चला करदी ही । उस दिन रावण-जटाऊ-जुद्ध होने आला हा । सार्हें घर सबनीं रीला पाई ओइआ, “रावण-जटाऊ-जुद्ध जरूर दिक्खना ऐ ।”

नरात्ते दे दिन हे, अस्सु दा महीना, ठंठ थोड़ी-थोड़ी होई पेदी ही । उप्पर लेनेई कम्बल, ते हेठ बछानेई लोइयां लेइये अस सबेला सत्तें भिगली चोरी मंदरें दे अगें पुज्जी गे, ते धार मल्लने गिते थडें पर लोइयां बछाई लेइयां । राम-लीला कोई दस बजे शुरु होनी ही । समां कट्टने गितें अस मंगतराम बैद हुन्दी हट्टी उप्पर आनिये पकोड़ियां खवे रेह, ते पकोड़ियें आला देहां पीन्दे रेह । फी तांह-तुआंह रखड़ी-



खड़िये अपने धार पर बैई गे । आस-पास दे लोक ढिहुं पर हथ फेरदे मर्द किलकदे गिल्लूएं गी ढाका लाए दे जनानियां, जागत ते कुड़ियां आन लगी पे । साढ़ियां नजरां मण्डुए दे परदे पर जम्मी दियां हियां, “कुस बेल्ले पर्दा चकोऐ, कुस बेल्ले पर्दा चकोऐ ।”

दस बज्जी गे । पहली घंटी बज्जी ते फी दूई । श्री दे कन्ने पर्दा चकोआ । पिछले पर्दे चा इक पासेश्रा मुकट-लंगोदा रावण रथ पर बैठा दा इक हथे कन्ने सीता गी पगड़े दे मंच पर आया । सीतां सुरे-ताल्ले कन्ने गांदी-गांदी बरलाप करदी ओन्दी ही । मसू शाह सीता बने दा हा, में पछानी लेआ । रावण बने दा हा हरिचंद गुजराती । इस हरिचंद गुजराती गी में इक दिन दूरे दा गी साधुराम खत्तरी गी गालीं कडदे दिखेश्रा हा । ओ बी बरोबर गालीं दे बदले च गालीं कडदा जन्दा हा । अस दोँ श्री जागत स्कूल जा करदे हे । असें समजी लेआ, जे ओ कच्छ पुज्जने पर इक दूए गी मारा पेई जांगन । दोऐ जने जोरें-जोरें बोलदे जन्दे हे, बांहीं फुहाड़दे हे, मुंआं पेर पटकारदे हे ते इक दूए दे पास बंदे ओन्दे हे । सेई होन्दा हा, जे अज्ज इक दूए दे हथ पेर भन्नी ओढ़ंगन, ते पिजर तरीओ ओढ़ंगन । दोऐ तगड़े हे । दोऐ पड़सोए देन च इक दूऐ कशा माल्ली मारदे जन्दे हे । होर बी किन्ने गी रस्त चलदे लोक अपने पैरें पर अड़किये खड़ोई रेहदे हे । पर जिस बेल्ले ओ इक दूए दे कच्छ पुज्जे, ता

सबनीं गी चवात लग्गी गेआ, जे दौएं जनें इक दूए दे गलें लग्गी गे, ते इन्ने जोरें कन्ने जपफी पाई बैठे, जियां केंइयें बों दे बछोड़े दे बराहग तोआरन लगे होन । फी सामनें गलोहदू वडू हुन्दी हट्टिये पर चढ़ी गे, ते मजे कन्ने पूरी कड़ाह खान लग्गी पे, जियां इस्सें गल्ला गिते उनें इन्नी खेचल कीती ही ।

साढ़ा तमासा ढिल्ला पेई गेआ, सब लोक उत्थों दा उठी गे ।

रावण बनियो हरीचंद गुजराती बड़ा आकड़ी-आकड़िये चलदा हा । संगोई दी ते हिस्सी दी सीता कन्ने-कन्ने घसडोन्दी चलदी ही, ते तबलें दे ताल्लें पर बरसाप करदी जन्दी ही । कदें कदें उस दे परे दे घुंगरू त-नि-धि, ना दे ताल्लें पर ठनक ठनक करिये ठनकदे जन्दे हे । मंचे दे दूए पासेआ पवखरूए दी चुंज आला मुहारा साए दे 'जटाऊ' हत्थें च तलवार लेइयें बड़े जोरें करलांदा निकलेआ । "राक्षस राज, हमारे होते हुए कोई हमारे मित्र की बहु को हरण करके नहीं ले जा सकता ।" ते फी उस ने रावण गी चुंज मारी । इक हत्थें तलवार ल्हाइयै डरावा दित्ता, ते दूए हत्थें सीता गी खूसन लगा । पर रावण ने तलवार चलाइयै जटाऊ दा इक फग कप्पी ओढ़ेआ । ते "कौन हरामजादा हमारा रास्ता रोक रहा है ? तुम-बुजदिल, कमीने !" फी दोनो पासेआ हिन्दी, उर्दू ते डोगरी च गरम-गरम गालीं दी बरखा होन

लगी । बैठे दे लोक गोहें दे भार होइयै, ते खड़ोते दे लोक  
 खुरियां चुक्की-चुषिकयी रावण-जटाऊ जुहूँ दी झांकी दिक्खन  
 लगे । रावण ते जटाऊ तलवारां चलान्दे इक दूए दै कच्छ  
 पुज्जी गे, ते उनें तलवारां सुट्टी ओड़ियां । लोकें समजेआ,  
 हून इन्दा धोल लगी पीना ऐ । पर रावण ते जटाऊ इक दूए  
 दै गलें मिली गे । पर्दे दे पिच्छूँ दा अबाजां ओन लगियां,  
 “जटाऊ मरी जा, जटाऊ मरी जा ।” पर बाल्मीकी ते  
 तुलसीदास हुन्दियें रचनें गी नमां मोड़ देने आस्ते रामनगरें  
 दा रंगमंच इतिहासे दे पत्तरे बदलें करदा हा । उन्दियां आत्मां  
 गासै चा भांकी-भांकियी बचात करदियां हियां, ते बचार  
 करन लगियां होनियां न, जे भला उनें आपूँ गे अज्जे दी इस  
 झांकी गी अपनियें रचनें च परोए दा होन्दा, तां के होन्दा ?

जिस बेल्ली रावण ते जटाऊ दी लगी दी जप्फो छुड़कदी  
 नईं लब्बी, तां मण्डुऐ दा पर्दा सुट्टी ओड़ेआ । पिच्छूँ लोकें  
 गी पता लगा, जे साधुराम खत्तरी जटाऊ बनें दा हा ।

## सामना-सामना



अज्ज सैवन गै मेरा उम्दा सामना - सामना होई गेआ,  
तां उस परानी गल्ल दा चेत्ता तुरत गै मेरे मनें च फुरी  
आया ।

ओं अपने सौहरं गेदा हा । ए गल्ल १९४७ कशा किश  
पहलें दी ऐ । परतोन्दी बारीं असें पसरूरें दा गड्डी पकड़नी  
ही । घरं दा निकलदें इक काली बिल्ली ने अगूं दा रस्ता  
कट्टेआ, रस्ते च टांगे आलें कन्नं खिट - पिट होई गेई,  
स्टेशनं दे कच्छ - कच्छ पुजदें इक 'इल्ल' सिरै किन्ने छोन्दा  
उहुरदी गेई । किश नां किश अप-सगन होने आला ऐ, इस  
गल्ल दा आगम जन मिगी छीन लगा । अस घड़ी भर  
पहलें प्लेटफार्मे पर पुज्जी गे हे । में छोती बन्नो दी ही,

बद गलं दा काला गम कोट लाए दा हा, ते सिर नंगा हा । मेरी जनानी बी मेरै साथें ही । उस ने मैली नेई सलवार - कमीज लाई दी ही, ते सिरै पर मैली नेई गै चादर लेई दी ही ।

उस्सै प्लेटफार्मे पर थांडे छिण्डे पर ओ बी खड़ोती दियां दियां । उनें साड़ी लाई दी ही, ते साड़ी उप्पर अहा गम कोट लाए दा हा । उन्दै कच्छ इक अहकड़ जनेई जनानी चिट्टी रेशमी साड़ी लाइयै, ते गम टोटे दी बुक्कल मारियै खड़ोती दी ही । इक होर जनानी हो जिसने मैला नेई धोती बन्नी दी ही ।

गोल, शैल भरै दा मुंह तांह - तुआंह फरान्दें उन्दी नजर मेरै उप्पर आई टिकदी ही, टिकियै कदें मुड़ी जंदी ही, ते कदें नीमीं होई जन्दी हो । अड़कदियां, मुस्करांदियां, हसदियां अक्खीं उस मैली नेई धोती आली बुड्डी कशा छप्पी दियां नई रेइयां । मेरे उप्पर अपनी अक्खीं दियां चिनगां जन बरहान लगी । सेई हुन्दा हा, जे ओ चिनगां खबरै लाप्पां बनियै हाम्बगंन, ते मिगी चमकियै खबरै प्लेटफार्मे पर गै भुन्नी - तराड़ी ओइगंन । पर छिण्डा-मता हा, इस गल्ला ओ मता नई डरेआ ।

प्लेटफार्मे पर खड़ोते दे दूए लोकें पर तोली नजर नई अड़कदी ही । कोई कच्छी हेठ गण्ड दबाए दे, कोई सिरै पर भार चुक्के दे, कोई बिना मायां दा ठिल्ला साफा बह् दे,

लोक तांह - तुआंह बेंठे - खड़ोते दे हे । नधइक होइये  
उपरेई सिर कीते दे गड्डी गो बलगदियां साढ़ियां गे दो  
टोलियां हियां, जिन्दियां इक दूऐ पर नजरां अडकदियां  
हियां । ओं प्लेटफार्मे दै इक सिरै परा कदें - कदें गड्डी आई  
जां नई दिक्खी लेन्दा हा । गड्डी किश लेट ही ।

अस प्लेटफार्मे पर उत्थें खड़ोते दे हे, जित्थें त्रिये दर्जे दे  
ढब्बे ओन्दे हे । गड्डी प्लेटफार्मे पर आनिये खड़ोदी, तां  
असें अपने सामने आले डब्बे पर गे चढ़ना हा । होरनें  
जात्रिये च किश नस्सो - नस्सी पेई, पर असें ध्यान नई  
दिता । अस छुत्त कीते दे डब्बे पर चढ़ो गे । अन्दर बड़ी  
भीड़ ही । बड़ी मुश्कलें कन्ने टल्लें दिये बड़िये - बड़िये गण्डीं  
दे बशकार असें अपने आपे गो अड़काया । हून उनें मिगी  
लब्बना नई ऐ, पता नई कुत्थें रस्तें च उतारी जांगन । ठीक  
ऐ, ए गड्डी दे जात्री न, जिनें गो अस दिक्खने, पछानने,  
पसिदे करने, पर ए सब चन्ने दो चाननी, ते फी न्हेरी रातीं  
आला लेखा, साढ़े जीनें च किन्ने बारी गे बदलोन्दे जन्दे न ।

पर खरा होआ, जे उस बुड़ी कशा ते अपना पोछा छुड़केआ ।  
पता नई के आखदी, के करदी, रस्तें च चुप - चानक गे  
खरी रौहदी ऐ, पर उनें खिनें च गे मिगी चबात लगा, जे  
ओ दूई टोल्ली बी हफदी - हफदी साढ़े पिच्छें उस्सं डब्बे च  
चढ़ा करदी ही । अंबे जनानियां भलेआं साढ़े आगर गे गण्डीं

दे ब्रशकार अड़की गेइयां । इक मजूर जागतै ने उन्दे दो सूटकेस बी उप्पर पुचाई दित्ते ।

होनहार बलवान ऐ, ओ जोमान - जनानी मेरे सामने ही, जिसने कोट लाए दा हा, ते बड़ियां सरोखड़ उप दियां अक्खीं हियां । उनें अक्खीं च कोई झक्क नईं हा, किश, खिच्च ही ते अपनापन हा । उदकड़ जनानी अपने बचारें च डूब्वी दी ही । ओ मेरे सज्जे पासैं अड़कियो बंठी दी ही । खब्ब पासैं मेरी जनानी बंठी दी ही, ते उसदे खब्ब ओ जनानी बंठी दी ही, जिसदी मैली धोती ही, ते दूरा दा जिस दियां अक्खीं चिनगां बरहान्दियां हियां । गड्डो सीटी बजांदी तेज चला करदी ही । बर्तमान गो भूत च बदलदी, ते मनूक्खे दी महानता दरसादी अगों गे अगों टपदी जन जा करदी ही ।

मिगी अपने खब्ब पासैं दिक्खने दी हिम्मत नईं पेई । अपनी जनानी गितं बी ओ बगाना होई गेदा हा । गड्डी इक स्टेशन पर ठहरिटी फी चली पेदी ही । उस बेल्ले पहली बारी में उस जनानी पासैं ध्यान दित्ता । उस दियें अक्खीं च लाल डारे बलदे दिक्खिये में कम्बी पेया । उनें डारें दी सूही-सूही लोई ने, उस दा सारा मुंह सूहा करी ओड़े दा हा । मुहें दियां झुडियां फर-फर करदियां झुलदियां लबदियां हियां । ओठ खुलने गितं इक दूए पर थप-थप करन लगे दे हे, तां जे ओ फुट्टी गे पेई :

“के तार मला करना एँ, शकल नि दिखदा, काली कलूटी, शर्म नि ओँदी ?”

“में --में --ते ।” मेरा संगी मुक्को गेआ, बोली नि निकली अक्खीं भुआं गड़ोई गेइयां । ओ फी गर्जो :

“ओ तुगी उत्थों दा दिक्खा करनियां, स्टेशन परा । आई-जाइयो तां गे नजरां, बिन्द शर्म नईं, बशम कूतै पासे दा ।” ते फी ओ बड़ा जोर लाइयो उठ्ठी, ते गड़ोई दे दरवाजे पासै वदी, जियां जंजीर खिचवन लगी होऐ, जां पुलसा गो आला देन चली होऐ । गड़ोई दी चाल हून मददम पेई गेदी ही, ते अगला स्टेशन आई गेदा हा ।

जनानी कोहँ च कम्बदी जन्दी ही, ते पिच्छें दिखदी जन्दी ही, ते ऊंआं गे अक्खीं चा अगी दे लोरे ठोआलदी जन्दी ही । स्टेशन पर गड़ोई खड़ोती, तां ओ उतरी गेई । पर जिस बेली गड़ोई चलन पर बी ओ परतोइयो नईं आई, तां मिगी किश पुर्त फिरी में मिर उच्चा कीता, तां सामने फी ऊऐ बड़िइयां-बड़िइयां अक्खीं ।

“के लगदी ही, ए तुसाढी ?” उनें पुच्छेआ ।

“साढी कोई नि; तुसाढे कन्ने ही ना ?”

मिगी बड़ा चवात लगा ।

“पता नईं कुन ही जे इन्ने जोरें - जोरें द्रहुं देआ करदी ही । असें समजेआ, तुसाढी कीई दादी नानी होनी



ऐ । अस दोऐ सस्स नूं ह जम्मू जा करनिया ।” ते फी ओ बड़े जोरें हस्सी पेइयां ।

“अस बी जम्मू जा करने आं, ए बी मेरें कन्ने न ।” में अपनी जनानी पास हत्थ कीत्ता ।

ते फी साढ़ी पछान होई गेई । जम्मू तगर अस साथे-साथे गल्लां करदे आए । ओ मेरे इक बड़े पछानूं सज्जने दो भैन ही ।

अज्ज केईयें बरें पिछूं मेरा उंदा सामना - सामना होई गेआ हा । उन्दे बाल चिट्टे होई गेदे न, पर अक्खों च उऐ नेई डलक ऐ ।

---

## नकाह दा सोग



चूनी - भाई फाजलभाई दे आखने मूजब मिगी सेठ नारायण स्वरूप हुन्दै घर लेई गेया । भुआं गद्दी तकिया लाइयें अपनी बठका दे कमरे च ओ वंठे दे हे । गोरे - लो, लम्पा नेआ मूंह. सैलियां - सैलियां अक्खीं, ते फर - फर करदियां मुच्छां सेठ हुन्दा प्रताप दसदियां हियां । चूनी भाई ने आखेया :

“फाजलभाई ने इनें गी तुसादें कश भेजेया ऐ, तुसें बी कोई लाब्ब इन्दें कशा लेना होऐ तां लेई लो ।”

हूनें तगर अस दोऐ जने खड़ोते दे हे । सेठ होरें सुनेया जे में ज्योतिषी आं, ते फाजलभाई ने मिगी भेजेया ऐ; तां उनें किश सरकिये, तकिये दे स्हारें अपने कच्छ बोहने दी मिगी सातं कराई ।

“धन्नवाद चूनीभाई, हून तुस जाओ, ए मेरे कश पुज्जी मे न । फ जाल भाई गी मेरा सलाम देयो ।”

चूनी भाई उठी गेआ । सेठ मेरे पास मुड़े ते आखन लगे :

“में इक कम्म कीत्ता दा ऐ । त्रै - चार लक्ख रपे थोने दी मेद ऐ । दो लक्ख ते उनें अपने मुहें आखे दे न । कम्म होई जाने पर त्रै लक्ख ते में लेई गे लने न । तुस ए दस्सो, जे कम्म कद् तगर होई जाग ।” ए गल्ल आखिये सन्दूकड़ी चा इक कागद उनें कडुआ, ते तुरत अपनी कुण्डली खिच्चिये मेरे अगों रखी ओड़ी, ते बोले :

“मारवाडी बनिये मेरे कशा अपना भाग पुच्छन ओन्दे न । साढ़े बेहड़ दो - दो त्रै - त्रै मोटरां खड़ोतियां रोहन्दियां न, पर अपने दिक्खे दे मिगी अपने गिते बिस्वास नई पौन्दा । इस गल्ला जिस बेहलै फाजलभाई ने तुसाड़ी बड़ी प्रशंसा कीत्ती, तां में उनें गी आखेआ हा, जे तुस गी मेरे कश भेजन ।”

में होर किश कुण्डली दे हसावै लेई उनें गी पुच्छेआ ते फी अपना मत दित्ता :

“इक बरे च तुमाढ़ा कम्म होई जाग ।”

“साढ़ा के ऐ, दो लक्ख बी मिले, तां ओ बी चार लक्ख गे न । अस अक्ख भमकदे बदान्दे जन्ने आं । जागते दा

शादी - ब्याह कीता, उस पर मता रपेया खचं होई गेया ।  
 ए कम्म जेड़ा असें कीता दा ऐ, इस दी ते पक्की खातरी ऐ,  
 जे होई ते जाना ऐ पर अस आखने आं अज्ज गे थोई जा ।  
 सो रपेया रोजे दा साढ़ा खचं ऐ । श्रीह वरे होई गे, आं रुट्टा  
 नईं खन्दा, दुह छाह ते मुसम्मी दा रस गे मेरी खुराक ऐ ।  
 बड्डे जागती गिते आफिस लेंना ऐ, ओ सालिसीटर ऐ, कदू  
 तगर नौकरी करग ? दफ्तर लीने गिते चाली जहार ते लोड़दे ।  
 दूया जागत डाक्टर ऐ । डाक्टरें दा शहरें च बड़ा कम्म ऐ,  
 पर ओ नौकरी करदा ऐ, रेडियालोजिस्ट ऐ, उस गिते  
 क्लिनिक बनाने गी पजाह जहार चाईदे न । मेरा त्रिया जागत  
 इक सिनेमा च स्टोरकीपर ऐ, पढ़े दा घट्ट ऐ, लाडला रेया  
 नां जी, दूए ब्याह बिच्चा ऐ, बड़ी मौज कीती उसने मेरे  
 सिरें पर । हवाई जहाजें च गे चलदा हा, अज्ज कश्मीरा तां  
 कल उटाकमण्ड । उस गिते इक सिनेमा बनाना ऐ, पंद्रां  
 लख ते हत्ये च चाईदे । उसदे सोहरिये आखदे, तुस नईं  
 बनाई दिन्दे, तां अस बनाई दिन्ने आं । तुस समजो, साढ़ा  
 बी नक्क ऐ ना, जागत हत्ये दा जाग, से बक्ख । चौथा  
 जागत स्पनींग मास्टर ऐ, उसने मिल्न च मेहनत करिये  
 कम्म सिक्खी लेता । नौकरी कराने च शर्म समजने आं साठे  
 साब । उस गिते इक मिल्न बनाने दा साढ़ा बचार ऐ ।  
 पंजी-श्रीह लक्ख उस गिते बी समजो ली । रास ऐ साढ़ी  
 इट्टी दी-त्रे लक्ख । तुस बी साढ़े घर आई गे ओ, बोह पंजी  
 जहार तुसें गी नईं देचें, तां तुम बी के आखगेयो, जे लोड़ बी

पूरी नई होई । अस ते आखने आं, जे हून गी थोई जाए, तां कम्म चलाई देचें । इक-इक करदे बददा जाग । साख बी बनदी जाग, ते दूए-दूए कम्मे गी हत्य बी पोन्दा जाग ।”

इन्ने चिरें च गरम - गरम जलेबियां थाली च पाए दे रसोईया अंदर आया । उसदे दूए हत्ये च इक गलास हा । दोए भाण्डे उसने मेरे अगें रखे । गलास च दुद हा । जलेबियां मेरे अगें आइयां, तां सेठ बड़ी डाट-फाट कन्ने आखन लगे :

‘दो बिस्कुटां ते चाह दा कप कुमे दे अगें रखने दी साढ़ी रीत नई ऐ । न्हारी बी करो, तां रउज करिये । कल इनें जागतीं बालूशाई बनवाए हे, अतर गुलाबजामुन ते बीय रसगुल्ले । में खंदा ते नई, पर दूएं गी खंद दिक्कियों पिगी बड़ा सन्दोख होन्दा ऐ ।

में जलेबियां खादियां, फो दुद पीत्ता, रातीं बेल्ले हट्टो खाने दी लोड़ नि रेई ।

म्हीने च त्रै बारीं में उन्दे घर जन्दा रेआ । बस, उऐ गल्लां, उऐ मनसूबे, आफिस, क्लिनिक, सिनेमा ते मिल्ल ।

गुजरात दे खोजे हिन्दुएं शा मुसलमान होए दे न । भाटिये मुसलमान बने तां खोजे खोमाए । पर हून बी मतियां सारियां रीत्तां उन्दे हिन्दुएं आंगर चलदियां न । भरजाई रण्ड बेई जाए, ते उमदी कोई सन्तान नई होऐ तां मुसलमानें च देरे कन्ने ओ अह बण्डाई लन्दी ऐ, पर हिन्दुए च छड़ा

खर्चें गी देना पौन्दा ऐ । ओ लोक अपना कोई मामला अदालती तगर नि जान दिन्दे, आपू बिचें भाईचारे दे सामने नबटारा करी लैन्दे न ।

सेठ नारायण स्वरूप ईयं नेई इक भरजाई गी सखाली-समजाइयें उसदा मामला अदालती च लेई गेदे हे । उसदा देर करोड़पति हा, ते न्यूयार्क रोहदा हा । भरजाई दे कब्जे च बिश नईं हा । सेठ ने उसदा सारा केस-कचहरी, सालि-सीटर, बैरिस्टर दा खर्चा अपने जिम्मे लेई लैदा हा । हुन तगर उन्दा सत्त अठ्ठ जहार रपेया खर्च होई गेदा हा, पर हसाबे-कताबे दे कागजें पर गी । केस उन्दे पुत्तरें ने बनाइयी अदालती च दाखल करी ओढ़े दा हा । सम्मन न्यूयार्क भेजे दे हे । देर इतलाह नईं करदा हा—सम्मन बावस ओन्दे हे, ए लोक फी भेजी ओढ़दे हे ।

‘कहूँ तगर इतलाह नईं करग ?’ सेठ नारायण स्वरूप मुच्छां मरोड़दे-मरोड़दे आखदे होन्दे हे । फोटं च सेठ हुन्दा दपतर हा, उत्थ गी सर फिरोज शाह मेहता रोड उप्पर मेरा दपतर हा । कदें दस्सैं दिनें बी ओं उन्दें घर नईं जाई सकदा हा तां दपतरें च गी मिली लैन्दा हा । इक बरा बीत्ती गेया, महीना भर उप्पर बी होई गेया । कुसै चाल्ली हसाब ठीक करने गिती में मूल पकड़ैआ । सेठ नारायण स्वरूप अपने हसाबें च आपू गी मुल्ली गेदे हे । साब्ब होनै दा उन्दा साल चौथे पुत्तरे दे ब्याह तगर गी मुक्की गेदा हा ।

तदूँ उनें गी कोई पंजाएँ ज्हारें दा लाब्ब होआ हा, जिन्द चा श्रीह जहार पुत्तरे दे व्याह उप्पर खर्च होई गे हे । बाकी बोय ज्हारें चा साल्ले थमां जलेबियां ते बालूशार्ई बना करदे हे । को जे लक्खें दो रास उन्दे हत्यें च श्रीने आली हो—मुठ्ठी च गे ही । मरोड़ उनें चंगा घोटियो चाढ़े दा हा, ते बिना मोरड़ दित्तें धन चीन्दा बी ते नईं ऐ ।

इक दिन में उन्दे घर गेदा हा, तां सेठ होरें मिगी सुनाया :

“सम्मनें पर इतलाह होइयै आई गेई ऐ । अज्ज थमां पन्द्रें दिनें तरीक ऐ, बस हून तुस अपना खीसा गर्म गे समजो । बाह जहार असें तुसाढ़े गितें मिथे दे न, पर दस-दस करियो दो बारीं करिये देगे । तांह बी मते कम्म पेदे न । मुठ्ठा च श्रीन्द गे ‘पहलें मेरा’ ‘पहलें मेरा’ होन लगी पोना ऐ ।”

पन्द्रमें दिन कोर्ट उठुने दे समें सेठ ने मिगी आफिस च गे मिली लेंने गिते तकीद कीत्ती दी ही । श्रीं गेआ । सामने गे सेठ नारायण स्वरूप बंठे दे लब्बे । अज्ज उन्दियां मुच्छां तनोई दियां नईं हियां, मुंह भज्जे दा जन सेई होन्दा हा । उनें मिगी इक केबिन पासै सार्त कराई, ओ केबिन दे अन्दर गेआ, केबिन खाली ही ।

सेठ आए. ते अन्दर दा भित्त देइयो फुटी-फुटियो, ते डुस्की-डुस्कियो रोन लगे । में पुच्छेआ :

‘होआ के ? ओ न्यूयार्क दा आया नई, जा लम्मी तरीक पेई गेई.....’

‘सब किश होई गेआ.....हून किश नई होना.....’

‘दस्सो ते सेई, सब किश के होई गेआ, ते हून के नई होना ?’

‘बस लटोई पटोई गे जी.....सफा लटोई मे..... नफ सने रास बी गेई.....घर दा खर्च कीत्ता.....ओ बी गेआ ।’

“फी बी होआ किया ? ” रोन्दे सेठ गी दलासा ते ओ देई गे नि सकदा हा, मामला लख्खे दा जे हा । ओ बोले :

“अस अदालती च बैठे दे दिखदे रेह मुच्छे गी ता दिन्दे रेह । कोर्ट उठुने शा दस मिन्ट पैहलें उसदे बकाले ने समजोता-नामा पेश कीत्ता । ओ कुती चार दिन पैहलें आया हा, भरजाई कन्ने नकाह करी लेआ, ते उसी लेइये न्यूयार्क गी उडुरी गेआ ।”

में अपनी मुण्डी नीमीं करी लेई, सेठ बोलेआ : “चौ पंजें दिनें तगर घर जरूर आयो, दिखगे, ए की होआ ऐ ? पर इन्ना सवर आग, कुत्थो दा, इन्नी पीढ़ जरये किया ? जीन्दे रोहगे, तां मिलेओ जरूर ।”

चौ पंजें दिने ओ उन्दे घर गेआ, तां उन्दा रसोईया मिगी उरें गे मिली पेआ । आखन लगा : ‘मिगी ते जबाब मिली पेआ जी मेरी ते नौकरी गेई ।’



मैं घर पुज्जा, तां सेठ हुन्दी नूंह मेरे अगों इक थाली रक्खिये आखन लगी : 'साढ़े कड़ाही चाढ़नी बंद करी ओड़ी ऐ, नकाह दा सोग मना करदे न । सेठ हुन्दी तबियत अजें सम्हलोई नई ऐ, तुस चौं पंजें दिनें तगर फी जरूर आयो ।''

मैं थाली च दिक्खेआ, इक कटोरा चाह रक्खी दी हो । इक पासं घ्यो लाइयो भुज्जे दे छोल्ले, ते दूऐ पासं थोड़ा नेआ ढोता दा लून पेदा हा ।

## पण्डित जमनाधर



मत्तें बरें दी गल्ल ऐ, जदूँ ओँ इक बरें गितो अयोध्या  
बास करन गेआ हा । अजें मिगी उत्थें गेदे त्रें चार दिन गे  
होए दे हे तां ओँ थड़ पर बंठा दा किश लिखा करदा हा ।  
कन्ने गे इक दुआरी ही, जेड़ी बाहरें पास खुलदी ही । सयूँ  
पढ़ जाने आले लोक इस्सं पासेआ लंगदे हे । इस रस्ते द  
कन्ने इक खुल्ला मदान हा, जित्थें इक्के टांगे आनिये खड़ोन्दे  
हे । नामों नजर करिये ओँ लिखा करदा हा । इन्ने च  
सई होआ, जे इक आदमी घुप-गुम आइयो मेरें कच्छ  
बेई गेआ ऐ । उस दियां जडां नगियां हियां, ते गोडें दे  
उप्पर तगर उसने उपरना लाए दा हा । लिखदे-लिखदे में  
उप्पर नजर नि पुट्टी, ओँ लिखदा रेआ ।

थोड़े चिरें में नजर उप्पर पुट्टी, तां कच्छ बैठे दे आदमी  
दी शकल दिक्खिये ओं उस पास दिखदा गे रेआ । उसदी  
इक भरमां उप्परे गी चकोई दी ही, पर इन्नी जे सिरे दे वालें  
गी छून्दी ही । ओठ जियां सीत दे जन चुप, मेरा  
नरीखवन करनेई आए दा ऐ ? मेरे मुहें पास बिट-बिट  
दिखदा हा । में अपनी नजर की नीमीं करी लेई, ते  
लिखन लगे पेआ ।

त्रे चार मिन्ट होई गे । में अपनी नजर चुक्खिये की  
दिक्खेआं कुनै कम्म गितो मरे कश आया होना । पर ओ की  
ऊंआं गे नरीखकें साई मरे पास दिखदा रेआ हा । इक  
ग्विनं च मिगी ए बी सेई होआ, जे पहलें उसदी सज्जी  
भरमां उप्परेई चकोई दी ही हून ए खब्बी कियां होई गेदी  
ऐ । पहलें मेरे दिक्खनं च कसूर हा, जां ए कोई तमासा ऐ ।  
में अक्खी झमकियां की दिक्खेआ, पर ओ ऊंआं गे गम्बीर  
बनिये बैठा दा रेआ । मिगी चम्ब लगी गेआ, ए कोई  
मनुक्ख ऐ जां भूत ऐ । इक परना गे उसनै लक्क लाए दा,  
बाकी होर कोई टल्ला उसदी देही उप्पर नई । इयें जनेह  
होर बी केई लोक त्रें चौं दिनें दे उत्थे फिरदे में दिक्खे दे हे,  
पर ओ समजदा हा, ए लोक नौहनेई जन्दे न, ते बांदरें दे  
डरें टल्ले नई लेई जदे होंगन । पर ए इस चाली मेरें कश  
बी उठी आया । फो उसदी सज्जी जां खब्बी भरमां दा  
निर्ण नई करी सकां, नां लिखी सकां, ते नां उठी सकां,  
मत्तू जन ओदे पास गे दिखदा रेआ ।

मिगी भकदे दिखिखी उसने अपनी भरमां खलेई करी लेई । तां मिगी बिस्वास होआ, जे ओ भूत ते नई ऐ । पर ओ कदे मेरे कागजें गी दिखदा हा, कदे होलडरेई कदे दोआनी गी । कदे मेरा होलडर हत्ये च लेइयौ ओदा रग जाचदा हा । मेरी नजरें च ओ भूत दा मनुक्व ते बनी गेआ हा, पर में उसी पुच्छी किश नि सकेआ जे ओ मेरे कश क्रियां आया ऐ ।

तां जे ऊऐ बोलेआ : “तुसं मेरा नां, पता, ठकाना, कम्म काज पुच्छना होग ?”

मेरे हां, नां आखनै शा पैहलें गी ओ अपने सोआल्लें दा जबाब बी आपूं गे देन लगी पेआ : “ओ दिखो मदानं दे परें घर । घरें दा घर ते मन्दरे दा मन्दर । अयोध्या दा हर घर मन्दर ऐ, ते हर मन्दर घर, की जे पुजारी लोक अपनी संना समेत रौहदे बी उत्थें गे न । अम्मीं पुजारी आं । मेरी मा ऐ, मेरे कन्ने रौहदी ऐ, मालक ऊऐ, में उसदा पालं दा पुत्तर आं । हून तुस मेरा नां पुछगे ओ ? सुनो । जहू तगर मेरा पूरा नां नि सुनी लौ, बिच बोलेओ नई । मेरा नां ऐ पण्डत जमनाधर, की जे ओ ब्राह्मण - जागत आं । के होआ, लिखी पढ़ी नि सकदा, पर अपने नां दे कन्ने “पण्डत” लाने दा हक मिगी पुजदा ऐ । ते होर इस कशा अगें सुनो उर्फ.....उर्फ महन्त जमनादास, महन्त इस गल्ला जे में राम-मन्दरे दी पूजा करना होन्ना, ते बरागी बनियौ करनां । ओ गे पुजारी आं, ते ओ गे महन्त । इस गल्ला

मेरा नां होआ पण्डत जगनाधर उफं महन्त जमनादास । होर  
 इस कशा अगें सुनो । मेरी माऊ दे बच्चे नईं हे बचदे,  
 कुसै साधु फकीरें ने दस्सेआ हा, जे हून तेरा बच्चा होग  
 तां उसदा नां अहा देसी ते अहा अग्रेजी रखेआ । इस  
 गल्ला मेरा पूरा नां होआ, पण्डत जमनाधर उफं महन्त  
 जमनादास के. सी. एस. आई, के सी. बी. ओ । अगें तुस  
 पुछगेओ, जे ओ तूसाढ़े कश की आयां ओ बी सुनो ।  
 तूसाढ़े घरं दे कन्ने गली दे सामनं लखनऊ दे पण्डत जी अयोध्या  
 बास करदे न । उदी इक कुड़ी ऐ किशोरी । में गांजा पीने  
 गिते ओद कशा इक अन्ना मगेआ हा, आखन लगी सामनं  
 जम्मू दे बाबू आए दे न, तुगी फीम खाने गिते चार आन्ने बी  
 देई सकदे न । ए जी मेरी मा मिगी नगद पंसे नि दिन्दी,  
 आखदी भत्त खाओ ते लेटी रोह । पर बाबू जी मिगी गांजा,  
 फीम, चसं भग ते चण्डू पजं चाईदे न । इस गल्ला मिगी  
 लोक पंज-कल्याण बी आखदे न । पर पं.-कल्याण ओ अपने  
 नां कन्ने नईं जोड़दा, चाह तां जोड़ी सकनां । तुस जानदे ओ  
 ना किशोरी गी । बड़ी दिहल कुड़ी ऐ । उसने अपनी बला  
 तूसाढ़े गल पाई ओड़ी ऐ ।”

में आखेआ : “कोइ हजं नईं, ओ दूएं दी बला अवन  
 सिर लनेई त्यार रोहन्ना । में तूसेई इक अन्ना बी देंग,  
 ते चार आन्ने बी, पर उसदे बदलै च तूस मिगी के देगेओ ?”

ओ तुरत बोलेआ : “किशोरी कन्ने तूसाढ़ी बाकवी  
 कराई ओड़ग ।”

“नई, में कुड़ियें कन्ने वाकवी नि करदा । किश होर ।”

“जे तुस कुड़ियें कन्ने वाकवी नि करना चाहदे, तां सयुं स्नान करनेई जन्दें तुसाढी धोती लेइये चलंग । स्नान करी लेंगेओ, तां गिल्ली धोती नचोड़िये घरेई लेंदा ओंग । जित्थे तुस चलगे ओ, उत्थे तुसाढी कन्ने चलंग ।”

‘माहराज इन्नी वड़ी दया तुम मेरे ऊपर कियां करदे ओ ?’

“बस इक तुस्सै ओ जेडे किशोरी कन्ने वाकवी नि करना चाहदे । इस्सै लेई में तुसाढा सारा कम्म करंग । तुसाढे पैर दवांग, तुसाढे सिर मालिश करंग । तुस बी कमाल ओ जो । तुस किशोरी कन्ने वाकवी नि करना चाहदे !”

तदूँ शा ओ मेरें कन्न कन्न गे रोहन लगा हा । उसदी पंज-कल्याणी बी दूऐ त्रिये दिन मेरें कशा पूरी होन्दी रौहदी ही, ते ओ मेरी पूरी सेवा बी करदा रौहदा हा ।

दों वरें पिच्छूँ में काशी रौहदा हा । अयीध्या जो दे मेरे वाकवें गो मेरे काशी रोहने दा पता हा । जमनाधरे गो बी पता लगगी गेआ । उसने ब्रांच पोस्टमास्टरे शा लखवाइये मिगी इक चिट्ठो भेजो जिसी डोगरी च ओं इयां लिखी सकना :

ओ साठे साब,

नमस्कार, पिछले मेलें च में अपने मन्दरें च म्यूनसिपैलिटी दी दस्सी दी संख्या कशा बढ़द जाती रखी ले हे, इस गल्ला

अदालती च मेरा चलान होई गेया । इस गुनाह उपपर होरने लोके शा इक दो रपे डंड भरदे ते फँजावादे दियां दो चार हाण्डीं करान्दे पर मिगी जज्ज ने श्रीह रपे डंड पाई ओड़ेया । तुम चबात करगेयो, जे मेरे कन्ने ए न्हेर की बरनेया । पर मेरा पूरा नां गे इन्ना डंड कराने दा मूजब बनेया । जज्ज ने बतेहरा आखेया, जे ए अग्रेजी अक्खर तू नईं लखवा, की जे ए अक्खर अग्रेज सरकार तां गे लिखन दिन्दी ऐ, जे ओ कुम पर बड़ी कृपालू होई जा । पर ओ नईं मन्नेया ते जज नराज होई गेया । पर में बिना अग्रेज सरकारा दे कृपालू होने दे गे ए अक्खर अपने नां दे कन्ने लिखने दा हक लेई लेया ऐ । जे इन अक्खरें दी इन्नी महत्ता ऐ, तां त्रियें रपें के मैहगे न । लोक पंज सो रपेया खचं करिये बी सूट सेयान्दे, ते चोर बजारें दा पजें रपें बी सूट थोन्दा । असें बी त्रियें रपें च इन्नें महत्ते दे अक्खरें दा सोददा करी लेया ।

जुमाना मेरे कशा तुरन्त वसूच करी लंने दी आज्ञा होई ही । पुलिस मेरे कन्ने आई । में अपने घरें दा चार सगले गिरबी रक्खिये जमाने दी रकम मुकाई, ते आपू जजमानी च उठी गेया । उत्थों दा कुल-बिल्ल त्रियें रपें दी गुराहा होई । पैदल चलिये इत्थें पुज्जा, सगले ते छुड़ाई लंते । पर में पंजकल्याण कशा निरा-कल्याण रेई गेया आं । कुस गी आखां, जे मेरी मदत करे । मिगी पूरी आसा ऐ जे थोड़ो बी मदत

तुस मेरी जरूर करगेओ । जे तुसे मेरी प्रार्थना उपपर ध्यान नईं दिता, तां ओं तुपे गो पुढा टंगिये छोड़ंग ।

तुसादा सेवक :

पण्डित जमनाधर उर्फ

महन्त जमनादाम

के. सी. एस. आई. के. सी. वी. ओ.

(कोर्ट च रजिस्टर्ड)

चिट्ठी पढिये मिगी जमनाधरे पर तरस आया । पर कम्मे गे थोड़ा मखौल करने दी गल्ल बी सुज्जो । इक - इक रपे दे पंज पोस्टल टिकट लफाफे च रजिस्टर्ड करिये में उसी भेजी दित्ते । जमनाधर पोस्टमास्टर कच्छ गेआ, उसने टिकट नईं खरीदे बजार दसदा फिरेआ,, पर उसो टिकटें दे पैसे कुसे नईं दित्त ।

त्रे चो दिनें ओं आपू उसी मिलने गो गेआ । दिक्खेआ तां कड़कदी धुप्पा च खडोता - खडोता आवखे करदा हा, "दिक्खेआ, पुढा टंगी छोड़ेआ, क नईं । मिगी बी धुप्प खानी पेई पर के होआ ? आखेआ हा, तां करिये दस्सी ओड़ेआ क नईं ?"

में कंदूदे पिच्छे खडीते दे जमनाधरे गो इस चाली बोलदे सुनेया हा । सामनें आइये में पुच्छेआ :

"एही कड़कदी धुप्पा च के बनदा महन्त जी ?"



सिम बेल्ले उसने मिंगी दिक्खेया, भट भाइयै पैर छूते,  
 ते ग्राखन लगा : “ग्राखेया हा ना, पुट्टा टंगी छोड़ंग,  
 सच करी दस्सी ओड़ेया नईं टंगदा तां तुस ओन्दे बी  
 कियां ?” उस ने कंददा पास सार्त कराई। कंददे पर घुप्पा  
 च मेरा फोटा उसने पुट्टा टंग दा हा ।



## दाल-भत्त



दिने मिगी कदें नींदर नईं श्रीन्दो । अपनी बिपता दे बचारें च पेदे किश आलस गे आई गेआ ।

नस्सो-नस्सी करदें मेरियें जडें च पीड़ होन लगी हो, बिचार आया, आचाय रामचन्द्र शुक्ल हुन्दे कश चलियें अपना ढिङ्ढ फरोलचें, तां खबरें क्लेस चा छुड़कने दी कोई सबील निकली आवे । बडिङ्ढयां भेनां सदा निक्कियें भेनें दे क्लेस च सहारा दिदियां आइयां न, ते बसदे - रसदे थार गेदियां होन तां क्लेस कटदियां बी आइयां न । दो कुलें दो रीसें-रबाजें च बज्जी दियां दो सक्कियां भेनां फो बी सक्कियां ते हुन्दियां न । उन्दे च फकं छड़ा मर्जादा दा हुन्दा ऐ । मर्जादा रखने दा, होने ते नईं होने दा, धनी ते गरीबी दा,

सगोसारी ते निगोसारी दा चंगी चाली नर्बाह करने दा फर्क हुन्दा ऐ ।

अच्छा लोड़ो, में आचार्य हुन्दे कश पुज्जा । अपना ना पता ते कम्म उनें गी दस्सन लगा । अजे में इन्ना गी आखेआ हा जे में डुगर देस दा रोहने आला साहित्यक आं । मते बरे पहलें अम बोलदे डोगरी हे, पर लिखदे हे हिन्दी उः ते अग्रेजी च । उनें दिनें इक इकला आदमो डोगरी च गान लगा हा ओ गांदा रेआ, लोक सुनदे रेह, पढ़दे रेह, हसदे ते गड़ाके मारदे रेह । पर ओ इकला हा, ते इकला इकला गी हुन्दा ऐ । फी में दूआ बनेआ । में लोकें गी गाने कश खिन्चेआ । असली समस्यां लेइयें उन्दियां कथां लिखियां । लोक रोई बी पे ते हस्सी बी पे, सोहगे होइयें अपनी बोली दे सीसे च अपना मुंह दिखन गी लगे हे, जे.....

आचार्य हुन्दा ध्यान बाहरे गी परतौआ । मामने डा० त्रिवेदी ते जयशंकर प्रसाद होर ओन्दे लब्बे । आचार्य होर उठे ते हस्सी-हस्सिये दीनें दे गलें लगे । में अपने आपे च बड़ा खुश होआ, जे प्रसाद हुन्दे गितो इन्दे मने च बड़ा प्रेम ऐ, बड़ी इज्जत ऐ ।

डा० त्रिवेदी बेइयें झटपट बोले : “दिक्खो आचार्य जी, अज्ज में प्रसाद होरें गो तुसाढ़े कश लेई आयां । तुसें इन्दा घर ते दिक्खे दा होना ऐ ।”

“नईं जी, इनें मिगी कर्दे सहेआ गी नईं, कर्दे इक चाही

दा प्याला गे.....

डा० त्रिवेदी ने गल्ल टोकिये आखेआ : “छोड़ो जी चाही दा प्याला । में जे किश आखन आया ओ सुनो । अज्ज मिगी प्रसाद होर जोरा-जबरी खिन्चिये अपने घर लेई गे । तुसें गी पता ऐ जे मिगी बेहल गे कुत्थे मिलदी ऐ । में अज-कल भारतेन्दु हरिश्चन्द्र दिये रचनें दा अनुसन्धान करा करना । एक हजार पन्नें दी पुस्तक बनानी ऐ । बड़ियां मौलक रचनां न, ते फी सबनीं थमां पेहलियां गद्य रचनां न । भारतेन्दु होरे के लिखेआ ! बड़ा कमाल लिखेआ ।”

मिगी बड़ी खुशी होई । हिन्दी दे पहले गद्य लेखक भारतेन्दु खुआए । डा० त्रिवेदी आखदे जा करदे हे : “के दस्सा ? में उत्थे जाइये के दिक्खेआ ? डियोडी दे दरवाजे कन्ने दो-दो पक्कियां इट्टां लगां दियां न, पर कंद कच्ची ते ओवे उप्पर लपाई हुन्दी ऐ, ओ बी केइये दिनें दी नईं होई बी । उससे कंदा दे अन्दरें ‘प्रसाद’ होर बेइये लिखदे न । में अन्दर नईं गेआ । उससे कदा च इक दुआरी ऐ । उस दुआरी गी लोहे दियां सलाखां लग्गी दियां न । कुसे दिन ओ लोहे दियां होंगन, पर अज्ज ओ खेह खाहदी दियां सलाखां न । प्रसाद होर उंदे कन्ने पिठु लाइये बाँहदे न । में ते आखनां, आचार्य जो, ओ खेह दियां सलाखां इक दिन नुट्टनियां न, ते प्रसाद होरे गी थल्ले गली च खड़बिल्ली लग्गी जानी ऐ ।

डा० त्रिवेदी ने आखदे-आखदे दोए हत्य चुक्किये जियां

परतोने दा स्वांग कीता, ऊं आ गै आचार्य होरें बड्डे जोरें दा गङ्गाका मारेआ ते बोले :

“नाटक प्रसाद होर लिखदे न, ते स्वांग तुस बनी गे ओ । नाटक साकार होई गेआ ऐ, नाटके दियां सारियां पलची दियां गंडीं खुल्ली गेडयां न । लेखक आखदे नाटक लिखो तां खेडने आला कोई नई । खेडने आलें गो खेडने जोगा नाटक नई लवदा । इत्ये दोए किठु होई गे न, बाह, बाह, बाह...”

“में ते षोप्राड कश सलाह करने गो आया हा । प्रभार हुन्दे गिते किश करना चाइदा ऐ ।”

आचार्य हुन्दा हास्ता बंद होई गेआ, रुक्खे होइयें बोले :  
“के करचें, सौ रपेआ अपनी तनखाही चा में देई ओइना, सौ तुस देई ओइो, दों सवें सलाखां मजबूत होई सकदियां न ।”

“प्रसाद होर आखदे न, छत्त बी गरसाल होई गेदा ऐ । उऐ कुसँ दिन उप्पर आई पेमा तां ?”

“तां छत्ते गो अस के करी सकने आ । इत्ये पंद्र सवें अपनी गे पूरी नई पौन्दी ।”

में अपने आप च संगोई गेआ ।

इन्ने च बड़ा शैल चोगा लाए दा, तेल लाइये बाल बाहि दे, निक्कियां - निक्कियां मुच्छां रक्खी दियां, गोरे लां भारतेन्दु हरिश्चन्द्र होर हसूँ-हसूँ करदे बेहड़ ओदे लम्बे ।

चौन्नें पासै चाननी खिड़ी उठ्ठी । सब जनें उठ्ठिये गले लगे । फी वेइये आचार्य होर आखन लगे :

“दिवखो अज्ज तुसाढ़ा किन्ना मान ऐ । तुसाढ़े नां दा कालेज ऐ । पुस्तकें च तस्बीरां ते लेख छपे दे न । सबनीं ज्यानें-सेयानें दे दिले च तुस चंद्रमा साई बस्से दे ओ । फुल्ले दा पैहला बूटा लाया, पूरा बाग खिड़ी पेआ ऐ, चबक्खे सुगन्दी दे मुहाड़ छुड़के दे न । तुस अमर होई गे ओ, सैकड़ बरे तुसाढ़ियां लिखी दियां कथां अमर रोहनियां न ।”

उस्स बेल्ले भारतेन्दु होरें आचार्य हुन्दे कन्नें च किश आखेआ । आचार्य होर फिक्के पेई गे । उनें डा० त्रिवेदी दे कन्नें च किश आखेआ । डाक्टर हुन्दा मुंह लाल होई गेआ बोले :

“दिवखो हरिश्चन्द्र जी, असें लोकें तुसाढ़ा नां उच्चा कीता, तुसें गी अमर कीता ऐ । तुसाढ़े नां दा अस जे किश लिखने आं, नां तुसाढ़ा बददा ऐ मेहनत असेगी मिलदी ऐ । इक शब्द टाइप कराने दा असें गी इक रपेआ थोन्दा ऐ ते ठाहरें हजारें दा ठारां हजार मलना ऐ । ए कोई मता ऐ ?”

भारतेन्दु गच्चकोइयें बोले : “मिगी सिर छपालने गितें छत ते दाली-भत्तें दा सारस्ता चाईदा ऐ ।”

डाक्टर होरें नीमां सिर रक्खे दे आखेआ :

“ए कठन ऐ, ए कठन ऐ ।”

में उट्टी सड़ोता : “ए कठन ऐ ? ए कठन ऐ ?”

रत्नावली पुच्छन लगी : "के आखदे ओ, के कठन ऐ ?"

मिगी होश आई गई में आखेमा : "दाल-भत्त बनाओ,  
कुसे दे नां दा खलाना ऐ ।"

उसने मेरे पास पिठ्ठ कीते दे गे आखेमा :

"दाल मुक्की गेदी ऐ, चील सम्बी गेदे न, ते बजारै दा  
नुप्राने गितै घरं च रपे बी नईं न ।"

मिगी सेई होआ, ए सुखना नईं हा, मेरी अपनी आत्मा दे गे  
बोल हे ।

## मड़तन दा बसनीक



परलें बजार इक हट्टी कराए पर लेइयें मिडल दे किस  
जागलें आपूँ विच्चें रलियें सेयाले दी रातीं पढ़ने दा विश्वा  
कीता । म्होना भर पढ़ई होआ हा, तां लोहड़ी पढ़े दिने  
रेई ही । इनें जागलें दी मर्जी होई जे अपनई उस हट्टी दे  
सामनें खुल्ले थार ऐदकी लोहड़ी बालने दा प्रबंद करगे ।  
जागत की जागत गे हे, बसाठिया कुत्थों दा लैमे, इस गल्ले  
दी परचोल पाई । सोची - सोचिये निर्णा कीता जे नगरे  
दे होरनें जागलें साई ओ बी तरकालें बेल्ले रोज बसाठिया  
मंगने गितें जा करडन । पर जिस बेल्ले ए मंगन चढ़े,  
तां सेई होआ जे सारे नगरे दे घर पहलें गे महल्ले महल्ले  
दे जागलें मल्ली रखे दे न । ए जदांह पास मुंह कडन,



उप्यों गे कुसे टोली कन्ने इन्दी भक्त होई जन्दी ही ते ओ  
उनें गी कुसे होर महल्ले जाने गितं आखी ओडदे हे ।

मिडल जमाती दे जागतें, थोड़ें जां दों त्रें म्हीनै इत्थों  
दे स्कूले गी छाल मारिये टप्पी लंना हा, बडु स्कूले च शहर  
जाइये भर्था होना हा । इनें गी कोई महल्ला नई सब्ब जित्थें  
पुलार दिक्खये बसाठियां मंगने गितं अपना थार बनान ।  
दो त्रें दिन बचरे खाली हत्थे परताई ओदे रेह ।

झिगली चोरी मन्दरे दे सामने बड़ी बडुी सार्वजनिक  
लोहड़ी बलदी होन्दी ही । उत्थों दे जागत मन्दरे दे खल्लें  
त्रेवं गलियां ते उपरलें पास कुडेयारें दे महल्लें तगर बसाठियां  
मंगी लेई जन्दे हे । कुडेयार बी अपने बजार लोहड़ी बालदे  
हे, पर उन्दे जागत बसाठियां मंगदे नई हे, सेयाने शाह चदा  
पाइये मुल्लें बसाठियां लेई लंदे हे, ते लोहड़ी बाली लंदे हे ।  
इयां । झिगली चोरी दे जागत इन्दे घरे दा बी बसाठियां मंगी  
लेई जंदे हे । मिडल दे जागत गी पुलार लब्बी, इत्थें आइये  
ओ बसाठियां मंगन चढ़े ।

कुडेयारें दे दों त्रें घरे दा बसाठियां मंगिये जागत काजी  
नजाम दीन हुन्दे घरे दा बसाठी मंगन लगे :

इक जागत बोलेआ : "हेरनी भई हेरनी ।"  
दूआ ,, ,, : " गप्पां वाले आए हे ।"  
त्रिया ,, ,, : " नो सी तीर चलाए हे ।"  
चोथा ,, ,, : " एक तीर में मांग लिया ।"

अन्दर दा इक हत्थ निकलेआ, उसने इक बसाठी जागते दे हत्थे च थमाई । पर पंजवां जागत उससे ताले च बोली पेआ : “बड्डे भाई का नाम लिया ।” छेमां जागत परतोन्दा बोलेआ : “बड्डा भाई भारेगा ।” मारेगा बोलेआ गे हा, जे भिगली चोरी दे बारां जागत छुत्त कीते भाई गे ते इनें जागतें दे हत्थें चा बसाठियां खूसी लैतियां जागत भुचक्क होए दे खड़ोते दे सोचन लगे ए होई के गेआ ऐ । इन्नें च पिच्छों दा शम्सदीन द्रोड़दा आया ते मिडल दे जागतें गी सार्ती कन्ने सददा अगें वदी गेआ । जागत बी उसदे मगर द्रोड़े, ते उनें भिगली चोरी दे जागतें कशा अपनियें सने उन्दियां मंगी दियां बसाठियां बी खूसी लैतियां । परले बजारे गी परतोन्दे शम्सदीन गांदा जा करदा हा :

“दिल्ली कौन सोआरेगा ?”

“दिल्ली कोल दो मोरियां

जीन साव दियां धोड़िया ।”

अपनी हट्टी दे सामनें जागतें बसाठियें दा ढेर लाया ते शम्सदीन आकड़दा-आकड़दा परतोन लगा, तां इक जागतें ने उसी रोकिय पुच्छेआ :

“की शम्सदीना फी कल्ल ?”

“भाई जरूर, ऐदकीं शान कन्ने लोहड़ी बालगे ।” इन्ना आखियें शम्सदीन सामनें नजर पाई, तां इक गोरा - गारा

मुहारा कोट दे बनेरे परा झांकिये फो खल्ले गी लोप होई  
गेआ । शम्सदीन बिन्द ओठें च हस्सी पेआ, ते ज गतें गी  
सिर होन्दें दिखियी बोलेआ : "भाई साढ़े कशा डरदे न,  
भला भड़तने पर कुन रोहना चाहदा ऐ ?" ते फो ओ परतोई  
पेआ, घरे गी उठी गेआ ।

शम्सदीन धुब्तने आले फकीरे दा पुत्तर हा । धुब्तने पर  
कब्रस्तान हा, ते हिन्दु बी निकके बच्च गी उत्थे गे अगें पिच्छे  
दबदे होन्दे हे । शम्सदीन दा बब्ब हिन्दू मुसलमानें दे मरने  
पिच्छे दा पहरेदार हा । दोनै धारें दे बशकार उसने घर  
बनाए दा हा । फसलें पर केई मन दाने जिमोदारें दे धरें दा  
गुराही करिये लेई ओन्दा हा । इयां बी महीने दे महीने भिक्ष  
लेंने गी जा, तां धरें परती दुप्पा दानें दा उसी थोंदा हा ।  
जुमे आले दिन ते होर ईदें दे तेहारें पर अपन घर ढोलिये शा  
ढोल बजोआइये पैसे, आटा, फल, मठेयाई, टल्ले, भाण्डे  
नजर-न्याज चाढ़ने गिते मेला लान्दा होन्दा हा । ज्याणें गी  
नजर लग्गी जा, जां बाहरे दा कीता कराया फाण्डा बाहिरी  
ठीक करी दिन्दा हा । लोकचर्ज करदे हे, जे फकीर ते भला  
कब्रस्ताने दा पहरा दिन्दा होग, पर शम्सदीने गी बी उत्थे  
रौहदे डर कियां नई लगदा । इस्से गल्ला शम्सदीने उस गोरे  
मुहारें पास नजर पाइये आखेआ हा : "भड़तने पर कुन रोहना  
चाहदा ऐ ?

" पर शम्सदीने दियां केई पीढ़ियां उत्थे गी रौहदियां

आइयां हियां । उस दी मा हून ते मरी गेदी ही, पर ब्योही दी आई दी उत्थें गे रौहदी रेई ही । ओ बी कोई इयें नेह फकीरे दी घी होनी ऐ । इन्दे घर इक गो सदा बज्जी रौहदी ही । शम्सदीन रज्जिये दुह पीन्दा हा, तेल लाइये डंड बैठकां कडदा हा, ते कीड़मू दी बाई पर जाइये न्हीन्दा हा । उसदा शरीर लोहै आंगर बट्टे दा हा, ते सोल-मोल घाट बड़ा शैल लबदा हा ।

जागत जित्थें पढ़दे हे, उस हट्टी दे सामने इक बनजारे दा घर हा । शम्सदीने सत्तवीं जमाती चा पढ़ाई छोड़ी ओड़ी ही, ते सोचदा हा, कुतें पटवारी ते बनी गे जाग । बनजारे सोचदे हे जे शम्सदीन पटवारी बनी जा, ते कुतें बाहर रोहन लगे, तां भागां दा ब्याह उस कम्ने करी ओड़गे । पर जिन्ना चिर शम्सदीन अपने घर रौहदा ऐ, ओ उन्ना चिर अपनी धीऊ गो महतने पर रोहने गो कियां भेजी देन । भागां ते घुबतने दे नां यत्रां बरदो हो, कम्बी उठदी ही ।

शम्सदीन दूऐ दिन फी आया, ते त्रिये दिन घी । हून ओ रोज बसाठियां मंगन जन्दा हा, ते हट्टी दे सामने परतोइयें जिस बेल्ले सब जने अपनियां बसाठियां ठाले च रलांदे हे, तां उंदी अपनी गे छाती फुल्ली उठदी ही । लोहड़ी बालने गिते किट्टियां कीती दियां बसाठियां चोरी ते नई जाई सकदियां, पर लहिये कोई जबदस्ती लेई जा, इस गल्स दा डर ते होई गे सकदा हा ।

लोहड़ी त्रे दिने रेई गेई, तां बसाठियां आनिये अर्जे सब

जागत खड़ोते गे हे, ते शम्सदीने गी बिदा करिये उनें पढ़ने गितें बोहना हा, जे इन्ने च गी झिगली चोरी आले जागते दा बीयें - बाइयें दा इक टोला उन्दे पर आइयें ब्रुट्टी पेआ, ते बसाठियां खूसियें नैन गितें उनें भार बन्नन लाए । पर शम्सदीन नें इक बसाठी हत्य लेई लेई, ते तड़ा - तड़ जागते गी मारन लगा । दूए जागत बो शंह पाइयें किठ्ठी कीती दी सम्पती गी बचाने गितें शेर होई गे । शम्सदीन जिसो - जिसी इक-इक टकाई ओ इक खाइयें उत्थें खड़ोई नईं सकेआ । जागत नस्सी गे ते शम्सदीन उस दिन जित्ता दी खुशी मनाने गिते उत्थें गे सेई रेआ, बसाठियां लैन फी नि आई जान, उन्दी राखी करने गिते त्र दिन उत्थें गे रौहदा रेआ ।

इनें त्र दिनें च : "हेरनी भाई हेरनी" दी मुहारा कम्ने इक होर मुहार सुनचन लगी : "मूली दा पत्तर हरेया, हरेया । बीर सोहागै घोड़ी चढ़ेआ ।" पर ए मुहार कदें कोई निक्की नेई कुड़ी आइयौ बोलदी, ते फी नस्सी जन्दी ही, जां कोई निक्का जागत आइयौ शम्सदीने दे सामने बोलियें नस्सी जन्दा हा ।

लोहड़ी आलै दिन बसाठियां लेई जाने दा डर नईं रौहदा । शम्सदीन दिनें-दिनें अपने घर गेआ, ते टल्ले बदलियें तरकालां पीने थमां पैहलें परतोई आया । गूढा न्हेरा पीने पर लोहड़ी बाली, ऐदकी दा ए गैनां झिगली चोरी कशा बड़ा हा । शम्सदीन ओंजल भरियो बचोली दा अर्ग दित्ता, होरने सबनीं

जनें अर्ग दित्ते, ते परदक्खना देइयो सब जने अग्गी दे चगिर्द बेई गे । भागां दा बब्ब बी आइयो शम्सदीनें कश बेई गेआ हा ।

शम्सदीन अज अपनी मंगी दिये बसाठिये दी लोहड़ी बालिये बड़ा फसाई-फसोइयो अग तप्पा करदा हा, ते उसदे कन्ने बैठा दा बनजारा अस्कं भागां दा सनेआ देन आए दा होऐ, जे हून ओ उस कन्ने मड़तनें दो बसनीक बनने गिते बी तयार ऐ ।



## वत्तर



जगतू ने कंदा दे गोर्जे चा अगना कम्बल ते लोई कड्डे,  
उनेईं मोण्डे पर रक्खेग्रा, ते छड़प्पे मारदा, शीहर पिच्छे  
छोडदा, धौयली दी ठक्की उतरी गेग्रा । उस ने 'तीह' टप्पी ।  
तीहो दा लक्क-लक्क पानी अज उसी गोटें-गीटें सेई होग्रा ।  
पार जाइये उसने बसां नि कोता, ते सिद्दा बजालते आली  
बक्खी खिट्टा मारन लगा । थोड़ी - थोड़ी दूर जाइये  
पिच्छे दिखदा, ते अगें नसदा जन्दा हा । उस दियां जंडां  
कम्बदियां हियां ते कालजा धड़कदा हा । शीहर  
अपनियां दंदरालां कड्डिये उसी अपने ठिड्डे च समाई लेने गिते  
पिच्छे द्रोडदा ते नईं आवा करदा, इस डरें ओ पिच्छे दिखदा

हा ते अगों नसदा हा । बजावते दी हट्टी पर आइयो उसने पानी पीता ते पंजीये पैसे दा मावा खरीदिये चली पेआ । औगलीं कन्ने मावे दियां निक्कियां-निक्कियां गोलियां बनांदे, ते इक-इक मुंहे च पांदे ओ तूतें दी खूई आनी बक्खी चली पेआ । अज उसने हट्टी नई खादी दी ही, ते इस मावे कन्ने उसदी भक्ख नि हमकी । तूतें दी खूई जाइयो उसने गुड़ लेआ, गुड़ खाइयो ठंडा पानी पीता, ते की अगों चलेआ ।

धुप्प ढाला पर ही । जगतू नाली दे लेत्तरे पर चलदा जन्दा हा । नाली दे पंज बाए न, ते पानी धार जन दो बाएं च गीटें-गीटें बगदा हा । बाकी अहा मील सुक्का लेत्तर । चलदे-चलदे जगतू दे पैरें दे हेठा दा खिसकदा, ते पिच्छें सुटदा जन्दा हा । पर जगतू ने हून अगों चलने गी लक्क वन्नी लेदा हा । लेत्तरे च ओ खिट्टां नि मारी सकेआ, पर दुरड दित्ते दे चलदा रेआ । उसने ऐत्थमें दा ठक्क चढ़ेआ, ते परलै पास उतरेआ । ध्याड़ा थोड़ा रेई गेदा हा । सरूईसरे दे सिरै पर जाइयो ओ इक कुप्पड़े पर बंठा, ते धरोई-धरोईये सरे दे नचाल चिट्टे पानिये गी दिक्खन लगा, जित्थें छड़ियां किश मरग्याइयां उप्पर उडुरदियां हियां, ते किश कड़े-कड़े करदियां पानिये च तरदियां लवदियां हियां । जगतू गी किश सुतें फिरो । इत्थें आइयो उसी बिस्वास होआ, जे शहरे दे लोफ कदें इत्थें ओंदे हुन्दे, तां ना ए पानो शान्त रोहन्दा, ते ना ए मरग्याइयां मजें कन्ने उड्डरी-फिरो सकदियां हियां ।



सरुईं सरे दे नचाल पानियें गो दिक्खियें जगतू वियें रोन्दियें  
अक्खीं च पानी चमकी पेम्मा ।

जगतू चिर भर अपनी होई-बीत्ती पर वचार करदा  
रेआ । निक्का नेआ उस दा जीन, पर मोण्डे च जोर हा ।  
उसदे त्रे भ्रा पल्टनी च नोकर हे । खाखी जीन्ने दे सूट  
लाइयें जिस बेल्ले श्री घर श्रीन्दे हे, तां उन्दियां लाड़ियां  
फसोई - फसोई पौंदियां हियां । जगतू दे सिरै पर राहने-  
बाहने दा कम्म हा । बब्ब लम्बड़दार, लम्बड़दारी दे कम्म  
च रचे - पचे दा रोहन्दा हा । जनानियां रली - मिलियें  
घरे दा, गोए पत्तरे दा, ते खुम्बे दा कम्म करदियां हियां :  
जगतू छड़ा हल गे बांहदा हा, बाकी सारा खुम्बे दा कम्म  
बी जनानियां गे नब्बान्दियां हियां । पर जिस बेल्ले पल्टनी  
दे जोम्मान खाखी बंदियां लाइयें घर श्रीन्दे हे, तां जगतू  
दो लाड़ी जगतू गो अन्दरो - अन्दरी घुर्सा करांदी ही :

“तुस इत्तें मोए दे, मित्तिये च मित्ती होऐ दे । तुमें गो  
बाहर जाइयें कोई कम्म नईं लबदा । तुस बी बाहरे दा  
चिट्टे टल्ले लाइयें घर आओ, तां अम्मीं अपना सिर उच्चा  
करिये चली सकां, मेरा मन बी नचची उट्टे, जे मेरा कन्त  
अज्ज घर आए दा ।”

मनुक्ख वर्तमाने उपपर कर्दे संदोख नईं बुजदा, भाएं  
किन्नी बी हालत सुखी होऐ ।

दूए गी दिक्खिणी जलना, ते ओ भांए किन्नां बी गब्बर  
होए, उसदी पुलारा पर नजर रक्खनी ए मनुक्ख दा सब्हा  
परमेसरं ने बनाए दा ऐ ।

सौनी बडोई गेदी हो, हाड़ी राहनं गिते पहले दिने दा  
त्रौकड़ा पेदा हा । इक दो दिनें गित जमीन बत्तरें आई दी  
हो । दूऐ दिन बाही करनी हो, तां पहलो रातीं लाड़ी कन्ने  
जगतू दी घुसो-घुसी होई पेई । जगतू बिम्बली खड़ोता, उसने  
कल बत्तर नि दिक्खना । भाऊ भांए आपूं हल बाहे ते भांए  
कुसे गी कम्याई उपपर सही लं । ओ हून शहरे गी जाग ते  
जरूर जाग ।

जगतू पहली कुक्कड़-वांगा उठे प्रा हा । इक नोई ते  
कम्बल मोण्ड पर ले हे, खुम्बे दी बाही छोड़िगी, ओ शहरे  
गी उठी गेया हा ।

भुसमुसा होया, तां परचोल पेई, दांद खोले, हल बाहर  
रक्खी । सब जनें जगतू गा बलगदे रेह । उसी आले दित्ते,  
पर जगतू नि आया । लाड़ी जानदी ही, पर बोहासरी नई ।  
फी उसदा कोई काट-पत्तर नई आया । कुत्थें ऐ, ते कुत्थें  
नई, कोई पता नई मिलेया ।

न्हैरा पौन लगा । निक्की-निक्की चाननी सरुई-सरै पर  
चिट्टी चादर बछान लगा । ग्रिठ-ग्रिठ भोड़ां उठिये चादरे दियां

घुनजां बड़ुन लगियां । पानी जम्हानियां मारी-मारियें सौन लगा, तां जगनू कुप्पड़ै परा उठेया । हट्टियें पर जाइयें उसने रुट्टी पकाई, खादी, ते किश दूए दिनें गिते गडी बन्नी लेई । इक पामे होइयें उसने कम्बल बछाया ते सेई रेया ।

दूए दिन बड़ुं पेंहर लोई हुन्दें ओ चलेया । अज्ज ओ बल्लें-बल्लें चलन लगा हा । जित्यें पुज्जना हा, उत्थूं दा बत्तर खुं जाइयो ओ नस्सी आए दा हा । शहरें च उस कन्ने के के गुजरी, कियां कम्म करदा हा, के खंदा हा, ते कियां सोन्दा हा । दौं दौं मनें दी बोरी ठोन्दें बी दिड्डु गै पूरा होन्दा हा । लोई हेठ बछाइयें ते कम्बल उप्पर लेइयें कुते बी रडै थार कृक्कड बनियो सोना पोन्दा हा । तयाले दे दिन, बदल पवें, तां बनेरें दे हेठ संगोइयो रात कट्टनी पोन्दी हो बड़ा ओखा जीन हा । पेंहलो-पेंहल उसी शहरें दे कम्म दा बत्तर गै नि आया । जिस बेल्लै थोडा अगें बदेया तां ठंडू कन्ने गोडें पोडां होन लगियां ते डाक्टरें दा इलाज कराइयें फगताल होई मेया । चिट्टे टल्लें दे सुखने उसो किन्ने बारोःआए हे । पर तन लगे दे लुगडें गी धोने दी बी बेहल उसी कदें गी मिली हो : किन्ने दिनें दे पंज-पंज सत्त-सत्त पैसे जोड़ियो उस ने इक रपेया बचाए दा हा । कल त्रिये पेंहर टल्ले धोने दी, ते सिर-पिढे होने दी आस उसने रक्खो दी हो ।

घोगड मढे दा ठक्क जगतू चढ़दा जन्दा हा । चौथा पेंहर होई मेदा हा । शहरें दा सारा हुट्टन अज्ज गै उस दियें जडें

च समाई गेदा हा, ते भज्ज ओ धरोई - धरोइयो गेई  
दिन्दा चलदा जदा हा ।

कल दो मनें दो बोरी चुक्किये ओ पंजाएं पैसैं दी मजूरी  
गिते जा करदा हा । गली चा सिङ्का पर उसने मुड़ना  
हा । सिङ्का कन्ने मिलदा गली दा सिरा लोकें कन्ने भरोचे  
दा हा । सिङ्का पर दो लोक किठे होए दे हे । बशकार इक  
कवि कविता पढ़ा करदा हा । जगतू दे उत्थें पुजदें  
बोलेआ :

‘कुदरे गी जान बचारे मजूर,

जाना मजूरी गी घरे शा दूर ।

सिरे पर चुक्किये फिरेरदा भार,

संभ्रां गी हुन्दी ऐ डिडी दी कार ॥

मजूरें दी हमदर्दी च लोकाई भुम्भन लगी, ते उम्बली-  
उम्बली पीन लगी । जगतू गी उनें ठेहलेश्रा, ते जगतू बचारा  
भारें सने नुक्करे आली हट्टी दे कनें कन्ने जाई बनकेआ । हट्टी  
आले ने उत्थें कच्चू दा समान बनकाए दा हा । उस चा इक  
निक्का नेआ मर्तवान सिङ्का च छुड़की पेआ, ते फिगरी-फिगरी  
होई गेआ । हट्टी आला ए मौका जियां दिक्खा गे करदा हा,  
जे कोई तांह पासं बज्जें, ते उसदा किश समान भज्जें । जगतू  
गी उसने डराया, त्रै-चार चण्डां कस्सी-कस्सिये मुंहे पर  
मारियां, भार छुड़काया, ते न्हीने धोने गी एक्खे दा श्री रपेआ

कडाइयै जगत् दा न्होन-धोन करी ओढ़ेआ । किन्ने गै आदमी  
ए तमासा दिक्खा करदे हे, पर कुसै ने चुरस नि कीत्ती ।  
जगत् भार चुक्कियै अगें बढ़ी गेआ । हट्टी आला बड़ी शान  
कन्ने जोरें जोरें आखदा रेआ :

“अक्खीं लबदा नि, अन्ने होइयै चलदे न । मेरा मसंवान  
भन्नी ओढ़ेआ ।”

“कोई डर नि, कोई डर नि ।” आखदा कवि उठी गेआ ।  
उसी पता नई लगा जे मजूरें दी हमदर्दी च आखे दे उसदे  
बोल तीर बनिये इक मजूरे दे परसं दी कमाई विनै दपैरीं लोकें  
दे दिखदें ते उसदे सामने लुट्टी लेई गे हे ।

अही रातीं जगत् घर पुज्जा, तां सब सेई गेदे हे । घरे  
आलें गी बज्जालने दी हिम्मत उसी नि पेई । निक्की-निक्की  
बरखा पौन लगी, ते ओ संगोन लगा । बनेरे दै हेठ कदा कन्ने  
बनकियै उसने अज्जे दी रात बी कट्टी ।

कुक्कड़ बांगा भाऊ जागेआ, ते बाहर आया । उसने कंदा  
कन्ने लगगे दे जगत् गी दिक्खेआ :

“ऐं बी कुन ऐ इस्थें.....जगत् ?”

“भाऊ, बत्तर होई गेआ, जोग खोल्ली दे, ओं बाही करनेई  
जा । शहरें च नाज नि थोन्दा ।”

“जगत्, हाड़ी दा बत्तर खुं जाइयें बी तुगी शहरें दा बत्तर

नई' आया । मसैं इत्थें मंगी-मंगियें गरोले खाहदे हे । आ, वञ्च, पुतार ते पोत्तरे रलियो सौनी राहने डा वत्ता साम्बचै, तां फी साढ़े घरे गी, यां गी ते देसे गी गरोले मंगियें खाने दी लोड़ नई' रीहग ।" आखदे-आखदे भाउ ने जगतू गी गलें लार्ह लेआ ।



मेरी जन्म-भूमि रामनगरे दे राज-रत्न

राव रत्नसिंह जी लिखदे न :

श्री भगवत्प्रसाद साठे हुन्दे कन्ने साढे पिता पुर्खी सम्बन्ध  
चले आवा दे न । ए डोगरी दे पहले लेखक न, जिनें डोगरी  
भाणा गी असली स्थाने उपपर आनने आस्तै अथक  
साधन कीता ।

इन्दियां कहानियां सरल ते रोचक होने करी मिगी  
विश्वास है जे इन्दा डोगरी कहानियें दा ए दूआ संग्रह डोगरी  
जनता च हत्थो-हत्थ लग्गी जाग ।

आऊं इनें गी इस दूए संग्रह दे छपने उपपर बधाई दिन्ता  
ते अगें लेई शुभ कामनां भेजना ।

जम्मू  
७-५-७०

रत्नसिंह  
(राव रत्नसिंह)  
जम्मू

रामनगरे दे श्री जहूरुद्दीन एम० ए० लिखदे न :

“डोगरी जवान के नसर-निगारों में से जिन शख्सियतों ने मुझे सब से ज्यादा मुतास्सर किया है, उनमें श्री साठे सरेफेहरिस्त हैं । इनकी कहानियां इनके माहोल की रो-दाद होती हैं । जिन्दगी की पुर-खार राहों पर चलते-चलते उन्होंने जो कुछ पाया है उसे एक माहिर फनकार की तरह लफजों के कालब में ढाल कर अपने कायरीन तक पहुंचाना हमेशा अपना फर्ज समझा है ।

रामनगर ने यूं तो डोगरी अदब को बहुत कुछ दिया है लेकिन साठे साहब की शकल में जो पहला तोहफा रामनगर से डोगरी जवान के अदब को मिला है उसे डोगरी अदब की कोई भी त्वारीख फरामोश नहीं कर सकती । क्योंकि उनमें डुगार देस के आम इन्सान की रो-दाद उसका रहन-सहन और सोचने-समझने का ढंग सुकट्यद है । यही वह मुकाम इत्तसाल है जहां अदब का धारा त्वारीख से जा मिलता है और जहां अदब त्वारीख की रफी-उल-शान मनजिल से हमकनार हो जाता है । खुदा करे डोगरी नसर को साठे साहेब की सरपरस्ती एक अरसा तबील तक नसीब हो ।

—जहूरुद्दीन





